

ALB

T8c




GAUDEO.

John Carter Brown.

The image shows a book cover with a vibrant, swirling marbled paper pattern in shades of red, yellow, and blue. A decorative gold border with a repeating floral motif frames the cover. In the center, there is a rectangular label with a cream-colored background. The label features a detailed black and white coat of arms. The coat of arms consists of a shield divided into three sections: the top section is a lozenge containing a bird, the bottom left section contains a bell, and the bottom right section contains a book. Above the shield is a crest depicting a dragon. The shield is flanked by ornate scrollwork and a ribbon at the bottom that reads 'GAUDEO.' Below the label, the name 'John Carter Brown.' is printed in a serif font.





(1595)

ca. ca 1617



AMERICA
PARV QVINTA.

Nobilis & admiratione plena
Hieronymi Bezoni Mediolanensis,
secundæ sectionis Hispanorum, tum in
Nigritas servos suos, tum in Indos crudelita-
tem, Gallorumq; piratarū de Hispanis toties
reportata spolia; Aduentū item Hispanorū
in Novam Indiæ continentis Hispaniam,
eorumq; contra incolas eius regionis
sævitiam explicans.

Addita ad singula fere Capita scholia, in quibus
res Indiæ luculenter exponuntur.

Accessit præterea Tabula Chorographica Novæ
Hispaniæ in Indiâ Occidentali.

AD


Invictis RVDOLPH, II. ROM. IMP. AVG.

Omniæ elegantibus figuris in aes incisæ expressa à
Theodoro de Bry Leod. civi Franc. A. cō L xcv.

mi.

PLC

P R Æ F A T I O.




THEODORUS DE BRY
Lectori salutem.

IN superiore libro historiae Americanae (benevole Lector) in qua res novi orbis nuper inventi mirandae atq; insignes non tantum scripto recitantur, sed & iconibus exprimuntur & repraesentantur, dictum est eas terras Christophori Columbi Genuensis industria mirabiliter ac praeter spem eorum omnium, quos ea de re compellarat, repertas fuisse. Quoniam autem ille Columbus vir erat cordatus magnique ingenii & animi, Rex & Regina Castiliae antequam ab illis discederet, ejus effigiem ab eximio aliquo pictore ad vivum exprimi jusserunt, ut si ab illa expeditione non rediret, aliquod ejus monumentum apud se haberent. Hujus autem effigiei exemplar nuper post absolutum quartum librum superiorem, a quodam amico meo, qui illud ab ipso pictore acceperat magno cum gaudio nactus sum, cujus te quoque participem facere volui, atque in hunc finem eam effigiem a filio meo exigua forma, quam fieri


a 2 potuit,


potuit, perfectissimè in æs incidi curavi, quam & tibi hoc libro offero atque exhibeo. Et revera digna est viri virtus, cuius imago bonorum oculis obversetur. Fuit enim ille vir probus, comis, magnanimus ac moribus honestis, pacis justitiæq; amantissimus. Quod si Hispani ejus æmuli consilium ipsius secuti fuissent, tot tantæque mala in novo illo orbe non accidissent, neq; ipsi tanta rabie non solum in sua mancipia & in miseros Indos, sed in semetipsos mutuis cædibus sæviissent: sicut factum esse sequens historia testatur, in qua videbis, quantopere ambitio & avaritia geminæ generis humani pestes eos excæcarint atque trucidarint. Quorum flagitia Deus ut puniret, non tantum ipsos inter se cominifit, verum etiam Gallos piratas in eos immisit, qui invidia & avaritia pariter impulsæ, eos in multis Indiæ locis adorti sunt, multas eorum urbès diripuerunt & incenderunt, multosque ex ipsis crudeliter interfecerunt. Atque ea est merita fors justaq; merces illorum, qui se Diabolo mancipant. Quis enim dubitet ambitionem & avaritiam à Satana originem suam habere, atque eos, qui illis inserviunt, Satana mancipia esse? Ambitio enim primum fuit peccatum, quo Diabolus & se & homines in extremum exitium præcipitavit: Avaritia autem, cum teste Apostolo sit idololatria, alium authorem habere nequit. A quibus vitiis, ut nos conservet Deus Opt. Max. sedulo orandus est. Videmus enim homines hodie iis ita fascinari, ut eorum causa nihil non facinoris aggrediantur ac perpetrent, seque animo & corpore misere divexent & crucient, Christianos se esse dicentes, sed dicti Christi parum memores, quo monet, ut prius regnum ipsius & justitiam quæramus, promittens fore, ut cætera nobis adjiciantur. Cæterum si Deus mihi adhuc modicam hujusce lucis usuram concesserit, spero me tibi reliqua ad hanc historiam pertinentia prope diem exhibiturum. Quod, ut fiat, me tuis precibus commendo, Deumque rogo, tibi suam gratiam largiatur, quo hæc in ipsius gloriam tuamq; utilitatem & salutem legere & contemplari queas, A M E N.
Feliciter vale & fruiere.



SECUNDI LIBRI SUMMA ET ARGUMENTUM.

SUPERIORE libro repertam à Columbo Hispaniolam aliasque Indiae Occidentalis insulas sevitiaeque & avaritiae exempla ab Hispanis in iis edita, Benzo exposuit. Nunc ut ex insulis in continentem gradum sibi fecerint, coeptum jam priore libro opus, pertexit. Interea obiter, quomodo non tantum avarè & superbè imperium in Barbaros, sed etiam crudeliter in Nigritas servos suos, exercuerint: & ipsi vicissim, alienarum fortunarum raptores, aliis raptoribus, Gallis videlicet, praeda interdum fuerint, exponit. Multas praeterea in varias Indicae continentis provincias expeditiones ab Hispanis susceptas exsequitur (verbo, ut Christiani nominis fines propagarent: re ipsa, ut inexplibilem auri sitim, qua ardebant, explerent) atque inde poenas in eos humanitus & caelitus congestas. Postremò nihil tot Hispanorum laboribus profectum esse perspicue docet: nisi ut Barbari splendida verba & doctrinam cum rebus ipsis & vita Hispanorum, & ipsorum quidem Ecclesiasticorum, componentes, Christianos omnes & fidem adeò ipsam, summo Divinae majestatis & Christi gloriae ludibrio, vel rideant vel oderint.





HISPANIAE
NOVAE SIVE
MAGNAE, RE-
GIONIS ET VE-
TERIS DESCRIP-
TIO 1595

Guachichiles gentes
nude incedunt, sub dio habitant
venationibus tantum intenti.

Deserta regio, et gens syl-
vestris, animalium carnes pu-
rescitas et Sole semicoc-
tas in delicijs habens.
Bella inter se ob messum
et fructuum collectiones
sepius gerunt.

His montibus maxima
copula effuditur
Cacateguas gens
barbara, aru et sagittis
concreta, quibus vena-
tion indulget.

Chichimicas gens
passim vagans sub dio
vican degens.

Andropophagi sunt qui his monti-
bus habitant.


Terra incognita et montibus
asperissima



MAGNVS
SINVS

SEPTENTRIO

MERIDIES





NOVÆ NOVI ORBIS
HISTORIÆ
LIBER SECUNDUS.

*Hispani Indicis mancipiis consumptis, alia ex Æthiopia inde usque adsciscunt.
Serviles tumultus in Hispaniola ex servitia Hispanorum
oriuntur.*

C A P. I.

EX quo ejus insulæ indigenæ, nimis enecti laboribus, ad miseran-
dam cladem & paucitatem labi cœperunt, Hispani è Nigritarum Hispani servum
non minus
quàm liberis
hominibus
abutuntur. provincia quondam à Rege Portugalliæ subacta (vulgò Guineam
vocant) mancipia sibi prospexere. Ergo magna inde servorum
multitudine advecta, quum exercerentur adhuc fodinæ, illis ad au-
rum & argentum elaborandum operis utebantur. Verum ubi illæ finem invene-
re, ad multiplicandas sacchari fabricas artificiaq; se converterunt. In eo hodie sese
exercent, tum in armentis ac pecuariis curandis aliisq; necessariis ministeriis ope-
ram heris suis præbent.

PORRO quando inter Hispanos non crudeles tantum, sed crudelissimi quo- Avaritia
corpes crude-
litas.
que nonnulli reperiuntur, quum ejuscemodi fortè aliquis in servum animadver-
tere vellet sive ob admissum maleficium, sive ob non lucrifactum & redditum
diarium, vel quacunque alia de causa bilem illi movisset, vel ob pensum non per-
actum, nec eam auri aut argenti vim effossam, quantam solebat: vesperi domum
revertentem, loco cœnæ, exuere indusium jubebat, si quo fortè esset amictus: &
in terram prostratum, manibus pedibusque revinctis transverso ligno alligabat
(id ab Hispanis lex Bajonæ appellatur, quam equidem legem ab immani aliquo
Dæmone scriptam crediderim) mox recte aut scutica tantisper cædebat, donec
sanguis ex omni corporis parte deflueret. Sub hæc libram unicam picis fervefa-
ctæ aut olei ferventis scutellam unam guttatim in universum illius miseri corpus
instillabat, inde pipere patrio, sale & aqua temperato, perfusus infelix mastigia,
tabulæ alicui superjacens, & linteo aut stragulo involutus, tamdiu relinquebatur,
quoad ipsi hero reddi laboribus posse videretur.

ALII scrobe effossa, mancipium eò tam altè demittunt, ut solo capite abs
terra exstet, & totam ibi noctem consistere cogunt. Cæterum ea se medicina uti
dicunt Hispani, quod terrâ lividum & corruptum sanguinem exsugens, verbe-
rum

rum vulnera & vibices obliterat, carnemque conservans, ne qua plaga ulceretur, celerius perfanat. Attamen si quis vehementia doloris fortè moriatur (ut sæpenu-mero accidit) non alia pœna mulctatur ejus herus ex legibus Hispaniæ, quàm ut pro eo alterum Regi persolvat.

*Domestici ho-
stis adversus
Hispanos ex-
ercent.*

O B tam immanem Hispanorum sævitiam Nigritæ servi aliquot principiò è potestate Dominorum elapsi, insulam pervagari, velut desperabundi, cœperunt. Mox eandem ob causam affluentibus undique aliis, in tantam multitudinem excreverunt, ut Hispanis colonis terrorem & multa negotia facerent. Ac quia Reges & populi Æthiopiæ assiduis invicem certaminibus hostiles inimicitias exercent, quales sunt Quinei, Manicongri, Gialopi, Zapi, Berbesi, & belli jure captos mutuò alii alios Lusitanis vendunt: idcirco in illis etiam terris intestino aliquo odio alteri ab alteris dissident, non ita tamen, ut ipsi se aliqua injuria mutuò violent: imò si fortè ab Hispanis vis inferatur, invicem sese auxilio sublevent & alii pro aliis propugnent. Attamen singulæ gentes Reges suos aut gubernatores habent, qui secretos ab aliis populos suos continent: qua ex re fit, ut non tantum damni inferant, quantum possent, si confociatis in unum animis viribusque pugnarent.

A T Præsides & Assessores insulæ, quum in dies magis ac magis Maurorum fugitivorum manum multiplicari intelligerent, & quotcunq; Hispanorū in eorum manus inciderent, omni cruciatus genere ab iis lacerari atque interfici, exercitum conscribere instituunt, perq; omnes insulæ partes, quacunque commorabantur, militem spargere. Ac primo Hispanis incepta feliciter procedere: quippe Mauros aliquot, spe libertatis ac promissis electos, qui fugitivorum stativa & receptacula nossent, ducendo secum in agmine noctu incautos adoriebantur: quumque sine ullo metu hostium dormientes, & humi velut pecora fusos ac solutos opprimerent, multos vel capiebant vel trucidabant. Verum posteaquam periculis moniti excubias agere & vigili statione castra tueri cœperūt, omnibus ferè excursionibus ac præliis Hispani inferiores abiere: atque exinde aucto in immensum numero feri isti homines adeo multiplicati sunt, ut quum in ea Insula morarer, pro certo fama ferret eorum agmen plus VII. millibus hominum constare.

*Christoph. Co-
lumbi nepos.*

A N N O quidem XLV. quum in continenti essem, auditum est Cimaronos (sic ab Hispanis alienigenæ vocantur) universos sumptis armis excitos rebellasse, raptimque omnem Insulam pervagantes nullum injuriæ aut sceleris genus, quod edere possent, prætermittere. Itaque Lodoicus Columbus Almirans & Præsides Assessoresq; Dominicæ, legatos ultro adeos miserunt, oratum ac supplicatum ut pacificè vivere vellent: Se quidem idem pro se præstituros polliceri, neque ipsis ulterius molestiam exhibituros: imò amicitiam eorum se ultro appetere, ac si vellent sacerdotes aut monachos ad se mitti, à quibus Christianæ doctrinæ capitibus erudirentur, se verò multo libentissimè missuros. Adhæc postulata ab alienigenis responsum est, Sibi quidem hæc placere, & se Christi legi credere: sed eorum amicitiam nolle, quum in eorum promissis nihil fidei collocarent.

*Hispani juve-
metuunt, ne
inde à servis
expellantur,
unde ipsi li-
bertatem exe-
rcent.*

M U L T I quidem ibi sunt Hispani, qui eam Insulam brevi ab istis Mauris & Nigritis occupatum iri pro certo habeant. Quamobrem ejus Gubernatores, quum naves aliquæ inde solvere & in alias Indiæ provincias vela dare paratæ sunt, summa cura & vigilantia cavent, ne quis Hispanus, sine suo permissu, insula exeat, etiam si

etiamsi sit mercator. Attamen cum licentiatu Ceratus Præses in eam Insulam missus est, Edictum Regium de asserendis in libertatem Indis secum in Indiam ferens: omnibus iter apertum est, & cuilibet liberè commeandi potestas facta quocunque sui quemque usus ferrent. Quùmque ipse ea de re à nonnullis Dominicæ civibus reprehenderetur, ira incensus, Quando, inquit, Cæsarea Majestas Indos libertati restituit, equum mihi non videtur, ut Hispani præter Cæsaris voluntatem eos pro servis porro detineant. Itaque ex eo mandata ejus omnes exequi, & ipse in ea sententia esse, ut bene factum crederet, si Indi liberè, quocunque vellent, abirent.

VERUM postquam intellexit Insulam paulatim redigi in solitudinem ac deferi, in tantum imminuto Hispanorum numero ut vix mille & centum superessent: peregrinorum verò multitudinem ac vires adeo in dies augeri, ut si aliquis fortè motus aut tumultus ingrueret, non satis Hispanorum foret, quantum ad propulsandam vim esset opus: ac periculum haud dubium esse, ne simul & Insulam & vitam amitterent: Hæc, inquam, postquam ei subjecta sunt, semetipse repressit, & velut occlusa porta solutam illam licentiam compescuit. Verum hodie ex omnibus Hispanis, qui ab Hispania in Indiam haud satis certo & explorato cursu navigant, & ad eam fortè Insulam applicant, perpauci omnino reperiuntur, qui in ea equo animo permaneant, siquidem plerique omnes, qui eò trajiciunt, divitiarum spe iter suscipiunt: neque in ea Insula ejus rei copia hodie aut facultas est, sicuti olim fuit.

Hispani paulatim terras deserunt, ubi solitudinem fecerunt.

GUINEA (ab inquilinis Guine, Genni vel Genna vocata, aliàs provincia Canagæ) regnum est provincie Nigritarum in Africa, regnis Gualatæ ad Septentrionem, Tombutto ad Orientem, Melle ad Meridiem, & mari ad Occidentem conterminum. Africa enim (quæ una est ex tribus, vel potius quatuor orbis partibus generalibus) hodie in quatuor partes præcipuas dividitur, nempe Barbariam, Numidiam (ab Arabibus Bile dulgerid vocatam) Lybiam (quam Arabes Sarram nominant) & Nigritarum regionem à Nigro fluvio, qui mediam interfecat, denominationem suam sortitam. Atque hæc Nigritarum regio in quindecim regna dividitur, quorum unum est Guinea, quæ incipit supra caput viride ex qua parte Barbariam attingit, ac penè usque ad littus Mileguetæ se extendit. Cæterum à portu Arquæ qui Barbariam à Guinea separat, usque ad flumen Manicongræ castella sunt quædam à Lusitanis constructa. Velut ad fluvium Comagæ, ad Serralionam, atque etiam inter cætera unum juxta caput trium prominentiarum, quod castellum fodinarum ab eis vocatur, in quo Rex Lusitaniæ præsidium viginti quinque aut triginta militum posuit, tum ad custodiam loci atque fodinarum auri, quæ anno 1472. tempore Regis Alphonsi V. reperta fuerunt, tum ad negotiandum cum Nigritis, qui ex aliis superioribus provinciis aurum, ebur, Meleguetam (species est aromatis gustu acris & pungenti sicut piper) & alias merces illarum regionum illuc adferunt.

2. Inter tumultus à Nigritis in Hispaniola excitatos insignis est ille, qui accidit anno 1522. Nigritæ viginti magna ex parte Jolositi idiomatis, in sacchari fabrica ad Didacum Columbium Almirantem pertinente operantes, postridie Natalium Domini fugientes, cum viginti aliis qui in idem conspiraverant, eosque certo in loco constituto præstolabantur se conjungunt. Hi quadraginta fugitivi Hispanos quosdam nihil tale metuentes in agris obvios trucidant iterque suum ad vicum Azua dirigunt. Incolæ Dominicæ à Licentiato Lebrone, qui tum erat ruri, de eo certiores fiunt. Almirans summa cum festinatione conscenso equo, eos cum turma equitum & peditum persequitur, assequi cupiens antequam majori numero comæ possent. Post

biduum cum ad flumen Nizao, vestigia eorum sequens pervenisset, certior fit eos per villam Melchioris de Castro Dominica novē miliaribus distantē trāsisse, in eā Hispanum unum trucidasse, villā diripuisse, Nigritā unum cum duodecim mācipiis Indis secum abduxisse, ac ulterius profectos novē aut decē Hispanos in itinere trucidasse, ac juxta fabricā sacchari ad Licētiatum Zuazum assessorē Dominica pertinentē castra posuisse, ac cōstituisse eam sub aurorā aggredi, atq; octo vel novē Christianos qui in ea erant trucidare, suasq; copias augere. Erant enim in ea plusquā 120. Nigritae, qui nihil magis cupiebant. Inde constituerant vicum Azua petere & aggredi, eumque ferro & flamma vastare, ac omnes Nigritas & fabricarum sacchari operas per totam Insulam ad rebellionem sollicitare. Quod & perfecissent, nisi obviam itum esset: Almirans enim certior factus de damnis quae inferebant, deque itinere, quod susceperant, constituit ibi pernoctare, ubi tum substiterat, ad milites suos recreandos, copiasque quae Dominica venturae erant expectandum. Interea eadem nocte Melchior ille de Castro, cujus villam illi diripuerant ac cum eo tres alii vel quatuor, se clam ex castris surripiunt, ac postea Almiranti significant se precedere ad hostes explorandos, rogareque ut subsidium aliquod sibi mittat, quo fugitivis illis iter praecludant, donec ipse cum reliquo exercitu eos assequatur. Almirans Franciscum de Avilla cum octo equitibus & quinque vel sex peditibus eō mittit. Hi nō expectato Almirantis & ejus comitatus adventu, nec Solis ortu, hostem invadunt: metuebant enim, ne is cum aliis Nigritis, qui in sacchari fabrica illi loco proxima erant se jungeret. Melchior Diazius & Franciscus de Avilla eorumque comites lanceis in Nigritas confertos irruunt, perrumpunt ac per medios hostes transfleunt. Nigritae denuō jungunt, Hispanos saxis, sagittis, sudibus petunt & aliquos vulnerant. Hispani rursus in eos furiosè irruunt, eosque fugere compellunt: sex aut septem occidunt: reliqui per sylvas & rupes favore noctis elabuntur. Almirans sub vesperam ejusdem diei illuc pervenit, ac missis qui elapsos persequerentur, quinque vel sex comprehendit ac suspendi iussit, ut aliis exemplo essent. Hic fuit exitus illius seditionis Nigritarum, qui tamen non destiterunt ab eo tempore saepius similes tumultus & seditiones excitare, teste autore nostro in hoc capite.

Vera ratio medendi ejusmodi seditionibus & rebellionibus servorum, subditorum ac populorum, haec est, ut Domini eos tanquam homines non tantum à Deo creatos, sed & sanguine Filii DEI redemptos tractent ac regant, memores monitorum D. Pauli: Vos Domini aequitatem & aequabilitatem servis exhibete, remissis minis, scientes vestrum etiam ipsorum Dominum esse in caelis, nec personae respectum esse apud eum.



GALLI PIRATÆ HISPANAS

NAVES EX INDIA REDEUNTES

excipiunt. Hispanorum in armandis navibus parcimonia
& negligentia.

C A P. II.

QUANDO in certaminum, quibus Mauri Hispanos in India exercuerunt, mentionem incidi, non alienum videtur huic loco ingentia damna, Hispanis ibidem à Gallis terra marique illata, exponere. Non multo post quàm hæ terræ primùm inventæ sunt, ingenti divitiarum fama exciti Galli piratæ complures, belli tempore Oceanum infestare aggressi sunt, & naves ab India remeantes excipere. Neque illis incassum labor: plurimas cepere, & inter cæteras, quas ditissimas deprædati sunt, quo tempore inæstimabilis Peruanæ regiæ gaza, in Hispaniam deportabatur, unam abduxere tanta auri vi onustam, ut vel singulis navium calonibus & caculis octingenti aurei ducati cuique in partem venirent.

*Indiæ opum
fama Gallos
piratæ inviti-
tas.*

SED præcipua causa, cur Galli tot Hispanas naves invaserint, nulli rei magis quàm ipsorum Hispanorum avaritiæ assignari debet. Quum enim ab Hispania solverent, tanta & tam præceps erat magistrorum seu patronorum navium festinatio, cupidè de mercibus & vectoribus in naves imponendis satagentium, ut bellicis tormentis, quantum satis esset ad propulsandum hostium impetum, si qui fortè occurrerent, munire non curarent aut meminissent: imò ne ea quidem saltem copia quanta Indici senatus consulto jubebantur. Is enim edixerat, ne naves, nisi duobus æneis tormentis, sex ferreis majoribus, ad eam expeditionem instructæ solverent: deinde pulveris tormentarii cadorum numerum & aliarum machinarum definiverat. Præterea certos huic muneri Commissarios sive Inspectores præfecerat, quorum ea procuratio esset, ut paratas ad solvendum è portu San-lucari naves inspicerent, viderentque, an præscriptis monumentis com meatuque jussu instructæ & perarmatæ essent.

*Avaritia
caca & im-
provida Hi-
spanorum.*

SED magistri navium, injectis in manum aureis aliquot nummis, Commissariorum fidem redimebant, perficiebantque, ut testificarentur omnia rectè atque ordine esse instructa. Quippe Commissarii Hispalim reversi, in domo Indicæ contractionis apud regios magistratus per Dei nomen jurabant, naves omnibus rebus abundè atque ita uti deceret munitas esse, adeo ut quælibet earum sola quatuor Gallicis navigiis ad certamen par esset. Ad hunc modum comparatæ Hispanæ navestres, interdum quatuor, simul solvebant, & quæ earum instructissima

b 2 erat,

erat, duo triaue tormenta ferrea portabat, dimidia ferè ex parte rubigine exesa, & cadiscum unum pulveris pyrii non valde boni.

IN reditu aliqua earum fortè incurrerat in celocem vel myoparonem Gallicum egregiè armatum. Piratæ Galli jam satis gnari, quàm malè & negligenter instructi navigarent Hispani, etiamsi obvia navis mille ac quingentorum aut duum millium doliorum capax esset, intrepidè tamen eam adoriebantur: ac primùm per altum bombarde globum unum mittentes clamabāt, Adhuc adhuc pro Rege Galliæ. Verùm si illi in demittendis suppliciter velis longiorem moram facerent, tum piratæ majoribus tormētis in mediā ipsam navim fulminabant. Quo terrore perculsi Hispani, quum nullam propugnandi sui viam cernerent, & omnes vitæ suæ metuerent, Gallorum fidei ac potestati semet permittebant. Gallus extemplò Magistrum navis demittere in mare scapham, eumque ipsum cum Navarcho & Scriba venire ad se jubebat. Mox exactis ab eo rationibus auri, argenti, unionum, smaragdorum aliorumque pretiorum, quæ naves ille exportare solent: è suis mittebat, qui ea omnia converteret: deinde suis quoque in captivam navim transfiliendi potestatem faciebat, si quid fortè, præter eam, quæ redacta esset, residuæ prædæ invenirent. Illi, ut avidè transgressi erant, vectores nautasque ipsos spoliare, & si qua illi meliore veste amicti erant, eam laceris suis & detritis tegminibus commutare ac dicere, Hoc aptum est tibi, & istud mihi: parumque ibi aut virtus Hispana, aut militaris scientia proderat. Quippe isti omnia ferre atque agere, scrinia movere ac revolvere: denique omnes angulos scrutabantur & foraminum abdita, si quid fortè ibi auri delitesceret.

*Piratarum
cemitæ.*

NONNULLI Archipiratæ satis habuere, si merces manubiasq; Hispanis eriperent: naves ipsas relinquebant. Sed plerique eas quoque in Galliam captivas abduxerunt, & expositis in terram Hispanis, ac veluti miserti illorum, erogatis in viaticum aliquot nummis eos in patriam remisere. Neque ulli fere sunt Patroni, Præfectique navium & Scribæ classarii, ex iis quidem qui in Indiam navigant, qui eo, quo diximus modo à Gallis ut minimum semel aut bis capti ac spoliati non fuerint.

*Canaria In-
sula direpta à
Gallu.*

MITTO loqui de aliquot pagis & populis, quos iidem Galli in Insulis Canariis fortunis spoliatos atque everfos in vastitatem redegerunt: mitto etiam de navibus, quas pannis, saccharo, vino & aliis mercibus onustas involarūt. Sed ea postquam ad Senatum Indicum relata sunt, apparuitque socordiam suam malamque administrationem tam licenter prædandi Gallis audaciam facere: is Senatusconsultum ejuscemodi facit. Placere uti omnes naves, quæ toto anno pluribus com meatibus ex Hispania in Indiam navigarent (erant autem eæ cum minores tum grandiores circiter sexaginta) ubi onustæ instructæq; essent aliæ alias expectantes omnes una solverent, tum ut mercatores ipsi tres aut quatuor bellicas naves armarent, quæ classem usque ad Canarias Insulas prosequerentur, quia usque ad eum locum ex Hispania in Indiam commeantibus periculum est. Id si ita sedulò atque ordine curaretur, haud dubiè Gallos prædandi finem facturos.

*Hispani ipsi
ipsi Galli ad
prædandum
viam ser-
vant.*

CETERUM quod ad ea damna attinet, quæ Galli Indicis quoque populis intulere, non aliis ejus rei culpa assignanda est quàm Hispanorum quibusdam, ejus navigationis peritis, qui Gallos eò ipsi deduxerunt, vel sola malitia, vel invidia impuls, vel injuriæ ulciscendæ cupidine. Galli quidem, primò Hispanis ducibus usi,

eos

eos cursus ex eo adeò exactè perdidicerunt, ut Hispanis ipsis nihil cederent: quumque initio circa Hispaniolæ & S. Johannis insularum tantum littora vagarentur, ubi ex iis locis non tantum proveniebat prædæ quantum solebat, progredi ulterius, & ad alias usque insulas, ipsasque adeò continentis provincias excurrere ausi sunt. Ergo non mare tantum latrociniis infestarent, sed infra scripta quoque oppida & Hispanorum colonias populati sunt. Primum in Hispaniola Portum-argenteum, Azuam, Jaquannam & Maquannam diripuerunt exinanieruntque multis inde abductis navibus fecissentque idem ipsi San-dominici civitati, nisi arx munitissima ripæ fluminis imposita & æneis tormentis validissimis munita, eorum conatus repressisset: ut eam tentare ausi non fuerint, quamquam duces aliqui Galli idetiam comminarentur. Itaque Hispani metuentes ne alia aliqua parte in urbem Galli aliquando irrumperant, quippe nullis cinctam muris, semper tempore belli diligentes excubias agunt: imò quum ibi morarer, ci-ves aggere aut cespitibus circumdare instituisse eam pro certo ferebatur: quod tamen Maurorum & Nigritarum fugitivorum potius quam Gallorum metu facere velle videbantur.

I. Quum inventis novis Insulis & mox continenti facile appareret rem operosam & magnæ molis suo proprio agere Consilio & magistratu, cui regionum vectigalium & reddituum cura, cui provincialium causarum arbitrium, omnium denique expeditionum rerumque Indicarum regimen & cognitio subiceretur: jam inde ab initio Ferdinandus & Isabella Catholici reges, Cameram seu collegium Hispali delectorum hominum instituere, quorum opera & autoritate colonorum & militum supplementa, commeatus, ceteraque ad classes instruendas necessaria, Præfectis ac Prætoribus, regis auspiciis in Indiam Occident. navigantibus, suppeditarentur. Tum etiam apud eos negotiatores omnes, mercium, quas ex Hispania in Indiam portabant, genus & summam professi: inde quoque reversi, auri advekti, unionum ceterarumque rerum quas ex India reportarent, rationem redderent. Eam Cameram Indicæ contractionis domum vulgò vocabant. Postea anno MDXXIV. Carolus V. Cæsar Indicum Senatum, statum & solennem, publica scriptura & sigillo regio instructum, constituit; atque omnium Indicarum causarum supremam cognitionem, criminum animadversionem, pœnarum & veniæ discrimen: denique omnium rerum, quæ ex India in Hispaniam deferrentur, jus atque arbitrium sub ejus magistratus ditione esse voluit.



ANZULLES HISPANUS

PRÆLIO NAVALI A GALLIS FUNDITUR.

Galli ab Hispanis capti. Avena Cubæ Insulæ colonia
à Gallis diripitur.

C A P. III.

Hispani à
Gallis fessi.



ANNO MDXLIII. Petrus Anzullus tribunus militum è colonia nominis de duabus navibus & caravella una vela in Dominicā fecit, cum opibus quæ centum millium ducatorū precium æquarēt. In itinere cum ad Jaquannam applicuisset, comperit vix sex antè horis inde Gallicam navim solvisse, quæ depopulata civitate ignem tectis injecerat. Petrus, qui gloriæ impensè avidus esset, omni auro & argento in eo portu deposito, sublati dolonibus altum petere intendit, & Gallicam navim quærere. Quam ubi adeptus est, expedire arma utrique, & magna vi infestis rostris concurrere. Æquo Marte & paribus utrinque animis per quadrantem horæ pugnabatur, quum ecce in medio æstu certaminis Petrus cum nauticis aliquot ictu tormenti percutitur. Hispani, fractis duce ipso cæso animis, fugam arripiunt, brevique in Dominicæ portum se condunt. Gallicæ navis Prætor insequi: fusos negligens, cœptum iter peragere institit.

Hispani, Galli
dncis secordia
Gallor vin-

ANNO supradicto, Gallicæ naves duæ usque ad Dominicæ viciniam provectæ, caravella una capta quæ onusta mercibus ad caput veli tendebat, ad Orientale Monæ insulæ latus ancoras iecere prædam aliquam expectantes. In earum una Cantabri aliquot (Biscainos vulgò vocant) vehebantur. Postquam eius rei certus nuncius ad regios Præsides, qui iuri dicundo in Dominica præerant, allatus est, liburnicas duas, quæ in portu stantes onera & discessum in Hispaniam parabant, celoces duas, & myoparonem unum armant, eiq; classiculæ Carionem Trianam præficiunt. Ille solvit: Galli sequenti die Prætoriam navim, cum celoce una ceteræ classi præeuntem, prospectantes, ratique navim aliquam onerariam esse, quæ in Hispaniam commearet, læti admodum sese ad pugnam comparant.

VERUM ubi mox propinquior conspectus duas alias naves & myoparonem aperuit, videruntq; eas naves rectà ad se tendere, tum Cantabri, qui in Gallicarum altera erant, veriti ne de se captis, tãquam subditis Regis Hispaniæ & perduellionis proditiõisque manifestis, grave supplicium fumeretur: quod miliari amplius adhuc ab hoste abessent, & commodiore navigationis cursu uterentur, omisso omni sociorum respectu curaque, vela subrigunt & fugiunt.

ALTERIUS navis Prætor ubi se desertum à sociis videt, & jamjam sibi imminere Hispanam navim prætoriam cum celoce, neque alias supervenientes procul, neque ullam fugæ viam patere, penitus consternatus deditiõnem facere instituit. Itaque milites ponere arma jubet, quippe amentię fore non prudentiæ dimicare

carevelle: quando nulla spes esset se solùm adversus quintuplicem hostium aciem pugnanti possẽ vincere: deditis verò (sicut ipsi, quum vincerent, solerent) Hispanos clementer usuros ex mutuis belli commerciis. Hæc Prætoris verba iracundè repulit Tormentarius quidam, Enimverò sibi quidem, inquiens, deditiõnem non esse faciendam, sed pugnandũ videri: & eundem, suo iudicio, ceteris esse animum. Equidem malle fortiter dimicando mortem honestam oppetere, quàm tradentem se ultrò in manus inimicorum vitam inglorium trahere. Si paveret Prætor, cur ad bellum iret? etiam si quintuplices hostes essent, & ipse solus, se tamen ipsos ne pili quidem facere: quippe Hispanos in iis oris militarium artium maxime in navalibus præliis, planè rudes atque imperitos esse: in primis tractandarum machinarum haud satis gnaros. Itaq; fidenter spondere se quatuor tormentorum ictibus prætoriam eorum navim perfractam demersurum: neq; dubium, quin ea depressa ceteræ fugam caperent. Certè si Prætor huic Tormentario fidei atque auctoritatis aliquantum præstare sustinuisset, ipsorum rebus melius consultum foret. Quum enim iudicassent omnes magnifica hæc ejus verba rebus ipsis & factis comprobanda esse, jamq; Gallicæ navi imminens Hispana, disploso tormento, clamaret, Adhuc adhuc pro Imperatore, veluti jam captæ insultans: illi ex templò tam horrendo tormenti fulmine responsum est, ut parũ absuerit, quin perfringeretur.

GALLICÆ Prætor, à pugnandi animo alienus, confestim è foris desiliens, ignem è tormentarii manu abripit, alterum fulmen jam displodere parantis. Equidem si tum ignem tormento ille immisisset, globumq; perinde periculoso hostilis navis loco, ut primùm, intulisset, Hispana prætoria, uti dixerat, haud dubiè demergebatur. Imò nisi & ipse Hispanus præfectus movendis scriniis aliisq; oneribus intentus, foramen à globo factum stipare atq; explere properasset, credo vel uno eo ictu perituram fuisse, multa jam accepta aqua. Itaque sine certamine capitur navis Gallica, & Dominicam abducitur, tam effusa civitatis lætitia, ut si ipsa Gallia capta esset, Galli in custodiam traduntur, maximè qui rerum maritimarum periti erant: Prætor ipse in Almirantis domo propè assiduus erat: navim tormentis, rudentibus, velis, ancoris, cæterisq; armamentis spoliatã & provectam in altum, Hispani injecto igni cremarunt. Ipsi mihi quum amicum quendam meum, qui in vinculis erat, inviserem, cum Gallis illis sæpe sermo erat. Illi verò Prætorem suũ probris & diris lacerabant, qui turpem adeo deditiõnem fecisset: unde duriter & inclementer habiti gravissima incommoda paterentur. Paulò post divisi naveis quæ ex India solvebant, & in Hispaniam missi sunt: in itinere quinque eorum, qui Caravella una vehebantur, conjurant in Hispanos, eosq; de improvviso adorti in altum præcipitant. Ita potiti caravella, onusta saccharo & quindecim millibus ducatorum ex vectigalibus regiis, cum tam opima præda in Galliam aufugiunt.

ANNO M D X X X V I. in Cuba insula, portum Avanzæ in vectus myoparounus Gallicus perexiguus (à Gallis vulgò dicitur *Patax*) qui tempestate à Prætoria navi disiectus & eò delatus fuerat, oppidũ ipsum cepit. Hispani quod eius oppidi domus ferè lignæ & palea tantum tectæ essent, metuentes ne id Galli incenderet, septingentis aureis ducatis, incolumitatẽ municipii ab illis pacti sunt. Galli eo precio contenti, abeunt. Postridie cum tres maiores naves è nova Hispania profectæ eò appulissent, Johannes de Roias Præfectus eius oppidi eas aurum, argentũ & quæcunq; alicuius precii essent, in terrã exponere, Gallorumq; vestigia subsequi iubet.

Illæ

*Hispani de
captis aliqui
Gallis vinum
phant,*

*Hispani colo-
niam sua-
rum incolu-
mitatem à
Gallis pecunia
redimunt.*

Illæ confestim singulæ ordine portu egressæ præeunte. Prætoria scaphis ad puppes religatis, haud procul oppido, in flexu promontorii cuiusdam, ad ostium vicini fluminis Gallos assequuntur. Prætoria navis in Gallicum myoparonem sola invehî non ausa, impetum sustinebat, donec cæteræ naves adessent. Galli ubi hostem cunctari vident, neque illi satisesse ad laceffendam pugnam animi, aliquot tormentorum globos displodere incipiunt. Inde Hispanis tantus terror injici, ut nulla defensione tentata, turpiter in fugam versi, & scapha etiam amissa, milites permixtis nautis ingenti cum tumultu in terram evaderent. Aliarum navium una, quæ non procul sequebatur, ubi à Prætoriæ navis militibus effusam fugam fieri videt, proram vertit & ipsa, & qui in ultima erant deinceps fugiendi exemplum sequuti sunt. Ita Galli primò territi ac propè certi captivitatis, repentè fufis præter spem Hispanis, summa cum voluptate tres eorum naves corripunt: ac denuò ad Avanam regressi, quum nummorum alterum tantum, quantum prius, ut parcerent oppido, à civibus extorsissent, inde porrò abiere.

Ex eo Hispani domus è lapide struere cœperunt, arcemq; imponere portus littori adversus incursiones Gallorum bombardis & machinis ingentibus munitam. *Avana situs.* Situm est id oppidum in planitie mari vicina qua orientem spectat: domus instar, cujus porta optimè clausa cetera omnia circum nuda atque aperta sint, nullis cinctum muris, ut cuilibet, quacunq; velit, eò pateat aditus. Itaque ejus arcis quam Hispani in ore ipsius portus immoliti erant, certiores facti Gallis ad ostium Chioreræ fluminis (id sex millibus passuum ab urbe abest) applicant: & circiter mediam noctem in terram egressi, de improvîso sub primam auroram magno tumultu urbem invadunt. Hispani nec opinatu hostium adventu & fremitu excitati, defiliere è cubilibus, & qua quisque poterat alius in alia porta in sylvas diffugere. Ita Galli ædificatam ab Hispanis in ea insula coloniam diripuerunt.

1. *MONA insula inter Hispaniolam & insulam S. Johannis de Portu-divite 17. gradibus ab Æquinoctiali linea Septentrionem versus, abest: exigua, depressa & plana: sex millibus passuum, id est, tribus leucis, circiter in circuitu patet. Paucis Christianis & Indis habitatur. Piscinis abundat, aqua dulci & cancris optimis. Est & alia Mona insula Britannia proxima.*

2. *Avana, Cubæ insulæ colonia & portus, in Septentrionali ejus littore sita.*

HISPANI



HISPANI PER SPECIEM

COLLOQVII GALLOS CIRCUMVENTOS

trucidant. Galli eorum perfidiam ulciscuntur, & Hispanicas
colonias in Cuba, San-Johannis & Jamaica
Insulis diripiunt.

CAP. IV.

ANNO LIV. flagrantibus inter Carolum V. & Henricum Galliae Regem bellis, Gallica una navis ad San-Jacobum, Cubae insulae caput, cum octoginta militibus, appellens, civitatem diripuit & exinaniit. Atque inde è vestigio ad Avanam tendens, expositis ad Chioreram militibus, hora una ante lucem oppidum ingressi Galli, aliquot Hispanos spoliarunt: alii fuga se propinquere, Galli singulas municipii domus irrumpentes, opimam se praedam inventuros rati, manibus propè vacuis reversi sunt. Quippe Hispani quum saepius jam Gallorum populationibus vexati essent, veriti, ne idem quoque deinceps accideret, facultates omnes suas in praediis & villis habebant. Interea verò, dum Galli scrutandis & exhauriendis domibus intenti sunt, duo Hispani à senatu Coloniae ad eorum Praetorem mittuntur: primum qui quam multi illi essent, per speciem legationis propius explorarent: deinde pretio cum illis paciscerentur, ne oppido ignem injicerent. Quum de redimenda colonia & captivis, qui in Gallorum manus venerant, inter eos ageretur, Gallus praetor sex millia ducatorum pretium statuit & flagitat. Hispani se inopes esse dicere, & omnes suas facultates ejus summae pretium aequare non posse. Itaque ea de re sibi adeundos & docendos esse magistratus, sine quorum & senatus ipsius sententia nihil transigere ipsis per se licitum esset. Quare potestate abeundi à Praetore impetrata, fideque data se postera die cum certo responso reversuros, urbe excedunt.

*Hispani per simulationem
compositionis
Gallos circumventunt.*

LEGATI ad suos reversi, rem ad Johannem d'Oriens ceterosque civitatis gubernatores referunt. Illi multitudine hostium cognita & quantam pecuniae summam peterent, in diversas sententias abiere. Major pars, enimvero pacem omnem cum eo hoste abnuere: Gallos ferro potius, quam auro arcendos: nec pecunia, sed hastarum & tormentorum ictibus explendos esse praedones istos pridem novissima exempla meritos, qui latrocinii tantum & rapto viverent. Neque multitudine formidabiles esse, neque ut altero tanto plures essent, vel teruncio esse aestimandos: ac vel paucos illos equos, qui sibi superessent, ad eos proterendos sufficere. Alii contra sentiebant, Tutius videlicet esse,

c

esse, favienti necessitati summittere animos & servire tempori, quam sese ac sua omnia fortunæ arbitrio permittere: qui aliter censerent, facile eo imprudentiam suam prodere, quòd hostem contemnerent. Quamobrem placere iterum mitti legatos ad Gallum prætorem, qui certius de pecunia ipsius voluntatem explorent: quod si de pecuniæ imperatæ summa nihil prorsus remittere velit, at tamen obligatæ fidei liberatione utique illi satisfactum iri. Postremò, ubi hæc ita præstitissent, nisi conditiones placerent, tum alio consilio, quodcumque optimum visum esset, non intempestivè usuros. Sed multorum inconsulta opinio plus quàm paucorum prudens consilium valuit. Itaque aciem instruunt, & familias, id est, Numidica servitia; armant Hispani, centumque & quinquaginta circiter militum manu collecta, noctu apud Gallos omnia soluta & sopita inventuros rati, in urbem irrumpunt, vociferantes I, San-Jacob, San-Jacob, & emissis pilulis plumbeis, quatuor Gallos interimunt, in iis Prætoris ipsius nepotem. At ceteri Galli, nihil defixis aut percussis pavore animis, stratis excussi pedibus sese excipiunt, & raptis confestim armis animosè propugnant. Nectulere impressionem ex adverso factam Hispani, sed ad primum glandium plumbeorum nimbum, quem Galli effudere, turbati vertunt terga & sylvarum latebris sese sepeliunt.

Galli perfidiam Hispanorum atrocissime ulciscuntur.

PRÆTOR ipse Gallus totam eam noctem, statione circa urbem disposita, in excubiis pernoctavit, ita supra modum incensus propter cædem suorum ac sui maximè nepotis, semetipse ultrò incusans, quòd Hispanorum fidei & promissis credidisset. Ut illuxit, à militum suorum parte, quicquid picis reperiri posset, colligi jubet (erant autem in oppido multæ picis capsulæ eò ex Hispania convectæ ad ferruminandos navium textus) eaque inungi domuum portas, fenestras, laquearia, denique ubicunque materia & lignei operis aliquid esset: mox ignem tectis injici, & parietes ipsos solo æquari, atque à fundamentis erui. Jamque domus conflagrare cœperant, quum ipse ad templum profectus, ne ei quidem pepercit. Id spectaculum flagrantis urbis eminus è propinqua sylva Hispanus quidam conspicatus, equo utique fretus, Gallorum duccem suppliciter ac demissè adiens, Fortissime Prætor, inquit, non te satis habuisse ad explendum animum tuum universam civitatem solo æquasse, nisi templo Deietiam ignem injiceres? Ad hæc verba Prætor arroganter respondit, Homines, inquit, quibus nulla fides est, ne templo quidem indigent. Tandem verò dirutis domibus omnibus, arcem quoque ipsam direptam solo tenus dejiciunt: & dux, navem portum inveni, omnemque egestam ex urbe prædam eò stipari jubens, ferociterque Hispanis pestem minitans, inde excessit. Paucos post dies, quam hæc acciderant, ipse eum portum ingressus, deformes adeo ruinas illas conspexi, ut vix ulla tectorum vestigia & situs dignosci posset.

Frustra pietatem venditat, qui fide sociali caret.

SAN-GERMANUM colonia est in insula S. Johannis de portu-divite extructa. eam quum mari vicinam Galli sæpe diripuissent, Hispani translata ex eo loco in sylvam quandam sex millia passuum procul à littore introrsus in mediterranea retraxerunt, ita se nimirum tutiores & extra periculum futuros rati. Sed ne sic quidem ipsi satis deliruerunt. Id enim ubi rescivissent Galli, ad sylvestrem usque illum nidum progressi sunt. In 2, Jamaica insula Hispalim seu Sevilliam, viginti quatuor

quatuor ferme tectorum oppidum, octo passuum milliaria distantem à mari, diripuerunt.


PER eadem hæc tempora Carthagine (ea est urbs & provincia Indicæ continentis) Judex quidam fortè nautam, cui aliqua de causa infensus esset, virgis cædi jussit. Ille mox liberatus in Hispaniam atque inde in Galliam transgressus, contra-
Carthago nova, Hispano duce præsentem, à Gallis diripitur.
 ctis quinque navibus postmodum Indiam repetiit. Jactisquæ in Carthaginensis portus ostio ancoris, centum milites in scaphas navium transgressos in littus exponit. Illi una ante lucem hora egressi in terram, Hispanos omnes sopitos opprimunt, domusque vi irrupentes, quæ partim lignæ, partim ex arundinibus contextæ sunt, omnes palmarum foliis contactæ, omnia tumultu & clamore miscent. Nauta cum aliquot Gallis Judicis domum ingressus, qui ipsum virgis cædi jusserrat, eum repetitis sicæ ictibus confodit: alii aliò ad prædam discurrunt. Hispanorum maxima pars fuga sese proripuit, nonnulli interempti, alii captivi facti sunt. Ita direpta est & incensa Carthago nova, unde Galli ex manubiis & pretiis captivorum amplius centum & quinquaginta millia ducatorum tulerunt.

ALIÆ naves Gallicæ ante & post hæc omnem illam oram præterlegentes San-marthæ & capitis veli colonias, & alia loca dirupuerunt. Postremò, ut aliquando de his Gallorum gestis agere desinam, quo tempore in Cubagua unionum piscatus florebat, Gallica una navis eò fortè applicuit. Hispani ea profecta &
Hispanicum stratagemata in Gallis.
 agnita, lintres duos patrios quinquaginta Indis onerant, eosque arcubus & sagittis armatos, adversus eam navim mittunt, persuadentque, qui in ea erant, prædicones esse, quos nisi perdere occuparent, egressuros in terram multisque eorum captis, tanquam sceminis, ad nefandam venerem abufuros. Indi prorsus ita esse rati, nihil intermittunt, donec navim assequantur.

GALLI sine ulla periculi suspicione aut metu, nudos homines otiosè contuebantur, rati fortè, opinor, illos spectatum eò & sui visendi gratia confluere, aut ad commercium unionum. Sed ut navi propinquarunt barbari, pro margaritis sagittas in Gallos emittere, & eorum aliquo transfigere. Galli, qui unionum, qui ibi capiuntur, peritiores essent, quam venenatæ illius herbæ, cujus succo Indi sagittarum aculeos tingunt, postquam se faucios & lethales esse eas sagittas animadvertunt, nulla interposita mora sublati velis abeunt. Neque deinceps, quantum intelligere potui, navis ulla Gallica eo applicuit. Ea arte atque astu Hispani jam pleni formidinis infestas Gallorum manus effugerunt.

1. SAN-JACOBUS, primaria Cubæ insulæ colonia & Episcopatus sedes: tuto & tranquillo portu nobilis.

2. JAMAICA insula, ad Orientem Hispaniolæ, XXV. ab ea leucarum intervallo discretæ, XVII. gradibus ab Æquinoctiali limite distat. Ejus caput nova Hispalis, & titulo Abbatie primariæ sedes: cujus primus Abbas fuit Petrus Martyr Mediolanensis, is cujus extant tres de rebus Oceanicis Decades.



CARTHAGINENSIVM ET

SAN-MATHENSIVM INDORVM MORES,

& commercia. Hispani smaragdos & aurum ab illis extorquent:

& pro beneficio, bella, servitutem & rapinas
reponunt.

C A P. V.

IN DECIMO post adventum meum in Hispaniolam mense, navim in Indiam continentem vela facere parantem conscendens, è San-dominici urbe solvi. Sexto post discessum die, 1, nivosi San-marthæ montes nobis sese aperuere, brevique inde ad Carthaginem appulimus, quam 2, quòd insulam ipsis portus faucibus objectam habeat, ut Carthago nova in Hispania, ita Hispani nuncuparunt. Hæc insula octo millia passuum in longitudinem, tria in latitudinem patens, quo primum tempore Hispani eas provincias attigerunt: tota Indicis piscatoribus habitabatur: nunc verò vix ulla mapalium reliqua vestigia exstant. Neque id mirum ulli esse debet: quando & aliis omnibus in provinciis tum maritimis tum mediterraneis, quas Hispani transcurrerunt, vix miseræ ullæ Indicarum gentium reliquæ reperiuntur. Tanti mali causa est, quòd illi populi, quamdiu vires suppeditarunt, Hispanorum amicitiam accipere nunquam sustinere, propter intolerabilem eorum sævitiam atque atroces injurias in se ac suos ab istis editas.

Indi Hispanorum amicitiam respiciunt.

FRUCTUM, piscium, rerumque aliarum vitæ tuendæ necessariorum copiam habent. Pudenda bombycino velo contegunt. In bellis non minus fœminæ 3, quam viri præliantur: sagittæ venenatæ, tela sunt: hostes captos & cæsos mandunt, & multos quidem Hispanos eo modo carnes & frusta fecere, ceterisque omnibus ita, si possint, utuntur. Solennia sua olim celebrantes, quam maxime festo & pulcherrimo cultu poterant corpus ornantes, bullis armillisque ex auro, unionibus & smaragdis, brachia, crura, faciem reliquasque omnes corporis partes impediabant.

PRÆCIPUÆ eorum merces, sal, pisces, piper 4, quæ in ea continentis loca deferunt, ubi ea deficiunt, & aliis rebus permutant. Prosperis suis quondam temporibus pulcherrimos & nobilissimos frugum, fructuum, bombycis seu gossipii, pennarum, monilium, auri, multiplicium unionum, smaragdorū, mancipiorum, aliorumque suæ terræ commodorum, mercatus instituebant: ac mutuo inter se commercio, quibus quisque egebat, ea capiebat sine ulla cupiditate aut avaritia,

Indica in mutuo commercio simplici.

ritia, & Cape, aiebat alteri, hoc, & tu invicem mihi istuc dato. Neque quidquam ferè magis apud eos in pretio est quàm esculenta & cibi, quamquam hodie major pars earum gentium, quod à nobis hausit, jam temporalia quoque hæc bona carissima habere & venerari didicit. Sed vel in hac corruptela non pauci reperiuntur, qui non ea tanti nunc, quanti paulò ante faciant.

Hic quod mihi aliquando usuvenit referam. Quum fortè esuriens in domum cujusdam Indi incidissem, petiissemque ab eo, an pullum gallinaceum venalem haberet: respondit ille, Se verò habere, sed quid vellem contra ipsi dare, petiit. Ego monetæ nummum unum offero (Regalem vulgò vocant) ille nummo è manu mea sumto, quærît, quid pullo facere vellem: Comedere, inquam. Indus me contra in faciem intuens, Regalẽmque inter dentes tenens, velut demorsurus, Christiane (inquit) si tu me vis dare tibi, quod edas, præbe tu mihi vicissim, quo ipse vescar. nam quod tu hîc mihi das, nullius usus est. Quod si nolis, recipe tuum Regalem, ego verò pullum meum commedam. Ita elusus ab isto, alterius domum me contuli, qui mihi pullum dedit.

*Pecuniarum
contemptus
apud Indos.*

INTER Carthaginem & S. Martham ingens & rapidum flumen occurrit, quod tanto impetu instar torrentis in mare devolvitur, hieme præsertim, ut retro-acto æstu præterlabentes illac naves, facile inde aquam dulcem capere possint. Gonzallus Ximenez Doctor, Petri Lugi ejus provinciæ Præfecti legatus, quum ditescere cuperet, cum XLV. Hispanis & myoparonibus duobus flumen illud subire adversum aggressus, dum per circumjectas ripæ gentes vagatur, smaragdos aliquos reperit: quumque ex ipsis intellexisset, unde illos sumerent, progredi ulterius statuit, neq; prius finem facere, quàm cautes aut fodinas reperisset, quæ eas opes gignerent. Tandem quum aliquot provincias peragrandò emensus, in Bagottam principem ditissimam (ex falso vulgi Hispanorum judicio) incidisset Doctor partim gratia, partim rapina magnam auri vim ab eo extorsit, mox petiit, unde smaragdos sumerent. Bagotta Christianorum immodicam avaritiam deprehendens, ut eos suis finibus expelleret, illòsque à se amoliretur, in valle Tunia effodi eas respondit. Hoc audito Doctor cum suis ab eo digressus, superatis montibus quibusdam, quos Indi obtinebant in vallem Tessucam pervenit. Ejus provinciæ regulus erat Simandoca. is quum Hispanos modestè & sine ullo detrimento per fineis suos iter facientes videret (quippe vetuerat Doctor severè, ne quis quidquam sine permisso indigenarum capere aut attingere auderet, idq; ut gratiam & bonam famam inter eas gentes sibi conciliaret) ille, inquam, eos nihil transitu prohibere conatus, hospitaliter etiam & comiter excepit. In primis verò Doctor ab eo de smaragdorum fodinis sciscitatus est Regulus, peramicè eum ad locum deduxit. Vigintiquinque circiter millia passuum ab ipsius ditione aberat tumulus editus, arido & nudo herbis atque arboribus solo. Ibi magnam vim gemmarum à suis subditis effodi jubet, easque cum aliis opibus atque auro Doctori largitur, nempe qui ea parvi faceret, plurisque duceret salis lancem unam quàm aurum omne & totum illum smaragdorum montem.

*Smaragdi apud Indos Occid. inventi
novam avaritiæ Hispan.
materiam &
flammam subdunt.*

*Fraus fidei
in parvis sibi
prestitit, ut
quum opere
precium sit
cum mercede
magna fallat.*

*Barbari ne-
cessaria pul-
cris antepo-
nunt.*


Cum hoc pulcerrimo & ditissimo munere ad San-marthanam coloniam Doctor reversus, nuper inventæ provinciæ famam spargit, quæ adeo auro & smaragdis abundaret. Omnes visendi cupido incessit: in primis Petrus Lugus ceteris avidior, arma, navigia, equos, ceteraque ad eam expeditionem necessaria compa-

cupant hile

*1 unum unum hile, pp. 72 and 1 unum unum hile; 1 unum unum
hile hile and 2 unum unum hile pp. 22, Church, no. 159. Other
1617 is accepted as the genuine by H. Sallies. John Carter, 1800, 5.
402 [a].*

cr 133

359 x 240 mm.



CARTHAGINENSIVM ET

SAN-MATHENSIVM INDORVM MORES,

& commercia. Hispani smaragdos & aurum ab illis extorquent:

& pro beneficio, bella, servitutem & rapinas
reponunt.

C A P. V.

IN DECIMO post adventum meum in Hispaniolam mense, navim in Indiam continentem vela facere parantem conscendens, è San-dominici urbe solvi. Sexto post discessum die, 1, nivosi San-marthæ montes nobis sese aperuere, brevique inde ad Carthaginem appulimus, quam 2, quòd insulam ipsis portus faucibus objectam habeat, ut Carthago nova in Hispania, ita Hispani nuncuparunt. Hæc insula octo millia passuum in longitudinem, tria in latitudinem patens, quo primum tempore Hispani eas provincias attigerunt: tota Indicis piscatoribus habitabatur: nunc verò vix ulla mapalium reliqua vestigia exstant. Neque id mirum ulli esse debet: quando & aliis omnibus in provinciis tum maritimis tum mediterraneis, quas Hispani transcurrerunt, vix miseræ ullæ Indicarum gentium reliquæ reperiuntur. Tanti mali causa est, quòd illi populi, quamdiu vires suppeditarunt, Hispanorum amicitiam accipere nunquam sustinere, propter intolerabilem eorum sævitiam atque atroces injurias in se ac suos ab istis editas.

Indi Hispanorum amicitiam respiciunt.

FRUCTUUM, piscium, rerumque aliarum vitæ tuendæ necessariorum copiam habent. Pudenda bombycino velo contegunt. In bellis non minus fœminæ 3, quam viri præliantur: sagittæ venenatæ, tela sunt: hostes captos & cæsos mandunt, & multos quidem Hispanos eo modo carnes & frusta fecere, ceterisque omnibus ita, si possint, utuntur. Solennia sua olim celebrantes, quam maximè festo & pulcherrimo cultu poterant corpus ornantes, bullis armillisque ex auro, unionibus & smaragdis, brachia, crura, faciem reliquasque omnes corporis partes impediabant.

Indi in manu suum commercium simpliciter se commercio, quibus quisque egebat, ea capiebat sine ulla cupiditate aut avaritia.

PRÆCIPUÆ eorum merces, sal, pisces, piper 4, quæ in ea continentis loca deferunt, ubi ea deficiunt, & aliis rebus permutant. Prosperis suis quondam temporibus pulcherrimos & nobilissimos frugum, fructuum, bombycis seu gossipii, pennarum, monilium, auri, multiplicium unionum, smaragdorum, mancipiorum, aliorumque suæ terræ commodorum, mercatus instituebant: ac mutuo inter se commercio, quibus quisque egebat, ea capiebat sine ulla cupiditate aut avaritia.

, and the great complex, it reasoned little and never talked; but in practical matters it was the steadiest of all American types; perhaps the most efficient; certainly the safest. ■■■■

ritia, & Cape, ajebat alteri, hoc, & tu invicem mihi istuc dato. Neque quidquam ferè magis apud eos in pretio est quàm esculenta & cibi, quamquam hodie major pars earum gentium, quod à nobis hausit, jam temporalia quoque hæc bona carissima habere & venerari didicit. Sed vel in hac corruptela non pauci reperiuntur, qui non ea tanti nunc, quanti paulò ante faciant.

Hic quod mihi aliquando usu venit referam. Quum fortè esuriens in domum cujusdam Indi incidissem, petiissemque ab eo, an pullum gallinaceum venalem haberet: respondit ille, Se verò habere, sed quid vellem contra ipsi dare, petiit. Ego monetæ nummum unum offero (Regalem vulgò vocant) ille nummo è manu mea sumto, quærit, quid pullo facere vellem: Comedere, inquam. Indus me contra in faciem intuens, Regalémque inter dentes tenens, velut demorsurus, Christiane (inquit) si tu me vis dare tibi, quod edas, præbe tu mihi vicissim, quo ipse vescar. nam quod tu hîc mihi das, nullius usus est. Quod si nolis, recipe tuum Regalem, ego verò pullum meum commedam. Ita elusus ab isto, alterius domum me contuli, qui mihi pullum dedit.

*Pecuniarum
contemptus
apud Indos.*

INTER Carthaginem & S. Martham ingens & rapidum flumen occurrit, quod tanto impetu instar torrentis in mare devolvitur, hieme præsertim, ut retro-acto æstu præterlabentes illac naves, facile inde aquam dulcem capere possint. Gonzallus Ximenez Doctor, Petri Lugij eius provinciæ Præfecti legatus, quum ditescere cuperet, cum XLV. Hispanis & myoparonibus duobus flumen illud subire adversum aggressus, dum per circumjectas ripæ gentes vagatur, smaragdos aliquos reperit: quumque ex ipsis intellexisset, unde illos sumerent, progredi ulterius statuit, neq; prius finem facere, quàm cautes aut fodinas reperisset, quæ eas opes gignerent. Tandem quum aliquot provincias peragrandò emensus, in Bagottam principem ditissimam (ex falso vulgi Hispanorum judicio) incidisset Doctor partim gratia, partim rapina magnam auri vim ab eo extorsit, mox petiit, unde smaragdos sumerent. Bagotta Christianorum immodicam avaritiamprehendens, ut eos suis finibus expelleret, illósque à se amoliretur, in valle Tunia effodi eas respondit. Hoc audito Doctor cum suis ab eo digressus, superatis montibus quibusdam, quos Indi obtinebant in vallem Tessucam pervenit. Ejus provinciæ regulus erat Simandoca. is quum Hispanos modestè & sine ullo detrimento per fineis suos iter facientes videret (quippe vetuerat Doctor se verè, ne quis quidquam sine permisso indigenarum capere aut attingere auderet, idq; ut gratiam & bonam famam inter eas gentes sibi conciliaret) ille, inquam, eos nihil transitu prohibere conatus, hospitaliter etiam & comiter excepit. In primis verò Doctor ab eo de smaragdorum fodinis sciscitatus est Regulus, peramicè eum ad locum deduxit. Vigintiquinque circiter millia passuum ab ipsius ditione aberat tumulus editus, arido & nudo herbis atque arboribus solo. Ibi magnam vim gemmarum à suis subditis effodi jubet, easque cum aliis opibus atque auro Doctori largitur, nempe qui ea parvi faceret, plurisque duceret salis lancem unam quàm aurum omne & totum illum smaragdorum montem.

*Smaragdi apud Indos Occid. inventi
novam avaritiæ Hispan.
materiam &
flammam subdunt.*

*Fraus fidei
in parvis sibi
prestitit, ut
quum opere
precium sit
cum mercede
magna fallat.*

*Barbari ne-
cessaria pul-
cris antepo-
nunt.*

Cum hoc pulcerrimo & ditissimo munere ad San-marthanam coloniam Doctor reversus, nuper inventæ provinciæ famam spargit, quæ adeo auro & smaragdis abundaret. Omnes visendi cupido incessit: in primis Petrus Lugus ceteris avidior, arma, navigia, equos, ceteraque ad eam expeditionem necessaria compa-

Divitiarum
admiratio
avaritiam,
avaritia bella
& caedes gi-
gnit.

parat: quumque paucos circa se haberet milites, Carthaginem ad delectum habendum mittit. Ut libitum instructus, quum ad Bagottæ finium limites pervenisset, & ad illum vicinósque regulos Christianorum adventus fama perlata esset, scelerumque ac facinorum quæ ubique nefanda ederent, sumtis armis illi arcere vim advenarum & libertatem suam propugnare properant. Sed ubi ventum ad manus, barbari omnibus ferè præliis vincebantur. Itaque quum & jam multis ipforum cæsis res ad internecionem gentis spectare videretur: Christianis verò nova subinde auxilia Carthagine & San-martha summitterentur, fessisque ac laucis recentes succederent: spem omnem pellendi eos à suis finibus exuunt, victique metu ne cladibus attriti ad vastitatem tandem redigerentur, abjiciunt arma & pacem exposcunt. His artibus Hispani maximam ejus provinciæ partem subegere.

PETRUS Lugus levibus aliquot præliis Indos expertus, & transcurfus gentibus multis omnia igni, ferro, latrociniis, quacumque ibat infesta faciendo, cum magna auri & smaragdorū copia San-martham reversus est. Hæc provincia ab Hispanis granatæ novæ regnum dicta est, & Georgius Robledus Tribunus militum, quum ibi coloniam condidisset, Carthaginem eam nuncupavit, propterea quod omnes ferè ejus oræ perdomitores ac coloni, qui ibi erant, quum ipse eo applicuit, Carthagine nova Hispaniæ ubi orti erant. Illi magnam inde smaragdorū copiam effoderunt, & porro etiam nunc effodiunt.

1. SAN-MARTHÆ portus in continenti Indiæ, undecim tantum gradibus ab Æquinoctiali lineâ in Septentrionem distat, sub altissimis montibus, qui, mirum dictu, inter tantos ardores, opaci fideique nivibus, primi nautis ex alio prospectantibus ea litora aperiunt.

2. MOX sub finem ejus capitis aliam ejus nuncupationis rationem videtur reddere. Sed hic loquitur de ipso portu seu tota ea ora, quam objectu insula situm Carthaginis novæ, quæ in Hispania est, referentem, sic vel Columbus vel primi Hispani nominarunt. Illic verò agit de colonia, quæ à Carthaginis Hispanici civibus, in novæ Granatæ provincia XL. passuum millibus à San-marthenfi portu condita est. Porro objectam Carthaginensem insulam Barbari indigenæ vocant Codego, uti Carthaginenses Hispani suam scombriam appellant. De cujus situ vide T. Livium Annal. lib. 26.

3. ANNO MDIX. Martinus Ancisus adversus Zenuenses ejusdem oræ accolæ bellum gerens, unam cepit 20. annos natam, quæ viginti octo Christianos sua manu interfecerat. Gomara Hist. Gen. lib. 2.

4. Toto continentis tractu in quo Nova Carthago, etiam in novo regno, magnus est usus piperis cujusdam oblongi, quod majore acrimonia præditum Orientali, magisque aromaticum & iucundiores odorem spirat quàm Axis seu Capsicum, id est, Piper Indicum vulgare. Nic. Monard. de simpl. medicam. Indiæ Occid.

5. Quò liquidius appareat, quanto in contemptu divitiarum vivant Occidentales Indi, hic ex Johannis Lerii, amici mei, libro quem nuper Gallicè de suis peregrinationibus edidit, bona fide transcribam ipsius cum Brasiliensi barbaro colloquium: Mirantur (inquit) non mediocriter nostri Tovoupinambaultii (de quadam Brasiliæ gente agit, quicum Gallis societas erat) quum vident Gallos aliosque advenas è procul remotis terris venientes, tantum laboris sumere ut Araboutano suo (id est, Brasilio seu coccineo ligno) naves onustas revehant. Itaque magno natu quidam ex barbaris hunc in modum me super ea re aliquando interrogavit: Quid sibi vult, inquit,

inquit, quod vos Mair & Peros (id est, Galli & Portugalli) tam procul petita ligna veniatis? Nullane vobis ligna ad focum tellus vestra suppeditat? Tum ego: Suppeditat verò, inquam, & quidem magna copia: sed non ex eo genere arborum, quales vestrae sunt: Brasiliū imprimis, quod hinc nostri non ad urendum, ut tu existimas, sed ad tingendum exportant: sicuti & vos eo faniculos vestros bombycinos, pennas, aliaque rerum inficitis. Hic ille protinus excipiens: Verum tantane ejus ligni copia vobis opus est? Enim verò, inquam, quum enim (ut hominis animum admiratione suspendere) apud eos vel unus mercator plures coccineos pannos, plures cultellos & forfices (nota ipsi & familiaria exempla subjiciens) plura specula possideat, quam quanta huc ad vos unquam allata sunt: solus ille omne Brasiliū coëmet, quo plures hinc naves onusta redeunt. Ah? (inquit Barbarus) mira planè mihi narras. Mox eorum, quæ audiverat, memor, percontari ultra perrexit: At, inquit, vir ille adeo locuples, quem tu refers, non moritur? Moritur, moritur (inquam) ut & alii homines. Ibi tum ille (ut isti Barbari commentari amant, & cœptum sermonem nullis interruptum diverticulis, ad finem usque haud absurdè pertexunt) quærere ex me: Ergo, inquit, eorum, quæ iste moriens bona reliquit, quis heres est? Liberi ejus, inquam, si habet: si non habet, fratres, sorores, aut proximie ejus adgnati. Quum hæc dixissem, Equidem, (inquit meus ille haud sanè ineptus senex) facilè hinc animadverto vos Mair (id est, Gallos) esse insigniter fatuos; Nam quid trajiciendo mari tantopere vos fatigari necesse est, in quo superando (sicuti nobis quidem huc appulsi dicitis) tantum malorum exhauritis? nempe ut liberis vestris, aut superstitibus cognatis, opes quærat. Tellus quæ vos aluit, non illis quoque alendis sufficiet? Nos quidem, & liberos & propinquos habemus, eosque, ut tu vides, summa caritate amplectimur? sed quum confidamus, fore, ut post mortem nostram terra, quæ nos aluit, eadem & illos quoque enutriat, in eo acquiescimus.

Hactenus ille.

GERMA-





GERMANI ALIQUOT

HISPANORUM EXEMPLIS EDOCTI, INDOS

vexant. Illi injuriarum pertæsi, quæ sita morte intereunt.

Valle-tunienſum religio, arma
& mores.

CAP. VI.

*Supra hujus
lib. cap. 5.*



*Indi vitam
fugere, quam
Hispanicam
tyrannidem
perferre ma-
lunt.*

ELZARI (id est, Velzarorum, ii Germani mercatores sunt, procuratores seu mancipes) audito tam ingenti lucro oblato, è Valentiola profecti & ipsi, ac terrestri itinere asperrima loca & nivosos San-marthæ montes, ducibus Indis gnaris locorum prætergressi, tandem in Smaragdorum provinciam perveniunt. Inde excursionibus factis & direptis aliquot gentibus, spoliis onusti in suam provinciam remeant. Sed Indi ubi se assiduis injuriis vexari & undique opprimi à peregrina gente animadvertunt, pertæsi tot laborum & miseriarum, diris execrantes & blasphemantes Christianum nomen, vulgò sylvas ingressi informem exitum deligebant. Fœminæ pariter ac viri certatim eò confluentes suspendia quærebant, & quibus frangendæ gulæ laquei deerant, ut in gente plerunque nuda alii alios adjuvantes, deligatis ad ramos arborum comis, jactòque in præceps corpore, acerbissimis lamentis horrendo cum stridore atque ululatu cœlum & terram implebant, donec miserrimæ vitæ finem tandem invenirent.

*Barbari et-
iam clarorum
viro-
rum ex-
emplis ad vir-
tutem accen-
duntur.*

VALLIS-TUNIÆ & finitimorum locorum incolæ i, Solem, ut præcipuum numen, colunt. In bellicis expeditionibus, pro vexillis & signis, clarorum hominum & bellico aliquo facinore illustrium ossa arundinibus alligata circumferunt, quo cæteri ad eorum virtutem imitandam, & pugnam cum hoste alacriter capeſſendam accendantur. Arma eorum & tela, lanceæ è ramis palmarum, & enses lapidei. Regulos suos cum aureis monilibus, smaragdis, panè & vino sepeliunt: & in multa ejuscemodi ditissima sepulchra incidere Hispani. Accolæ ingentis illius supra memorati fluminis, 2, Caribes sunt, sicut & San-marthenſis oræ indigenæ. herbarum succo venenato sagittas inficiunt: & ante adventum Hispanorum capitales cum Bagotta inimicitias & assidua bella exercebant. Strenui sunt, feroces, ultionis cupidi: ad bella Chiappem numen suum, velut victoriæ arbitrum, secum deferebant, eique priusquam expeditionem inirent, lectas humanas victimas vel ex captivæ alicujus fœminæ liberis, vel ex hostibus captis, mactantes, pluribus sacrificiis litabant: totumque ipsius simulacrum sanguine oblinentes, carnes iter se ipsi epulabantur.

SI victoriam domum referrent, effusa cum lætitia cantantes, saltantes, & se-
 fe ad ebrietatem usque potu invitantes, hostium sanguine, quos bello captos ad-
 ducerent, Idolum similiter ungebant. Victi verò, mœsti & confusi novis sacrifi-
 ciis Chiappen placare studebant, ut deinceps propitius ac volens adesset ipsis &
 victoriam daret. Multa præterea alia à me de earum gentium moribus referri pos-
 sent: sed ne fastidium legentibus pariam, ad sequentia propero.

*Humanis vi-
 ctimis istarum
 sibi cogit Bar-
 baros princeps
 hujus mundi.*

1. SOLEM usque adeo venerantur, ut eum contra intueri non audeant. Lunæ verò et-
 iam, ut Soli, divinos honores tribuunt. Gomara Hist. gen. lib. 2. cap. 72.

2. Caribes propriè dicebantur quondam, Boriquenæ, Dominicæ, Martini, Cibucheiræ hodie
 S. Crucis) insularum incolæ: qui canois, id est, in tribus monoxylis vecti, Hispaniolensibus In-
 dis bellum inferebant. Creduntur Caribes illi insularem originem duxisse è Caribana, Urabensis
 sinus orientalis ora, in continenti Indiæ Occidentalis. Caribes autem homines strenui &
 fortes, Indico idiomate appellantur. Vulgò hodie omnes arcu & sagittis infestos
 Barbaros Indiæ continentis accolæ, ita nuncupant. Caraibes verò
 apud Brasilienses, sacerdotes seu vates
 dicuntur.

d INDIAE





INDIA CONTINENS MULTIS

LOCIS DESOLATUR. INDI HISPANICAM

fervitutem præsidio & difficultate locorum effugiunt.

Hispanis ægrè commeatus præbent.

Pecuniam aspernantur.

C A P. VII.

NAM, ut ad meam peregrinationem reverterar, quum ad Carthaginem applicuisssem: quòd navis, qua vectus eram, multam aquam acciperet, nec inde solvere maturè posset, necesse me fuit aliam opportunitatem ad trajiciendum exspectare. Quadragesimo quarto demum die myoparonem ad Nomen-Dei tendentem conscendi. Nos oram semper præterlegentes primùm in U-
Achla portus & colonia.
 rabensem sinum, mox in portum Achlæ inveci sumus. Oppidum id est, tantum à mari remotum quantum balistæ telo bis adigi potest: ac tum ibi fortè octo erant domus Hispanis habitata: quamquam initio, quum eo in loco condita colonia est, plures viginti erant: Sed ut res eorum non semper prosperum exitum sortitæ & in pejus lapsæ sunt, atque etiamnum labuntur, quòd mutuis cladibus & Indos & seipsos attriverint: major ferè pars ad meliores sedes quærendas alius aliò dilapsi sunt. Ac propè idem Antiquæ Darienæ & aliis ejus oræ coloniis accidit, unde ab Hispanis vulgò demigratum est.

Vide supra pag. 91.

OCTO antequam portum illum Achlensem attingerem, diebus, eò appulerat una navis, quæ onusta mulabus San-Dominica ad Nomen-Dei vela fecerat. Ea quum ad oram continentis applicuisset, nec regionem calleret navis Gubernator, pro certo habens se inferius ad fines Veraguæ esse, signum solvendi dedit. Quumque ratus se Nomen-Dei versus navigare Carthaginem tenderet, ad os portus Achlensis applicuit. Gubernator quum, nec quo iret, neque ubi esset, sciret, & suspensus animi terram prospectaret, fortè accidit, ut Hispanus quidam illac propter littus inambulans, navimque in portus faucibus stantem conspicatus, aberrasse eam à cursu regionis ignorantia suspectaret. Itaque confestim domum recurrens arreptum mantile hastæque alligatum è littore sublimè erigit. Qui in navi erant, signo conspecto, portum intrant, mulasque in lit-
tus exponunt.

CETERUM mercatores, si eas rursus in navim imponent, penuria pabuli & incultu haud dubiè perituras rati, navem ad Nomen-Dei mittere, & ipsi mulas terrestri itinere Panamam deducere, instituunt. Ergo sese comparant, com-
 meatus

meatus provident, quantum ad iter sufficere videbatur. Interea me rogant, ut comitari se vellem: discedimus præeunte nobis Hispano quodam non admodum perito duce itineris, & viginti Æthiopieis mancipiis, quæ ex mercatorum familia erant. Singulis securis in manu aperiendo itineri erat: quippe absque eo nulla transeundi spes, quum dentarum arborum rami alius alio implicati & coeuntes ut perpetuam sepem objicerent.

JAM XIV. dierum spatium emensi eramus, vix dum dimidia itineris parte & paulo amplius confecta, neque ullæ earum gentium vestigia comparebant, quibus ex terræ antea frequentibus habitari consueverant, quum prosperis rebus uterentur. Jamque mercatores, deficiente annona, mulam unam ad vescendum mactare constituerant, quum ecce vesperi sub occasum solis è vertice montis cujusdam, summa cum omnium voluptate, ingentem fumum evolvi prospicimus: dux viæ Indici alicujus mapalis id signum esse monuit: sibi tamen haud festinandum videri: sed secundam noctis vigiliam expectandum esse, qua Barbari nec opinantes & sopiti opprimi possent. quippe (ajebat, optima ratione quod dixerat confirmans) si nos evestigio rectà ad illos iter capeamus, simulac nos conspexerint, nihil ulterius cogitantes, quàm nos eò venisse, ut ipsos in servitutem redigamus (uti fieri solebat priusquam ex Hispania Edictum Cæsaris de eorum libertate allatum esset) fuga se proripient in sylvas: nos verò, unde commeatus inopiam sublevemus, ad peragendum iter non habebimus. Sic dictum, sic factum: atque ut tutius lateremus, digressi è summis jugis usque ad medium montis magnam ibi noctis partem substitimus. Mox egressi latebris ad mapalia tendimus. quatuor erant, & quidem permodica: quæ ut ingressi sumus & Indi tumultu irrumpentium excitati nos agnoverunt, horribili cum ululatu vociferari incipiunt, *Guacci, Guacci.* 1, Id genus quadrupedis est apud eos, quod noctu illic vagari & rapto vivere assuevit, Eo nomine Christianos scilicet vocant.

Hispani cœ-
meatus & hō-
spitia non re-
periunt, ubi
ipsi solitudi-
nem fecerūt.

Hispani Chris-
tianum no-
men in tan-
tum adduxerunt
apud Indos, ut servus
comparetur

Nos interea ingressi omnes ferè, qui in mapalibus erant, comprehendimus, & ibidem perpetem eam noctem pernoctavimus. Id verò mihi affirmare licet, numquam me talem planctum vidisse, aut audisse, qualis ea nocte ab illis, maximè à fœminis editus est. Quum enim pro certo haberent, nos eò venisse, ut omnes in servitutem abduceremus, desperabundos caput Mænadam ritu agitan-tes cerneret, tum inter se flebiles voces & questus miscentes: mox capita terræ allidere, ferire manibus: dentibus etiam, instar ferarum frendentes morsu pannos appetere, ad despuere in faciem. Denique, nisi furorem eorum cohibuissimus, haud dubiè nonnulli sibi vim attulissent.

Servitus et-
iam barbaris
odiosa.

TANDEM luce orta & finitis horrendis illis clamoribus, quam commodissimè fieri potuit spiritus eorum mitigavimus, signisque & nutibus docuimus, non aliam ob causam ad eorum mapalia venisse, quàm ut alimentis repertis ad alterum mare cum mulis perveniremus. Neque vero etiam in posterum illis de servitute esse metuendum. siquidem edicto vetuisse Castellæ regem, nec ulterius pro mancipiis abducerentur. His aliisq; multis ejuscemodi à nobis auditis recreati aliquantulum & acquiescere visi sunt, fraudem tamen subesse aliquam semper utiq; suspectantes. Itaq; ab illis pane, piscibus, fructibus & aprugna carne (A pri autem illi Indici, 2, seu agrestes suæ, umbilicum in dorso gerunt) donati, vicissim illos cultellis aliquot, & salis paululo, remunerati sumus: quumque insuper illis nummos

d 2 aliquot

fedi magno
animo pecu-
niam sper-
nunt.

aliquot ex eorum specie, quos regales vulgò vocant, dare vellemus, noluerunt accipere, dicentes eos sibi nulli usui fore.

INDE, quum dierum quatuor quiete recreati essemus, abeuntes nos Indus unus ultro comitatus, tamdiu prosequutus est, quoad nos in rectam viam sisteret. Quum ab eo percontati essemus, num quæ Indorum præterea mapalia aut pagi in itinere nobis occurrerent. Nulli prorsus, respondit. quippe Guacci, inquit, partim populationibus, partim cædibus omnia hæc vasta fecerunt. Hoc edito Indus domum suam repetit, nos octavo demum die maximis cum laboribus Panamam pervenimus.

1. EANDEM esse hanc feram, puto cum ea quam in uova Hispania Tecoani appellant, quam tamen illius provinciae indigenæ usque adeo non expavescunt, ut noctu ingredientem domos nil aversati, nihilque timidiùs ad ejus conspectum eloquuti, quàm Tecoani, Tecoani, deligere etiam ex omni familia, quem velit, ad pastum sinant, felicemque eum existiment, quem illa corripuerit. Opimum autem maximè quemque illa & pinguißimum ferè pignerari consuevit. Id ex Hispano quodam olim in Mexicana provincia Episcopo, postea verò ad veram religionem converso, auditum à præstantissimo viro accepi.

2. Idem confirmant, qui in Nova Hispania agrestes suos videre, Idem de Nicaraguensibus apris scribit Gomara Histor. gener. lib. 5. cap. 204. Neque dispares Brasilienses sunt, quos Barbari Tajassou vocant, de quibus Lerus Navig. Brasil. cap. 10. agit.

PANA-





PANAMENSIS ET VENETI

EMPORII COLLATIO. QUÆ MERCATURÆ

ab Hispanis in India continenti exercentur.

Hispanorum cum Italis
duellum..

C A P. VIII.

DICUNT nonnulli ejus urbis, Panamæ videlicet, emporium & negotia-
 tiones penè tantas esse, quantæ sunt inclytæ civitatis Venetiarum. Ab-
 surdè id adeò, ut ab istis scriptoribus illustrissimam & magnificam civi-
 tatem Venetiam nunquam visam esse existimem: quæ quidem neque opibus, ne-
 que imperii majestate, neque mercatu, neque divitiis, neque justitiæ splendore
 ulla earum civitatum quascumque sol ambit, inferior est. Atque haud dubiè de-
 cem tantum mercatores Veneti mercibus omnibus quocunque toto anno Pa-
 namam importantur coëmendis, ipsaq; adeò solida etiam civitate, facilè suffece-
 rint. Porro ne quis me id elevandæ gloriæ Hispanorum dicere ac per invidiam pu-
 teti ejus emporii integram descriptionem, simulque Nominis-Dei prodere volo.
 Sita est hæc civitas in septentrionalis Oceani littore, vulgò mare Tramontanæ
 nominant.

*Panamensis
& Veneti em-
porii impar
collatio.*

*De eo vide st-
pra pag. 104.*

PORRO quotannis ferè quatuordecim aut quindecim naves, majores & mi-
 nores, ex Hispania ad Nomen-Dei commeare solent, quarum maxima mille &
 octingentarum amphorarum est. Aliæ aliis onustæ mercibus, quales ferè hæ sunt:
 vinum, farina, panis biscoctus, oleum, panni, sericum, denique aliæ res quascum-
 que tum ad usum domesticum, tum ad tuendam vitam, ferre solet Hispania. Ac
 nonnunquam usuvenit, tantam earum copiam eò importari, ut vel major in ipsa
 Hispania non reperiat. Ipse quidem vidi nonnullos, qui convectas eò merces,
 ut olivas, ficus, uvas passas & alia ejusdemmodi, quum nullum earum pretium re-
 perirent, pro naulo & vectura Magistro navis relinquerent. Sæpenumero contra
 tantam rerum omnium penuriam ibidem esse accidit, quod naves à commeando
 metu Gallorum impedirentur, ut omnia contra auro æstimarentur & venderen-
 tur, ut vulgò dici solet.

*Nominis-Dei
emporium.*

CETERUM appulsis ad Nomen-Dei navibus, Mercatores onera & merces
 per flumen Chiaram exiguis linitibus mittunt in locum, cui Crux nomen (is xv.
 millibus Panama abest) ibique omnia Hispano cuidam consignant, qui rerum
 advectarum custodiæ præest, donec à mulionibus Panamam devehantur. Atque
 inde aliis navibus ad c, alterius illius maris oram stantibus, major pars merces in

*c Australis
ad cuius latus
sit est Pan-
ma.*

Peruanam provinciam, atq; in omnes ingentis illius regni civitates Hispanis hodie habitatas, dimittunt. Si verò Panamæ simul & Nominis-Dei civium & inquilinorum censum agere numerumque inire libeat, vel vix, ut quum maximè abundarunt multitudine, quatuor millia capitum unquam habuere. Ex quo lectoribus facilimè colligere est, an meritò Panama emporii & mercatus amplitudine ditissimæ & illustrissimæ civitati Venetiæ æquare se possit.

*Hispanica ja-
stantis cen-
sura.*

SE D in iis provinciis Hispani repèriuntur nonnulli adeo vaniloqui & gloriosi, ut suimet laudandi nullum finem faciant, ii præsertim qui Italiam viderunt. Nonnulli dictitant se hanc aut talem arcem expugnasse: se singulari certamine congressos ex hoste victo semper decus tulisse. Alii solertia sua atque astu ingentem & celebrem civitatem captam ac direptam fuisse: Unum Hispanum quatuor Germanis, tribus Gallis, duobus Italis, contrà valere. Quingenti certè illorum haud dubiè, Venetiis depictæ capiendæ facilimè suffecerint, perinde ut si ea casale aliquod esset è stipulis aut lignis compactum, viginti quinque aut triginta fortè casae seu mapalia continens, quales ferè sunt maximam partem civitates & coloniae ab illis in India ædificatae. Præter hæc plerique eorum ex Hispania transgressi non modò in has Indiæ oras, sed & in alias provincias quasumque sub imperio tenent vento timidi jactant se ex stirpe Gotthorum, Gufmannorum, & Mauricorum originem ducere: mox verò ut patuit veritas, deprehenduntur in Hispania aut i, subulci aut opiliones fuisse.

*Hispanis mili-
tariis laudis
virtutem
nunquam eri-
piam, utinam
cetera ad
hunc modum.*

H I C locus admonet, ut Hispani cujusdam (Montanesio nomen erat) insignem historiam referam. Hic, quum paulò ante memorabile ad Ravennam commissum prælium, Senis, magnifica Hetruriæ civitate, esset, ac fortè in circum multorum inter se confabulantium, cum nobilium tum ex plebe hominum, incidisset, magnificè superbèque virtutem efferre Hispanorum, ac ceteros præ illis despiciere atque obterere cœpit: inter alias quidem raras eorum dotes, non alios mortalium rotandi ensis peritia ante Hispanos esse. Hæc verba paulò arrogantius jacta adolescens quidam Romanus (Julianum vocabant) Parionen-
" nensi urbis regione, in medium progressus excepit, &, si libet, inquit, tibi ô Mon-
" tanesi, singulari certamine & paribus armis mecum congredi, faciam; ut co-
" gnoscas nullum externum militem, nec bello meliorem, nec valentiorum Italo
" esse. Hoc responsum generosum & modestè factum omnes, qui aderant, una voce approbant.

*Hispanorum
cum Italo
duellum.*

Convenit inter eos, ut succenturiatum sibi quisque militem & socium legeret, & ad certamen solo gladio Hispanico & chlamyde vice clypei uterentur. Montanesius socium sibi adlegit juvenem quendam Cordubensem sibi notum, qui gladiatoris artis & tractandi ensis peritissimus erat. Romano non defuit Tiracoscia Castellanus, adoptatus ab eo & amicè invitatus ad participandum Italici nominis decus. Ubi dies dicta aderat, ad præclarum illud spectaculum tota propè Hetruria concurrat. Senensis magistratus liberum certamini locum concessit, celeberrimum urbis campum, ei rei aptum, & ad theatri similitudinem factum. Ibi tantis utrinque animis concursus est, tantisq; huic vel illi parti faventium studiis res celebrata, ut publicum decus ita preproperè ac temerè in privatorum manibus collocasse propemodum pœniteret. Hispani tandem, veterum gladiatorum ritu dimicantes, priores defatigati & victos se fassi sunt, jam decem & septem ingenti-
bus

bus vulneribus tum in facie, tum aliis corporis partibus acceptis, exsanguis: quum Italis novem duntaxat imposuissent. Hæc ludicra pugna non læti tantum passim vulgi sermonibus celebrata, sed & doctè à Poëtis decantata est, quorum semper in Hetruria magna copia est.

1. FRANCISCUS Pizarus, qui ditissimum Peruanum regnum subegit, & Marchio fuit primum pro spurio expositus, ac vix tandem à patre agnitus, sues puer quondam in Hispania parvit. Almagri verò, ejus socii, natales adeo obscuri fuere, ut ejus adhuc ignoretur pater. An autem hic Benzo falso Vanitatem ementiendæ stirpis & nobilitatis in Hispanis reprehendat, testari possunt, qui in regno Siculo & Neapolitano primum adventantes Hispanos videre, cum calceis, aut sculponeis è sparto, reticulato opere consutis, sentos squalidos & planè albis, ut inquit ille, pedibus. Postquam enim degustatis Italiæ deliciis & vestiti serico, repente velut Circeò poculo in alios mutati, se subulcos aut opiliones fuisse obliti sunt, quæsitis titulis, Dom-Diego & Dom-Fernando vocari se jubent.

P A N A





PANAMÆ ET NOMINIS-DEI HISPANICARUM COLONIARUM SITUS,

Æthiopes fugitivi, Hispanorum negotiationes
infestant.

(A P. IX.

Panama fides

NUNC ut Panamam, unde deflexeram, revertar, sita est ea civitas in planicie permodica ad Australis Oceani oram, mari adeo vicina, ut pleniluniis æstus in domos, quæ in eam partem versæ sunt, facillimè restagnet. Eæ ferè partim arundinibus, partim materia compactæ & propè omnes tegulis contactæ, quum ibi essem, centum & viginti numerum non superabant. Commodum & tutum portum habet, sed exiguum: estu affluente, naves portum ingrediuntur: remeante exeunt, levis tamen onustæ, ne videlicet tenuiori aqua destitutæ in vadis hæreant. Cæterum ita mare reciprocatur, aquis in suum fretum recurrentibus, ut duorum amplius milliarium spatio paulò antè profundo salo merso æstuarium reddat detegatque, & crebras tantum alluvies & stagna relinquat. Paulò longiùs naves tutæ in anchoris stant, & scapharum ministerio ad merces accipiendas aut exonerandas utuntur.

ILLO autem mari ea ferè Panamam advehuntur: Maizium, farinæ non nihil, quod ex Peruanis provinciis eò deportatur: gallinæ & mel. Vaccarum verò, suum, aurantium malorum, limonum, brassicarum, ceparum, lactucarum, melonum, aliarumque hortensium herbarum ibi summa copia est. Hæc provincia Panamensis multis Indicis populis habitari & frequentari quondam solebat, ejusque omnia flumina aureas arenas volvebant: sed omnia ab Hispanis exhausta & consumpta sunt.

E Panama ad Nomen-Dei usque terrestri itinere L. milliarium spatium est. Primo die iter satis facile & commodum reperias: mox verò excipiunt sylvæ, quæ usque ad Nomen-Dei pertinent. Medio ferè viæ intervallo flumen intercedit, quod propter multiplices mæandros & tortuosos flexus vix trium horarum spatio trajicitur. Hispanis verò etiam aliquot evenit, ut hyberno tempore deprehensi in medio ejus fluminis alveo, quum repente fuso ingentibus procellis imbre excrevisset, neque illi locum opportunum, quo se reciperent, haberent, aquis haurirentur. Hispanum quendam ipse cognovi, qui in trajectu illius amnis quum jam imbre auctus intumesceret, neque illi quidquam ad trajiciendum superesset præter ultimum euripium, seu brachium fluminis, mulam inequitans, & auro moni-

monilibusque quatuor millium ducatorum precii onustus, prærapida profluentis celeritate abreptus est. Fortè tamen quum ad ramum arboris adhæsisset, ipse incolumis ad terram evasit, rebus omnibus amissis, & solo thorace vestitus Nomen-Dei venit.

HÆC civitas, porrecta ab ortu in occasum longitudine ad mare posita est, in umbilico ingentis sylvæ: insalubri & pestilenti solo, hyeme præsertim, tum ob ingentem calorem & humorem terræ, tum ob paludem qua ab occidentali parte cingitur. Ergo colonorū ibi crebra funera: domus quales Panamæ, quumq; in ea provincia essem, in ea urbe habitabant quindecim aut viginti negotiatores magnarii, qui mercimonia in solidum vendebant: cæteræ domus & tabernæ propolis, aromatariis, nauticis, cauponibus, aliarumque aliquot artium necessariarum opificibus, occupabantur. Omnes mercatores, qui Nominē-dei domum habent, habent etiam Panamæ, ibiq; tam diu commorantur, quoad divites evaserint.

IN Septentrionali ejus urbis parte portus est multarum navium capax. E rebus ex Hispania eò translatis pestilens illud solum has producit: limones videlicet paucos, aurantia mala, raphanos caudæ muris crassitudine, brassicas, lactucas, sed eas perexiguas, perpauca, nec admodum bonas. Cætera ex Hispaniola, è Cuba, Nicaragua provincia, eò importantur, Maizium nempe, Cazabi panis caro salita, porci, battatæ radices: è Panama vaccæ, quum non ferè aliunde carnis recentis illis copia sit, cætera, utiante dixi, ab Hispania subvehuntur.

NON procul Nominē-dei, ad Orientem, sylvas tenent aliquos fugitivorum Æthiopum populi, 1, qui multos Hispanos à Præfectis provinciæ in suam perniciem missos trucidarunt. Illi quum ad ripas fluminum, quæ sylvas illas interfluunt mapalia Indis habitata fortè reperissent, cum illis fœdus atque amicitiam pepigere. Veneno tinctis & ipsi sagittis utuntur, multique eorum iter quod Panamam fert obsidentes, quoscunque Hispanos capere possunt, omnes barbarum in morem lacerant & necant. Adhæc quum hyberno tempore propter reflantes ventos lintres, quibus merces per flumen Chiaram devehi solent, ad Crucis stationem tardius sæpe perveniant, mercatores moram pertæsi, terrestri itinere mercimonia aliqua mittunt: ubi si obtigerit (ut sæpe fit) agasones in Æthiopas illos fugitivos incidere, tum illi mercibus omnibus ereptis, Numidas servos, qui mulas agunt, intactos abire sinunt, si sese ipsis adjungere noluerint. Hæc in summa negotiatio est, hoc commercium emporii Panamæ & Nominis-Dei.

JAM verò, quum superius asperrimi & sævissimi soli Veraguæ provinciæ descriptionem exequi promiserim, reddi commodè hoc loco puto: idq; ut judicent Lectores, quantum intersit aliqua de re ex ore & judicio alieno, an propria experientia, differere.

1. ÆTHIOPICOS servos designat, quos Hispani è Nigritarum provincia in Indiam devexere. Ii enim iniquis laboribus & intoleranda Hispanorum sævitia oppressi, tum in Hispaniola aliisque Insulis, tum in Continenti tumultus adversus Hispanos movent. Nonnulli etiam Barbaris juncti in totum Hispanicum jugum excussere. Vide supra hujus lib. cap. 1.



VERAGUÆ ASPERRIMÆ

PROVINCIAE DESCRIPTIO. DIDACUS

Gottierez Præfectus eam inire audet. Ejus regulos beneficiis
demulcet. A militibus famelicis deseritur:
alios Nomine-Dei accersit
curat.

C A P. X.

*Veragua
asperima
regio.*

NNO Salutis nostræ M D X L. Didacus Gottierez Mantuæ Carpeta-
næ civis (Madritium vulgò vocant) à Cæsare Carthaginis novæ, pro-
vinciæ ditissimæ, Gubernator dictus, ex Hispania solvit. Appulsus ad
Nomen-Dei, phaselo per 1, emissarium seu alveum lacus Nicaraguam petit ad de-
lectum militum habendum, quibus stipatus provinciam suam iniret, Ejus oræ
Præfectus erat Rodericus quidam Contreras: ibi propter similitudines inter eos ex-
ortas Didacus duos circiter annos tempus frustra terit. Tandem interventu Epi-
scopi reconciliata inter eos amicitia, quum Roderico sermo apud Didacum in-
stitutus esset de ipsius Præfectura, monet horribilem illam regionem propter
asperrimas sylvas & inaccessos montes nulla ratione posse subigi: neque equis
tantum imperviam esse, sed pedites quoque ipsos intolerabili cum labore vix eâ
iter facere posse. Omnes porro duces ac præfectos, qui eam intrare ausi essent, par-
tim fame absumptos, partim ab Indis trucidatos 2, omnes ferè Hispanos, qui eo-
rum auspicia sequuti essent, destituisse. Itaq; si eo ire sententia ipsi staret, consulere
se ut c. Hispani statuis ad mare positus ter quaterve in anno per æstatem modò in
hanc modò in illâ partē populabundi excurrerent, prædasq; agerēt ex iis populis,
qui auro omnes abundarēt. Se verò fidem suâ jurejurâdo obligare, si in manubia-
rum partem veniret, ipsi exercituique ejus res omnes ad victum necessarias suppe-
ditaturum, qualis in India institui solet. Ad hæc verba Didacus respondet, Enim-
verò eam provinciam à Cæsare non ea lege sibi attributam, ut eam exinaniret la-
trociniis, sed ut coloniis impleret: quòd si aliis fortuna adversa fuisset, sperare,
Deo favente, eam sibi fore propitiam: inceptum quidem omittere non esse sui
animi, multò verò etiam minus cum quoquam labores participare aut societatem
coire velle.

H I s ita constitutis, iter apparat: Maizium, salem, suillas carnes, mel, galli-
nas, & alia coëmit: rebûsque omnibus satis instructus cum sexaginta Hispanis,
duabus myoparonibus Granata solvit, & secundo emissarii lacus alveo per quem
venerat

venerat defluens, brevi ad mare pervenit. Inde L. millium spatio oram præterve-
ctus ad orientem. Suere flumine adverso subiens, provinciam suam ingreditur.
Sex millia progressus inde à mari, ad ejus ripam fluminis mapalia aliquot desolata
& semirutæ prospiciens in terram egreditur, & ut ejus loci ac temporis necessitas
ferebat, præsidium & hospitium sibi molitur.

Huc obviam ei progressi Indorum reguli, ignobilioris notæ aurum, quod
septingentorum ducatorum pretium æquaret, offerunt. Gubernator eos multa
cum comitate & benigno vultu excipit: quumque neutri alteros intelligerent,
variis nutibus significat, se eò venisse, ut salutis animarum iter rationemque ipsos
doceret. Mox illos sphæricularum precatoriarum ex vitro linea una seu ferro, cro-
talis, tintinnabulis, & aliis ejuscemodi minutiis, muneratur. Inde sciscitando ex-
sequitur, unde aurum peterent: illi longinquis è regionibus sibi peti respondent,
in òque inter arenas fluminum ex asperrimis montibus decurrentium legi. Hoc
elito responso dimissi & ad suos reversi, subditorum aliquos interdum cum pisci-
bus, fructibus, carne aprugna fumo durata, ad Gubernatorem mittebant.

*Hispani initio
à salute ani-
marum facto,
in aurum de-
sinit.*

IPSÆ multis jam diebus elapsis, quum propter incommodum anni tempus
(hyems enim erat) ulterius progredi non posset, & Nicaragua subvecti commea-
tus jam deficerent, cœpit à Cacicis illis petere, ut se Maizio ad dies paucos juvare
vellent: se enim propediem ulterius progressurum. Illi, quamquam nihil vehe-
mentius cuperent, quum cogitarent non alia rem magis Christianos quàm alimen-
torum penuria & famē è suis finibus ejici posse: amicitiam tamen Gubernatoris
sibi cordi esse simulantes, Maizium, sed quam parcissime, ei summittebant. At
milites, quibus suo arbitrio vesci non licebat, tam anxie & miseræ vitæ pertæsi,
noctu omnes ex composito fugiunt, quumque terrestri itinere propter littus ad
emissarium lacus Nicaraguensis pervenissent, post biduum phaselos fortè reper-
tos, qui à Nomen-Dei veniebant, conscendunt, & Nicaraguam repetunt.

*Milites Hi-
spani Præfe-
ctum desce-
runt.*

GUBERNATOR desertus à suis militibus, nec quoquam comitatus præter-
quam uno suo nepote, quatuor famulis & remige uno cavo in tetram facto, de-
fossa ibi vasa salis & mellis plena superaggesta humo obruit. Mox phaselum con-
scendens ad mare pervenit. Nicaraguam petendi animo: jamque oram solvebat,
quum ecce tribunus Bariensis myoparone uno commeatu virisque onusto in-
vehitur, qui è Nicaragua in ipsius subsidium veniebat. Hòc novo supplemento
auctus Gubernator restitit: myoparonem verò Nomen-Dei petere iubens, ei Al-
phonsum Pisanum nepotem suum præficit: cui traditis muneribus, quæ à Caci-
cis acceperat, mandat, ut quam maximè multos milites conscribat & adducat.

ILLE, ut ad Nomen-Dei pervenit, de cuius provinciæ divitiis dispersa illico
fama viginti septem milites conscribit: quumq; per eos dies forte in ea urbe essem,
eorum unus esse volui, quanquā ab Hispano quodam iam profectæ ætatis viro ea
de re correptus. Is quum Carthaginensem provinciam, S. Martham & alia eius oræ
loca permessus quindecim annorū usu cålleret, monebat, ne eam ad expeditionem
ullo modo abduci me sinerem: neq; ipsius adeo Præfecti verbis ac pollicitis persua-
deri: quippe illis mētiri & fallere nihil pensi esse dum res suas agant. Sin mihi eundi
staret animus, saltem in aliud tempus differre: interearebus ipsis patefacturum iri,
quorsum ea incepta evaderēt. Apud me, qui tum juvenis & vividus ingentis animi
vigore plenus essem, tum ditescendi cupidus, parum fidei atq; autoritatis ea verba

*Salubre & se-
nile consilium.*

Spes divitiarum eac.

habuere: itaque proficisci statui. Abimus, & quarto inde die ad ostium Sueris fluminis appellimus. Sed quum mare intumescens subire nos alveum fluvii sine presenti periculo non sineret, retrorsum vela dantes Zorobarense insulas perlegimus, quæ in confiniis Carthaginis novæ & Veraguæ provinciæ jacent. Quum verò illa provincia aspera solo sit, hæc multò etiam pejor est. Hæ insulæ exiguæ sunt & desertæ ab Indis, qui in montes ex adverso in Continenti sitas profugerunt.

IBI propter contrarios ventos (quippe tum mensis erat Junius, iis locis initium hyemis) septuaginta duos dies morati, toto illo tempore vix quatuor horas solem conspeximus: cum assidui ferè & maximi imbres, tonitrua, fulgura, aërem adeo perturbarent, ut cœlum ac terras misceri ac ruere crederes. Fulgetri radius in myoparonem delapsus, Æthiopem unum & duos Hispanos exanimavit, ceteri afflati & attoniti restitere. Prætor myoparone ad continentis littus applicari iussit, tantisper progredi statuit, quoad in loca Indis culta & habitata pervenisset, unde alimenta expediri possent. Sed cum totos octo dies per sylvas, paludes & montes adeo præruptos, ut vel solo aspectu viatoribus horrorem incuterent absumpfisset, peractum jam spatium relegens, terrestri itinere prout littus ipsum ire instituit. Ea via summis cum laboribus (quum nullo cibo propè vesceremur, præterquam cochleis, & agrestibus pomis, quibus cercopitheci aluntur, assidue in illis sylvis ex arbore in arborem defultantes) tandem nos ad eum locum tulit, ubi erat Gubernator.

Testudines inusitata magnitudinis.

VIGESIMO die postquam eò veneramus, myoparo noster portum subit: eum Gubernator illico in Nomen-Dei remittit ad plures milites advehendos: nos interea aliquot dierum quiete corpora refecimus. Inter hæc multas testudines inusitatae magnitudinis cepimus, quarum ingens copia quatuor mensium spatio per ea littora diffusa est: quippe illæ in terram egressæ in arenis pariunt ova, ut crocodili solent: quæ mox vehementi solis calore maturantur. Nos detractæ earum cortice & sublato adipe, quum eo ingentia fictilia vasa implevissemus, carnis quoque aliquantulum salivimus: sed ea brevi corrumpebatur: quum recens quidem saluberrima & esui jucundissima esset.

1. NICARAGUENSIS lacus ab Australi oceano x. aut xii. tantum passuum millibus distans, in mare Septentrionale, à quo c. leucarum spatio abest, navigabili alveo sese exonerat. Quidam ex voce Hispanica Desaguadero, quæ Emissarium sonat, fluvium vel solo nomine terribilem, Xaguatorem, fecit.

2. NIQVESA primus infeliciter eam tentavit, de quo lib. 1. Philippus Guttierrez Madriciensis, quum eam provinciam cum quadringentis amplius militibus inisset, anno 1536. omnes partim fame partim venenatis herbarum succis, consumptos amisit. In quibus agri & semivivi duo à sociis, fame in rabiem versis, mactati & comesti sunt. Anno 1546. Christophorus Pega à Lodoico Columbo Almirante, ad deducendas colonias eodem missus, nihilo mitiorem exitum habuit. Itaque Hispani eam provinciam ut infausam & indomitam reliquere. Gomar. Historiar. gen. lib. 2.

capite 16.

DIET-



DIET-GOTTIEREZ

REGULOS SÜERENSIS PROVINCIÆ

primò verbis delinit, mox vinculis onerat, & aurum
ab iis extorquere nititur. Cacicus unus
custodia clabitur.

CAP. XI.

QUO primùm die portum ingressi sumus, Gubernator benignè me mensæ suæ adhibuit: quùmque summa cum voluptate mecum confabularetur, maxima pars ipsius sermonum de auro & argento erat: tum de bellis ac cladibus, quibus misera Italia attrita fuerat, ac Mediolanensis civitas maximè: sed quum deprehendisset me haud satis libentè hæc audire, ex come abhorruit, ut conspectum meum ferre non posset. Cæterum his, quæ ante dixi provisus, Gubernator inde solvens cum omnibus militibus phaselo suo, & quatuor Indicis lintribus adverso flumine subvectus, circiter xxx. millia procul à portu, brevi in Sueri fluminis fines progressus est. Hospitium ei præbuit casa, quam ejus provinciæ Regulus amœnitati dicaverat, quum piscatum ad flumen ventitaret. Hæc casa ovi figuram referens, longitudinem XL. passus patebat, circumplexa arundinibus & palmarum foliis contecta, quæ singulari opere nodis in semetipsos implicatis intexta erant. Erant & ibi mapalia, verùm haud sanè à vilioribus vulgatisque abhorrentia. Gubernator hunc locum civitatem S. Francisci nominat, quòd eo die fortè illò appulisset.

MOX ei obviam venere Sueræ & Chiuppæ Cacicus, aliique minores reguli, & fructus tantum nonnullos ei obtulerunt. Ipse comiter eos excipit, multum tamen demiratus, quod nihil auri attulissent: ac per interpretem Hispanum, qui cum Indis aliquamdiu versatus erat, & eorum linguam mediocriter didicerat, significat se eò venisse, ut rem summæ ipsis consolationi futuram aperiret. Porro quum prandii horra adesset, eosque vesci secum vellet, mensæ adhibentur cum sacerdote & interprete. Sed quum ibi nihil appositum esset præter gallinas & suillam salitam, neque Indorum regulis is cibus satis gratus esset, parcè admodum comederunt: ac plerique eorum cibaria, ut adposita erant, servis suis humi recubantibus porrigentes aspernari: quæ mox & ipsi per ludibrium objiciebant canibus.

PERACTO convivio, Gubernator sermonem de fidei rebus injiciens, in hunc ferè modum exorsus est: In has terras vestras, fratres & amici mihi carissimi, veni, ut Idololatriam expellerem, qua ad hoc usque tempus blandis Dæmo-

Egregia verba, nisi avaritia, omnia faceret, quæ eum ipse idololatria est.

num illecebris vineti ac constricti fuistis. Deinde ut verum & ad salutem animarum vestrarum ferens iter perspicue vobis exponerem. Nempe Jesum Christum Dei Filium descendisse ex coelis in terras, ut genus humanum redimeret. Neque aliam ob causam equidem sacerdos hic mecum usque ab Hispania profectus est, nisi ut vos Christianae religionis rudimentis imbueret. Quamobrem ut Divinae legis obsequium, & Caroli Quinti Caesaris, Hispaniae Regis, ac totius orbis Monarchae, imperium subeatis, animos & studia parate. Indici Reguli hac oratione audita, ne verbum quidem respondere, sed demittere caput, quasi ad omnia tacite se assentiri annuerent. Ita ex mensa consurgentes, domos quisque suas repetunt.

Hoc scilicet
erat Indos
convertere,

SEQUENTI die Gubernator Hispanum unum duobus stipatum Indis mittit ad duos Cacicos, qui in adversa fluminis ripa manebant, ut illico fide ipsius freti, sine ulla formidine ad se venirent. Ut illi, quamquam aegre, venerant, Gubernator in cellam penariam intromissos, catena quemque propria onerat: mox in cubiculum deductos ad lectum suum properè alligari jubet: ubi humo substratis foliis cubile, ligneo trunco pulvini usum praebente, ut ipsis mos est, somnum caperent. Hi duo Cacici, illi ipsi erant, qui, quo tempore primum Gubernator provinciam inierat, septingentos ducatos aureos ipsi obtulerant, uti superius diximus. Inde ab illis sciscitando exsequitur, ubi essent ea salis & mellis vasa, quae ad mare descendens defossa reliquerat. Quippe quum misisset, qui quaererent, vacuum locum repererat. Illi se nescire respondent, neque iis certè indigere, quibus ipsi abundarent. Sed Gubernator hoc responso nequaquam acquiescere, imò utrique minari malum, nisi prorsus ipsi satisfacerent. Itaque junior (Camachiren vocabant) ei amplius duo millia ducatorum, nempe auri massas, quamquam ignobilioris notae, in formam suam, tigrum, piscium, avium, & aliorum animalium elaboratas dedit.

Avaritia in-
explicuit.

GUBERNATOR parvam auri copiam cernens pro ea quam spe ac cupiditate praecederat, ingentem ignem accendi jubet, adductoque in conspectum solo Camachire, grandem cistam ante pedes poni. Mox illi severe interminatus, nisi quatuor intra dies tantum auri adferret, quantum sexies implendae cistae sufficeret, fore, ut igni cremaretur: à misero illo regulo, oblato praesentis mortis metu, promissum extorquet. Is ergo, quum id se facturum recepisset, servos suos ad comparandum pretium dimittit. Ceterum per omnem Indiam indigenis bis terve in die ablu aqua mos est, quem morem, quum quotidie servaret Regulus captivus, fortè accidit, ut Gubernatoris famulus, cui deducendi illius ad flumen lotum cura incumberebat, domum reductum non satis fideli custodia includeret: itaque noctu, quae eum diem sequuta est, evadit. Hinc Gubernator doloris vehementia aegritudinem contrahit, & quoties cistam illam videbat, dicere consueverat, vice auri, quod sperarat, stercore implendum & peracandum esse.

Avaritia ne
maius quidem
menatur.


ALII Cacici Sueræ & Chiuppæ, quum Captivos socios ita malè accipi à Gubernatore intelligunt, mapalibus ignem injiciunt, frugiferas arbores fruticesque caedunt, fruges & grana ex campis in tuta loca deferunt, & vastatis agris, ut hosti solitudinem facerent, in montes perfugiunt.

IN hoc rerum statu Gubernator, etsi morbo aliquantum impediretur, nihil tamen propterea intermittere, quo minus alterum Cacicum, qui adhuc in vinculis su-

*Ingenue &
magnanime
libertatis in
Barbaro ex-
emplo.*

lis supererat flagitando urgeret, dictitans se ab illo certam auri summam exspe-
ctare. Sed quamvis illum diu multumque omnibus machinis oppugnasset, mina-
returque saepenumero se occisurum; ni ab eo aurum acciperet, Cacicus tamen
cum sibi aurum non esse affirmasset, in eo ad extremum usque constanter perse-
veravit. Tandem Gubernator ira incensus, nisi aurum adferri sibi maturè procu-
raret, raptari se illum & canibus objici jussurum, aperte denunciat. Adhæc Caci-
cus intrepidè, Mirari se, ait, Gubernatorem adeo vaniloquum & mendacem,
quando toties eadem ipsi minatus, re ipsa nondum patrasset. Sibi quidem mori
optabilius esse, quàm ita in vinculis anxiam vitam trahere. Se fidei ejus creden-
tem, ultro in potestatem ejus venisse, cum ab eo comiter se acceptum iri, nihil ve-
rò minus, quàm ita fœdè cruciari, speraret. Ad ultimum addidit, se non posse ima-
ginari, quot genus hominum Christiani isti essent, qui tot ac tam nefanda scelera
per omnia quaecunque adiissent loca ederent, mirari se, quomodo tellus adeo pa-
tienter tam immanes belluas alere & ferre sustineret. His verbis Gubernator per-
cussus & abingenti iracundia defixus in silentium, nihil respondit, nisi Jure
captum illum à se custodia attineri, ut, sublato sale & melle,
furti compertum.

D I D.





DID GOTIERREZ REBUS

PARUM EX VOTO FLUENTIBUS,

paulatim contabescit. A Barbaris interficitur.

Indis equitatus formidabilis.

C A P. XII.

*Indi toties ab
Hispanis de-
cepti eos tandem
fallunt.*



INTER has rerum vices Gubernator sex Indos scapham ad mare miserat ad quendam suum clientem, ut ab eo balistas, clypeos, aliasque sarcinas acceptas adveherent. Illi rebus omnibus acceptis & scaphæ impositis, cursum avertunt, neque postea aut visi, aut de iis nuncius ullus ad Gubernatorem allatus est. Ipse scapha amissa, Cacicus fuga ereptis myoparone non remeante, quum etiam penuria commeatus major pars militum fugam spectaret, anxius mœrore & tristitia contabescebat. Postremò quum nihil jam melioris spei aut remedii superesset, velut amens & consilii innops in mediterranea progredi statuit. Itaque quum militibus iter pronunciari jussisset, & quicquid frugum supererat, quod exiguum erat, inter omnes divisisset, infirmos & ægros ad mare dimisit, ac cum iis unum ex domesticis suis, qui Alphonsum Pisanum moneret, ut simulac ad portum myoparone applicuisset, ipsum sequi maturaret. Se verò, ut ille præeuntem vestigiis consectari posset, crucibus per intervalla dispositis itinera signaturum.

JAM verò omnibus ad expeditionem accinctis, Cacicus ubi intellexit se cum aliis suis Indis & impedimentorum parte à Gubernatore abduci onustum ludibrio atque ostentui: tantum ex ea remœrore animo accepit, ut puerilem in modum crebros gemitus & planctus ederet. Tandem à Gubernatore precium pro libertate paciscens, si solveretur, intra quatrimum magnam auri copiam pollicetur. Gubernator ei libenter vincula exemisset, nisi à familiaribus quibusdam prohibitus esset: quum illi dicerent eum ab Indo deludi & pollicitationibus vanis lacerari, ac si quatuor præterea dies discessum differret commeatus ad iter defore. Semper illi fore sui redimendi copiam, in præsentia verò præstare expeditos milites, hac ipsa nocte ad diripiendum ejus populum mittere, quam promissorum ejus fidem operiri. quippe ita & alimenta exercitui provisurum, & Indica mancipia ministeriis apta capturum. Id consilium Gubernatori displicuit, metuenti videlicet, ne Hispani, si quos mitteret, eo deserto aufugerent.

ERGO iter ingredimur, vixque è tabernaculis egressi eramus, quum præsa-
giens ego, quid nobis tandem fieret, Hispanum quendam his verbis affatus sum:

Nos

Nos ad Ianienam proficiscimur. Ille verò mihi respondens: Tu, inquit, unus eorum es, qui volebamus isti vel invito Principatum unum acquirere. Quum quinque aut sex dierum iter emensi per sylvas & montes essemus, nullo humani cultus vestigio nec tugurio reperto: atq; inter cæteros montem unum superassemus xv. milliaria passuum admodum in altitudinem, in descensu abruptum, adeo iniquis & arrectis faxis, ut virgulta & radices arborum circà eminentes sæpe retinere necesse esset, ne fallente instabili gradu in præceps devolveremur: tandem ad ingentem amnem pervenimus, & ad ejus ripam casas aliquot desertas invenimus, quas venatoribus hospitium præbere consuevisse, repertis intus ossibus & capitibus cervorum, tigrium, aliorumq; animalium, conjecimus. Ibi Gubernator biduum moratus, ac reperta magna copia eorum fructuum, quos vulgò Mamei vocant, & <sup>De hoc fructu
suprà p. 125.</sup> propter exiguum flumen multis ejuscemodi radicibus, quales sunt in Hispaniola eæ, ex quibus conficitur secundarius ille panis, quem Cazabi vocant: optimi tamen illis saporis, & quæ sub prunis incoctæ stomachum non læderent, his, inquam, alimentis repertis strenuè famem expulimus.

U L T E R I U S progressi, post triduum in bivium incidimus: quumque Gubernator in eo viarum divortio hæreret, utram eligeret dubius, Indum unum ex <sup>Indi in tot
mentu mori
quàm suos
prodere ma-
lunt.</sup> iis, quos secum captivos ducebat, interrogat, Ultra certius rectiusque ad aliquem Indorum pagum ferret. Is quum se nescire respondisset, Gubernator eum ab Æthiopis suis mancipiis abstrahi ad capitale supplicium jubet. Illi eum, ut erat imperatum jugulant, dicendo, Malos homines hunc in modum tractari. Quum idem à Cacico percontatus esset dixissetque & ille se nescire: ab Æthiopibus corripitur hominem, & alterius exemplo interfici jubet. Ille ubi eos tendere ad se videt, deposito quod ferebat onere, caput mirabili eum tolerantia ad mortem inclinat. Barbari hominis constantia victus Gubernator, pœnam ei se remittere & vitam concedere, dixit.

Eo loco tres Hispani fame adeo debilitati, ut stare non possent, relictæ: postea ab Indis trucidati sunt. Sub ejus diei vesperâ Gubernator animadverso nobis nihil ad vescendum superesse, quum eorum alimentorum, quæ ipse reliqua haberet, nihil cuiquam impertiri vellet, canes mactari & inter omnes dividi jubet. Ego tamen partem meam paulò post alteri dedi, quod ex illis carnibus vermes efferverent. Inde Gubernatorem adii, sperans fore, ut aliquid ab eo obtinerem, sed ille me ad radices arborum delegans, iis me vesci jussit. Itaque Hispanus quidam eò responso cum aliis audito, Domine Gubernator, inquit, quando prosperæ & ad- <sup>Hispani militu
tu libera vox.</sup> versæ fortunæ sortem nobiscum subire non vis, solus bellum gerito. His verbis Gubernator, simul tribunorum precibus permotus, etsi male libenter, casei trilibrem quadram in triginta quatuor partes dissectam inter omnes distribuit: ita vesperam illam utcunque transegit.

E A D E M illa nocte Gubernator coquo suo mandaverat, ut frustum unum ^{Fames sagax.} suillæ carnis coqueret: quumque excubiarum agendarum circa gallicinium mee vices essent, illac fortè præteriens, ad ignem accedo. ubi quum dormientes omnes & sopitos offendissem, arreptum confestim lignum cultello ex acuo, demersumq; in ollam veruculum illud ligneum in suillam defigo: extraho, & in peram meam recondo. Mox ad stationem meam & vigilias revertor, multò lætior, quam si in ingentem aliquem thesaurum incidissem. Gubernator ut rescivit, quamquam

admodum iratus, nihil tamen gravius eloquutus est, quàm scilicet id tempus esse ollæ sine custodia relinquendæ: ego verò valedicens radicibus arborum, suillam comedi, etsi paulò falsior esset.

BIDUO inde quum ad sylvam quandam pervenissemus, in ipso ingressu Indum repente conspicimus ponè arborem stantem. Speculator is erat, qui simul ut nos animadvertit, mirabili pedum pernitate cervum æquans, ad provinciæ Regulum adventum nostrum significatum abiit. Itaque sequentis diei summo mane Indorum agmen repente in nos ingruit.

*Hispanorum
Indos vexan-
tium premia.*

Fortè Gubernator illa hora naturæ requisitis parens, ab ea parte erat qua hostes advenere: itaque primus ab illis interfectus est. Illi facto ulterius gradu, horrendis cum clamoribus, terribili strepitu buccinis & tympanis excitato, omnes purpureo & nigro distincti corpora, pennisq; coruscantibus insignes, & monilibus ac torquibus colla circumdati (qui mos bella ineuntibus Indis est) tumultuosè in nos erumpunt.

Ego quum ensẽ & clypeum arripere vellem, ad galeam cujusdam comilitonis mei offendi, quam sub foliis latentem ille accipere non meminerat: eam casu ita repertam capiti meo impono: atque ejus quidem præsidio, per Dei gratiam, illius prælii discrimini ereptus sum.

*Indorum de
Hispanis vi-
ctoria.*

Quum enim nos Indi lapidum nimbo obruerent, eam galeam crebris ictibus adeo signarunt, ut fabrili malleo contusam diceres. Quum utrinque semiquadrantis horæ spatio æquo ferè Marte pugnatum esset, tandem multis in ictibus Indis, ceteri terga vertere.

Sed quum recentes alii subsidio fessis venirent, novus de integro labor obijci: & nostrum magna pars inedia magis, quàm prælii labore confectum, hostium tantæ multitudini impares, brevi faxis sudibusq; mactati, nostris meis contis in utrumque latus transverberati sunt.

Ipse quum Tribuni nostri lateri hærens, eum saxo percussus extrinsecus moribundum ad terram collabentem vidissem, jam solus post arborem stantem. Ibi quum recenti clade confusus & consilii planè inops starem, duo Hispani duore oppleti ad me veniunt, &, Quid hîc facis Mediolane, ajunt: quando nostri omnes occubuerunt, quin iter, quâ venimus, retexentes vitæ nostræ consulimus? Progredior ipse & alii, ac per medium viginti quinque amplius Indorum agmen erumpimus. Omnes ii Reguli aut primores erant, quibus lancea tantum in manu erat, amictus nodo ex humeris dependens: corpora, ut cæteris, nullis coloribus picta. Eorum unus telum mihi in guttur adigit: sed irritò ictu ob thoracem bombyce suffultum, quo indutus eram. Tandem evadimus, nec procul inde in vertice montis sacerdotem nostrum reperimus, qui eò cum duobus militibus sub initium pugnae aufugerat.

*Indi Hispanis
avaritiam
exprobrant.*

DUABUS inde post horis Alphonsum Pisanum tribunum militum obvium habemus, qui cum viginti quatuor Hispanis Gubernatorem vestigiis persequabatur. Inter hæc amplius centum Indi nec opinantibus nobis superveniunt, gladiis, clypeis & balistis, quas nostris eripuerant, armati: circumfusiq; saltando ac tripudiando ex iis nonnulli Hispanica lingua clamabant, Accipe aurum, Christiane, accipe aurum. Ubi tamen nos haud spernendo numero esse viderunt, terga vertere

Non inde intolerandis cum laboribus & periculis vix tandem ad mare erepsimus: duo illi Hispani, qui mecum praelio excefferant, quum propter vulnera viae laborem ferre non possent, fessi ad radices montis cujusdam substitere. Veneré postea duo adolescentes, qui in iis sylvis, ubi praelium commissum fuerat, tamdiu delituerant, donec Indi abiissent.


Egressi referebant se rei praesentis intuitu comperisse, Indos caput, pedes & manus Gubernatoris truncatas, simulque duorum Aethiopum, extulisse, ceteros spoliatos nudatosque in praeterlabens illac fluentum abjecisse: atque omnes manubias & ipolia legisse praeter saporem & oleum. E nostris xxxiv. Hispani & duo Aethiopes cecidere, sex tantum superfuimus: ex hostibus multo plures caesi sunt.

QUATUOR ferme millia Indorum erant in acie, quantum aestimari potuit: ignavi tamen illi & timidi adeo, ut si quatuor tantum equos habuissemus, numquam nos illi aggredi ausi essent. Indi enim ferocissimum illud animal vehementius formidant, quam omnia Hispanorum arma: neque illud occultum habent, imò palam dicunt, non Christianorum virtute, non armis, tormentis, hastis, gladiis aut ballistis, se victos & subactos esse, sed equorum ferocia & furore perterritos. Idque adeo experientia ipsa & praesens rerum effectus docet. Quaecunque enim loca pedestres adiere Hispani, quò equi penetrare non potuerunt, in iis semper ab Indis victi sunt.

IN Mexico quidem, cum primum ea provincia ab Hispanis tentata est, hominem equo insidentem unicum & indiscretum animal esse Indi vulgò credebant.

I. INDIS Occiden. usque adeo formidabiles sunt equi, ut & molossi, quum videlicet metuunt, ne ab illis vorentur, mille eorum pedites à tribus equitibus in fugam vertantur. Relat. Nun. Gusman. occupatam à Ferdinando Cortesio Mexicanam provinciam, Barbari quum praetereuntes illac Hispanos equites honorificè exciperent, tum maximam curandis eorum equis diligentiam studiumque, adhibebant. Primum enim, ingenti hydria plena aque equo adposita, non vulgari pabulo, sed Maizio cum viridi tum sicco implebant praesepe: mox equi multa herba constrato, rosas desuper & alios flores spargebant: idque non tam benevolentia quam metu, quem jam inde ab initio conceperant, quum à Cortesio domiti jugum accipere coacti fuerant: cujus rei ipsi praecipuam causam equis magis quam Hispanis tribuerent.

Hispanorum
de Indis victo-
ris, equis ma-
gis quam ipsis
debentur.



HISPANI QVO CONSILIO EXPEDITIONES IN INDIAM SUSCEPERINT.

Ferdinandi Sotti & Pamphili Narvaez infaustæ expeditiones,
Ferdinandi Cortesii in Mexicanos sævitia
& perfidia.

C A P. XIII.

AM ex iis, quæ diximus, colligere possunt Lectores, quo animo consiliove Indicas eas gentes subactas Hispani sub imperium egerint. Etsi enim ferè in historiis, quas edidere, virtutes suas laudibus in cælum ferant, scribântque se assidue in illis terris pro Christiana fide pugnasse: res tamen ipsa perspicue demonstrat, eos, in illis maximè provinciis, sola avaritia incensos tot expeditiones & bella suscepisse. Id verum esse argumento est Præfectorum & Gubernatorum, qui eò trajecerunt, varietas. Ubicunque enim aurum & opes non invenere, ibi morari noluerunt. Ejus rei exempla aliquot afferam.

*Ant. Sedegni
expeditio in-
fausta.*

PRIMUM Antonius Sedegnus sinum Pariensem inVectus cum amplius septingentis Hispanis, & auri famam sequutus, postquam diversas provincias per triennium pervagatus, divitias pro spe ac cupiditate sua non reperit, ibi habitare noluit. Ad extremum adversa valetudine correptus brevi desperatione magis, quàm morbo extinctus est: & ex tanto militum numero, quos secum circumduxerat quinquaginta quinque tantum ad sinum regressi sunt.

*Ferd. Sotti in
Floridam ex-
peditio.*

FERDINANDUS Sottus cum quingentis Hispanis in I, Floridam cum imperio & Gubernatoris titulo missus est. Hæc provincia à Johanne Pontio Legionensi primùm inventa erat: eoque nomine ab eo insignita, quod eò Resurrectionis die appulisset, quem vulgò Pascha floridum appellant. At Sottus simul ut provinciam attigit, per varia loca discurrere, & incertis vagari sedibus, quum pro certo haberet se ingentes gazas & thesauros reperturum. Ita oberranti quum aliquot Indi aureis bullis redimiri occurrissent, sciscitatusq; esset, unde aurum sumerent: responderunt se ex longinquis regionibus petere. Ille ratus eos ita dicere, ut eum finibus suis arcerent, jam satis gnaros quid Christiani per eas oras quæsitum irent: cruciare aliquos cœpit, & tormentis fateri subigere ubinam aurariæ essent. Inter alia sævitiae exempla ab eo edita hoc unum insigne est. Quindecim Cacicos captos jam in potestate habebat, nisi locum, unde aurum sumerent, indicarent, minatur se omnes crematurum: miseri illi metu mortis oblato consternati, securi de facilitate credentis: nec quid dicerent satis scientes, promittunt se intra octiduum in eum

*Avaritia
crudelis ex-
emp. um.*

eum locum deducturos, unde aurum magna copia sumeret. Jam duodecim dierum iter peregerant, nec ullum auri vestigium aut indicium exstabat. Itaque elusus Gubernator & multum indignatus, truncatos manibus dimittit.

H A U D ita multò post, quum unus ex principibus ejus provinciæ regulis ad Gubernatorem visendum venisset, munera ei Plittacos duos & cristas pennatas afferens, sciscitatus ex eo est, quis esset, unde domo, quidve quærens venisset in eas terras tot ac tam fœda facinora perpetrans. Gubernator per interpretem respondet, id quod ferè alii omnes duces & Præfecti, Se Christianum esse, Filium Dei creatoris cœli & terræ: venisse eò, ut divinæ ipsius legis notitia eas gentes imbueret. Ad hæc regulus: Si Deus tuus (inquit) jubet, ut alienas terras latrocinando, urendo, trucidando, nec ullum sceleris genus prætermittendo, perambules, tibi maturè denunciamus, fieri non posse, ut vel ei vel ipsius legi credamus. Hoc responso percussus Gubernator abiit, & modò in hanc modò in eam partem errans, spe ditissimæ alicujus fodinæ reperiendæ omissa condendæ coloniæ cura, quinto demum anno sanguinis profluvio periit. Ita miservitam pariter & auri sitim amisit, & quicquid è regia Attabalipæ Peruani principis gaza manubiarum collegerat.

*Indi à Christi-
religione ob
Hispanorum
scelera ab-
horrent.*

*Avaritiæ
merces.*

P A M P H I L U S Narvaez cum sexcentis Hispanis ad Fluvium Palmarum tendens (qui in eadem Floridæ ora, centum millibus passuum septemtrionalior Panuco est) cum dimidia parte exercitus in littus ignotum egressus: postquam aliò se appulsum, periti alicujus naucleri penuria, quàm quò sperabat, intellexit, neque ibi ullum auri specimen invenit: Coloniam instituere neglexit. Interea quum ad vestigandum fluvium Palmarum naves & alteram militum partem misisset, ingenti infortunio ictus est. Naves tempestate ad prominentia littorū elisæ: Hispani propè omnes, hausti fluctibus: pauci aliquot ejecti in littus, aliquot annos pereasoras lititabundi oberrarunt. Ad extremum 3, duodecim ex iis fame in rabiem versi, alii alios morsu dilacerarunt. Denique è sexcentis illis Hispanis, quos duxerat, vix decem reduces annotati sunt. Isti cum Mexicum pervenissent, publice dicebant se in egrorum tantum ora insufflantes, plurimos sanasse, & quod majus, 4, tres mortuos revocasse ad vitam. Sed mihi, quæso, ignoscat eorum sanctitas: ego facilius crediderim necatos ab illis quatuor vivos, quàm vel dimidium mortuum suscitatum.

*Pamph. Nar-
vaez expedi-
tio ad Florid.
Palmarum.*

*Hispani mor-
tuos à se in In-
dia suscitatos
vendebant.*

J A M quid dicemus de Ferdinando Cortesio? qui quum novam Hispaniam subigeret, ubi Mexicum regis ipsius sponte ac voluntate ingressus est: atque inde frangendis Pamphili Narvaez conatibus obviam ire necesse haberet (qui cum nongentis Hispanis ad Veræ-crucis coloniam appulerat: Didaci Velasquis Cubæ insulæ præfecti missu & mandato, ut eum opprimeret ve expelleret è provincia, quòd Velasqui rerum à se ipsius auspiciis gestarum & nuper inventæ oræ rationem nō reddidisset, ut legatum par erat à summo Præfecto ad eam ipsam rem suscipiendam missum) quum, inquam, ipsum Cortesium Pamphilo adventanti occurrere oporteret, Mexico egrediens Petro Alvarado tribuno militum ducentis & quinquaginta Hispanis præsidium civitatis & collectarum manubiarum custodiam committit.

*Ferd. Cortesii
perfidia in
suos, servitū
in Barbaros.*

Q U U M fortè incidisset, ut plures Indi & plebeiis permisti nobiles, festo quodam ipsis die, canentes carmina cum tripudiis & solenni saltatu per urbem irent, accurrunt ad pompæ celebris spectaculum Hispani. Ibi simulac auro & variis mo-

f a nilibus

*Impudentis
& effrenis
avaritiae ex-
emplum.*

nilibus fulgentes cives conspicati sunt, victi effræni avaritia milites, victus & ipse Alvaradus, pudore omni pessundato, hostili rabie in pompam irruunt & turbam inermem promiscuè cedentes, multis vulneratis, multis interfectis, omnes omnibus illis ornamentis spoliant. Sed mox ab Indis tam indigno facinore ad rebellio- nem & ultionem accensis, maxima pars eorum Hispanorum cæsa est.

*Avaritia
Hispanorum
ab Indis elusa.*

Hic parum lætus nuncius ad Cortesium allatus, eum debellato Pamphilo, Mexicum properè reverti coëgit: unde brevi, non sine maxima Hispanorum cla- de, ab Indis ejectus est. Illi postquam Montezumam Regem ipsum suum, qui Cortesii partes fovebat, lapide graviter ictum interfecissent, Regem alium nomi- ne Qualtimoc creant. Cortesius postea multis exhaustis laboribus, multisque subactis populis, novo Hispanorum subsidio auctus, & ingens Indorum agmen secum trahens, Mexicum obsidione cingit, & tertio demum mense urbe potitur. Eminebat inter cætera, summa militum alacritas, pro certo habentium se ingen- tibus thesauris diutinam auri famam abundè expleturos. Sed hiantes eorum cu- piditates Barbari eludere. Illi enim omne aurum argentumque ex publico pri- vatòque collatum, desperata urbis tutela, in lacum, in quo urbs sita est, proje- cerant.

Itaque Hispani spe irrita confusi & frendentes, plerosque civium ira in ra- biem versa, torquere crudeliter incipiunt, subinde quærentes ubinam aurum es- set. Sed illos, non verbera, non ignes (quamquam multi inter dolores expirarent, aut dissolutis membris mutilarentur) pervicere, quin constanter se scire negarent.

*Indi constan-
ter mori ma-
lunt, quam
Hispanorum
avaritiam
explere.*

CORTESIUS ipse, nihil auri argentive ac cæterarum rerum, quas urbe exce- dens reliquerat, comparère vehementer miratus: nec ipsam adeò regiam Monte- zumæ gazam, quam ingentem esse fama tulerat, nec quæ ad ornatum templo- rum & cultum deorum dicata fulserant: postquam ea ubi essent, nulla vi exprimi à plebeis nobilibusve indigenarum posse comperit: Regem ipsum & Regium scribam corripit ratusque impares dolori aliquid de thesauris certius fastuosos tor- mentis subjici jubet. Sed illi quoque tortorum manus constantia fatigaverè, nec quicquam ab iis extorqueri potuit: donec ipse Scriba, quum lento igni ambure- retur Christianorum sævitiam increpans, miserabili cum gemitu sex intra horas vitam inter cruciatus finiret.

*Perfidia cor-
tesii.*

CORTESIUS quum regem quoque ipsum obstinato animo & superante patientia dolores mortem potius oppetiturum quàm quidquam proditurum cerneret, tormenta removeri iussit. Verùm haud ita multò post, quum catenis onustum per varias provincias aliquamdiu, velut ad spectaculum circumduxisset, ei laqueo gulam frangi iussit. Proditum fama est indicio Indi cujusdam atque ac- cusatum, clam sollicitasse Regulos quosdam ut manu facta Cortesium & Hispa- nos omnes nec opinantes trucidarent. Tradunt alii Cortesium, ut se ejus custo- diendi sollicitudine liberaret, jussisse interimiri: cumq; is apud Cortesium tanti cri- minis argueretur, ille reum læsæ Regiæ majestatis videri eum dixit & iudica- vit, quòd suos ad cædem ipsius atque Hispanorum clanculum conscivisset. De tormentis verò sic apud eum excusavit, id nimirum à se præter morem ac natu- ram suam, Quæstorum regionum postulatu factum, quod intellexisset ei cogni- tum esse, ubi Montezumæ gaza asservaretur. Et Quæstor ipse Regius, qui aderat, adiecit. Id non à se alio consilio factum, quàm ut Regia vectigalia augetet.

JAM utrum hæc, quæ nunc edidi, & innumera ejusmodi alia, quæ à me proferri possunt, sint hominum pro fide Christiana pugnantium officia & facinora; annon, nemo adeo hebes est, qui facilimè judicet.

1. FLORIDAM primus invenit Johannes Pontius Legionensis, eamque hoc nomine insignem fecit. De cujus expeditione vide infra in nostro de Gallorum in Floridam navigatione libello cap. 1.

2. Pamphilus Narvaez is est, quem Didacus Velasquez, Cubæ præfectus, cum nongentis circiter Hispanis in novam Hispaniam misit, ut inde Cortesium vel vivum vel mortuum expelleret. Anno MDXX. Sed is, ut provinciam attigit, fallacibus verbis à Cortesio circumventus, & præter spem in Cempoaja urbe captus: dum resisteret ac se manu defenderet, alterum oculum, & mox exercitum amisit. Diu in custodia habitus, ac tandem liberatus, anno 1527. ad Fluvii Palmarum provinciam expeditionem instituit, infelici exitu.

3. Fortè in ea ora adeo fæda tempestas & intoleranda vis frigoris inciderat, ut Indi, quibus Hispani ad radices eruendas & piscandum utebantur cibaria expedire non possent. Itaque Hispani fame ad tantas angustias redigi, ut quinque eorum in Xamo ejus ore littore, consumtis omnibus alimentis alii alios manderent. Neque ex iis ullus, præter unum supersuit, quum non haberet, à quo manderetur. Digni vis scriptoribus, quorum nomina proderentur: Sierra, Didacus Lopez, Gonzallus Ruiz, Coral & Palacios: quanquam ut tam horrendum nefas premat Gomara suo more, ab ipsis Indis comestos scripserit. Eo quidem adeo conturbatos offensosque ipsos Barbaros fuisse constat, ut si id maturè cognovissent quotquot ibi erant Hispanorum cedere tam execrabile facinus expiaturi fuerint, Relat. Alvar. Nun.

4. Id scribit de seipso Alvarus Nunez in sua Relatione: Indum videlicet quendam, quem multis signis ferè mortuum esse constaret, à se & sociis suscitatum. Penes autorem fides esto.

5. Didacus Velasquez, Cubæ Gubernator, Ferdinandum Cortesium ad novam Hispaniam, à Grisalva nepote suo nuper repertam, occupandam miserat. Cortesius, jam continentis parte subacta, muneris sibi commissi Velasqui rationem reddere neglexit: sed rectè ad Cæsarem Relationem seu Commentarium provincie repertæ & rerum ab se gestarum cum multis & preciosis muneribus misit. Id ubi renunciatum Velasqui, Cortesio, perduellionis damnato, magistratum abrogat, & Narvaen ad eum provincia expellendum mittit.



O V A C R O C O D I L O R U M

EDULIA. IGUANNÆ LACERTARUM GENUS.

Manati pisces. Suerensium mores. Animal gemino utero
insigne Vespertilionum dirum
genus.

CAP. XIV.



ARTHAGINEM novam redeo, unde in hæc oratio diverterat. Postquam ad mare, eò quo suprà dixi modo, pervenimus, ibi nos aliquot dies adversa tempestas & tumidum mare detinuit. Sed dum ibi moramur, parva res, sed jucunda auditu, mihi cum milite quodam intercessit. Ille canem fortè ad mare relictum, quum Gubernatorem in mediterranea progredientem sequeremur, inedia subactus mactaverat: quumque ejus partem igni torruisset, me ad prandium invitavit, quòd ipsi de quadra casei (quam ab Alphonso Pisano tribun. militum emeram) defectam particulam liberaliter paulò antè elargitus eram. Sed quum accubuissem eoque cibo ita jucundè vescerer, ut nihil unquam suavius edisse viderer in vita, ille repente quæ ante me posita erant tollere & dicere, Frater mi, tu nimium comedis: ego vetulus sum & infirmus, tu juvenis & ætate integra. Abi hinc sodes: oh nolo te meo cane ulterius vesci. Hic ego, quamquam non satis æquo animo, patienter tamen demissis auriculis abii.

Fames pudore caret.

TRANQUILLATO tandem mari solvimus, & ad emissarium Nicaraguensis lacus vela fecimus, ibi Lusitanum quendam assequuturi (Francisco Calato nomen erat) quem Gubernator noster, ob acceptos ab eo mutuò ter mille & quingentos ducatos aureos, legatum suum & Proprætorem designaverat. Sed per contrarios ventos, qui ad Nomen-Dei navigantibus afflabant, ibi ultrabimestre spatium summis omnium rerum angustis & fame obsessi substitimus; ac nisi ova Crocodilorum nobis summa copia supeditassent, quæ ad ea littora in arenis reperiebamus, certè maxima pars nostrum inedia miserè contabuisset. Ea ova, anserum ovis magnitudine paria, si faxis allidantur, contunduntur quidem, nec tamen franguntur. Itaque cultello ea recludi necesse est. Sapor eorum qualis Muschi semiputridi, & principiò, quum ab eorum esu abhorrerem, necessitas & penuria me ad aliorum exemplum imitandum adegit.

Ova Crocodilorum.

Iguanna, serpens.

ANIMALIUM præterea genus quoddam quadrupes venabamur. 1. Iguannas vocant, lacertulis nostris forma haud absimiles: quibus palea quædam è mento velut barba dependet, vertice etiam capitis crista, instar gallinacæ, insigni: in dorso eminentes pinnas quasdam, velut spinas, subrigunt. Fœminæ masculis præstant:

præstant: ova earum carniū saporem vincunt: & ancipiti victu non magis terrā quā aquā assueverunt.

IN Nicaraguensis lacus alveo multi & grandes pisces sunt: in iis unum eorum genus, qui ab Hispaniolæ indigenis vulgò 2, *Manati* appellantur. Neq; enim dicere possim, quo nomine eum notent ejus quondam loci accolæ Indi. omnes enim propter nefandas injurias, quas ab Hispanis perpetiebantur in vicinas sylvas se abdiderunt. Hic piscis Lutræ propè formam referens xxxv. pedes longus. xii. crassus est: capite & cauda bovem referens: exiguis oculis, pelle dura & pilosa, coloris veneti, pedes duos elephantinis similes habet: fœminæ ejus generis, ut vaccæ, catulos pariunt, eosque gemino ubere alunt.

EORUM piscium aliquot ipse vidi in perexiguis quibusdam insulis, tum etiam in carectis ingentis hujus fluvii: in urbe verò Nominis-Dei sæpe eorum carnis usus sum, salitis videlicet: earum sapor ut suillæ est. Scribunt nonnulli carnem ejus piscis gustu vitulinæ quam similitam esse, unde è duobus alterum existere necesse esse colligo, nempe aut Hispanum istum eam carnem tam avidè appetiisse, ut multò Suavior quā esset videretur: aut certè vitulinam nunquam degustasse.

Quod ad mores Suerensium Indorum attinet, à supradictis parum differunt, nisi quod humana carne non vescuntur: eorum lingua: discentibus facilis: Terram *Ischa*: homines *Cici*: morbum *Stafa*: aurum *Chiaruchla*, vocant. In ea provincia aprorum montanorum, & ferocissimorum tigrium ingens copia reperitur: leones etiam, sed timidi, qui viso homine fugiunt. Serpentibus quoque abundat inusitata magnitudinis, sed veneno carentibus: & cercopithecis. Aliud quoque ibi est animal (quod ab indigenis 3, *Cascuii* dicitur) nigri porci specie, pilosum, durissimo corio, exiguis oculis, auribus patulis, ungulis fissis, brevi promuscide munitum, ut elephas: barritu adeo terribili, ut homines obsurdefaciat: cæterum carne ad esum suavi.

PRODIGIOSUM præterea ibi aliud 3, animal vivit, cujus ventri natura alterum ventrem marsupii instar affinxit. quoties demigrat, catulos in eum loculum recondit & gestat. Id animal corpus & rostrum vulpis: manus ac pedes cercopithecii: aures vespertilionis habet. Ibi etiam pavones, phasiani, perdices & alia avium genera varia visuntur, sed longè à nostris discrepantia.

VESPERTILIONUM quoq; dirum genus eam provinciam infestat, qui noctu dormientium corpora morso appetunt & rostro pertundunt: neque usquam alibi per omnem eam oram quā longè patet usq; ad sinum Pariensem, infestiores sunt eæ volucres quā in ea Provincia. Mihi quidem aliquibus ejus oræ locis, Nominis-Dei præsertim usu venit, ut ejuscemodi striges nocturnæ dormientis pedum digitos adeo leviter pungerent, ut nihil persentiscerem: manè verò culcitram & toralia sanguine fœdata perinde mirarer, ut si ingens aliquot vulnus accepissem: sed in hac provincia numquam me rostris foderunt, quin sensu vulneris excitarer, & duabus tribusve post horis graviter ex plaga dolerem.

Quinetiam alis sæpe ora everberantes, si pedibus calceatis quiescerem, manus ipsas rostro feriebant. Itaque quum arcendæ illi pesti nullam commodiorem opem reperirem parata semper in cubili ligamenta & fascias vulneribus habebam: & simulac rostrum defigi in me senseram, vulneratum locum fascia invol-

vēbam: is nullo præterea adhibito remedio triduo aut quatruiduo sanabatur. Atque hæc hæc hactenus de Didaci Gottieris gubernatione.

1. IGUANNA seu Juanna, commune terræ & aquis animal, non tantum immergit se fluvius, sed etiam in arbores erepit. Horribile visu, iis qui ejus naturam non norunt: sed adeo mitis ac taciturnus, ut nec stridens, nec ingemiscens, nec unctum strepitum ullum aut clamorem edens, decem imò viginti dies, sine ullo cibo permaneat. Carne gustu & esu suavissima, ac propterea in deliciis, nisi quod qui lue Indica laborarunt, si ea vescantur, recrudescunt & rebellantes pristini morbi dolores sentiunt. Serrata ei in dorso pinna inest: cauda prælonga, in tenuitatem desinens, & implicans se viperinis orbibus.

Ova quadragena aut quinquagena singulis foetibus edit, rotunda & nucis crassitudine, luteo alboque intus varia, qualia sunt gallinarum, eaque edulia: sed quæ in sarthagine non oleo aut butyro, verum sola infusa aqua vice olei frignantur. Lacerti speciem habet hoc animal: itaque serpentibus annumeratur, sed innoxius. Oviedus Histor. natur. Indic. lib. 13. cap. 3.

2. Manati piscis, ab Hispanis, sic in Hispaniola nuncupatus, quod pinnas ad caput & veluti binas manus habet. Animal id gemino in aquis & terris victu, & amicum hominis, ut tali experimento patuit.

Caramataxius Cacicus parvulum unum quondam captum XXVI. annos in Guinaco lacu suis edibus vicino, velut in vinario, panis fragmentis aluit. His allectus piscis adeo cicur evasit, ut Delphinus veterum scriptis celebratos vinceret. Nam quocumque diei tempore inclamatus ab reguli domesticis, Matto, Matto, (ea vox Indis magnificum aut generosum sonat) velut ad familiare signum ex imo advolabat, pastusque è manu præbebat ascensuro dorsum: adeo ut egressus in ripam pastum in ades ventitaret, & cum pueris colluderet. Si qui forte animi gratia lacum transmittere vellent, decem nonnunquam dorso exceptos indefessus transvehebat. & ludicro diu oblectati sunt Indi: donec injuria fugatus, per aliquot dies hominum conspectu caruit. Quum enim Hispanus quidam, experiri volens, an corio tam duro esset, quam vulgo fama ferret, seu per lasciviam, jaculum in eum intorsit. Piscis etsi ab ictu imperforatus mansit, infestam tamen sensit cuspidem: & ex eo simulac barbato homines aut vestitos more nostro animadverterat, frustra vocasset: nec vocatus, nec invocatus veniebat. Tandem cum forte Attibunicus fluvius in insolitam altitudinem crevisset, & extra ripas effusus Guainabo lacu sese immiscuisset ejus alveum secutus facetus ille & sociabilis Matto mare & natales aquas repetiit. Martyr. Ocean. dec. 3. lib. 8.

3. De utroque hoc animali agit Petr. Martyr. Ocean. decad. 1. lib. 9. & 2. lib. 9.



FRANCISCI FERNANDIS ET FRANCISCI MONTEGII IN JUCATANAM

expeditiones. Jucatanensium de Hispanogum dominatu quærelæ.

Fondurensis provinciæ desolatio, & indigenarum
implacabile adversus Hispanos odium.

C A P. XV.

NO s è Nicaraguensis lacus alveo egressi, duabus præterea comitati cellocibus, quæ è Nicaragua onustæ commeatu decurrebant, decimo quinto die ad Nomen-Dei appulimus. Ex ea civitate in occidentem navigantibus & eam oram præterlegentibus, quæ tota deserta est, mille fermè milliarium spatio, provincia Fondurensis occurrit: & trecentis millibus ulterius, in eadem illa ipsa ora, Jucatanæ provincia aperitur. Eam Hispanorum ducum primus reperit Franciscus Fernandes Cordubensis, qui vix dum in terram egressus, pessimè ab indigenis acceptus est. Ergo viginti duobus vulneribus perfossus, & multis Hispanis amissis, ad San-Jacobum Cubæ metropolin spe irrita reversus est.

NON ita multò post, anno videlicet M D X X V I I. Franciscus Montegius, Fr. Montegii in Iucatanam expeditio. audito Jucatanam ditissimam & quæstuosissimam esse provinciam, è nova Hispania solvit, cum titulo Gubernatoris. Is, ubi primum suæ provinciæ littus attigit, cum quingentis Hispanis, multis equis & copioso commeatu: convenere eò velut ad eum visendum aliquot Reguli. Illi, quum amicitiam ipsius appetere simulerent, diu apud eum manserunt: donec occasione exequendi facinoris oblata, eorum unus dereptum è latere armigeri Æthiopis acinacem in Gubernatorem strinxit. Interfecissetque, ni ille rapto properè ferro strenuè vim propulisset. illi nullo alio neque accepto neque illato damno ad suos sese proripiunt. Ab eo Gubernator instructa suorum acie, pluresque in manus dispersa, Indos pluribus simul locis aggredi & quæcunque caperet igni ferroque vastare. Indi quoq; & ipsi fortiter pro aris & focis pugnabant.

Sed ad extremum, postquam continuis novem annorum cladibus attriti, jam propè omnes Regulos & duces amiserant, fractæq; cum animis vires erant, tandem arbitrio & potestati Hispanorum semet permittunt. Itaque Montegius provinciam perdomitam & pacatam, juxta mandata Regia, inter suos distribuit, & unicuique eorum, quorum ope Indos debellaverat, Indicæ unius gentis jus ac ditionem assignat. Inde ad condendas colonias conversus, Hispalim, Emeritam, Salmanticam & alias urbes, extruit, quarum maxima viginti quinque aut triginta fermè domibus habitatur.

*Hispanorum
dominatio In-
dis quavis alia
calamitate
gravior.*

His ita compositis, partim sua, partim militum opera Gubernator quum fortè cum Cacico ejus provinciæ quodam congressus (1, Alquinotepis erat centum amplius ac decem annos vitæ egressus, qui tametsi baptizatus esset, sæpe tamen crebris suspiriis & planctu testabatur, quantum ex eo dolorem caperet, quòd patriam Hispanorum armis subactam cerneret) Is ergo in familiari sermone cum Gubernatore instituto. Montegi, inquit, quondam me juvene, pestifera quædam lues has terras invasit adeò sæva, ut vulgò homines incredibilem vim lumbricorum evomerent. atq; eam calamitatem tanta pestilentia excepit, ut neminem nostrum cladi superfuturum crederemus. Præterea non multo ante adventum tuum tempore, nos cum Mexicanis cruenta duo prælia commisimus, quibus amplius CL. millia hominum cecidere. Sed hæc levia fuerunt præintolerandis sævitix & avaritiæ exemplis, quæ tu ac tui milites in nos edidistis.

Ea regio aspera & ferè saxosa est, fertilis tamen, & piscibus, fructibus Maiziòque abundans. Humanis victimis litant, earum tamen carnibus non vescuntur: apud eos nullæ auri aut argenti fodinæ repertæ sunt: vulgò magna apum examina alunt: bombycis seu gossipii copiam habent: eo penulas sindonum aut linteorum instar texunt, & subuculas sine manicis. Id præcipuum vectigal patronis & principibus suis pendunt: ejusque generis merces Hispani in Mexicum, Cubam insulam, Fondurensem provinciam, aliasque Indiæ regiones distrahendæ dispertiunt.

*Hispani ab-
sumti aut ex-
acti in eos
terras inanes
in Indis obti-
nent.*

PORRO provincia Fondurensis (ut paucis eam absolvam) cum primum Hispanorum armis tentata est, quadringentis amplius Indorum millibus habitabatur: quum verò ibi ego essem vix octo mille supererant. Nam ab Hispanis partim cæsi in præliis, partim in servitutem abducti & venditi, & intolerandis laboribus in fodinis exhauriendis consumti, & propè in solitudinem redacti sunt. Pauci quoque illi, qui hodie supersunt (ut & ab aliis gentibus, quæ Hispanis serviunt, ferè fit) ubicumque locum aliquem asperum, ad habitandum utcumque commodum, invenerunt, tametsi ægrè, eò translatis rebus suis omnes commigravère, ut Hispanorum declinato conspectu quam minimum ipsis oculi doleant: tantam illi earum gentium gratiam & benevolentiam sibi conciliarunt.

IN ea provincia quinque coloniæ ab Hispanis conditæ sunt, quæ omnes simul vix centum & viginti domus continent, easque maximam partem compactas arundinibus, storea & palea contextas, malèque & infrequenter habitatas, quæ colonos allicerent. Caput earum Trugilium seu Turris-Iulia est, Episcopatus sedes, colli modico imposita, vicina mari, quâ Septentrionem spectat. Centum millibus inferiùs Portus est, quem vulgò Porto de Cavalli appellant. Ab eo portu diei unius itinere abest San-Petri civitas in plano sita, montibus vicino, nec procul inde flumen Ullua, & lacus, in cujus medio tumuli quidam terrei, insularum instar, herbis & virgultis confiti, spirantium ventorum arbitrio modò huc modò illuc vagi & stabiles feruntur.

OCTOGINTA millia passuum ulterius Comajaga & Gratia-dei occurrunt, duæ coloniæ à se invicem amplius centum millium intervallo discretæ. Isager frigore aliquantum temperatus, frumenti mediocriter ferax est. Inde pulcherrima & amœnissima: sed jam desolata, vallis Olanchiana sequitur: in qua Hispani San-Jacobum urbem condiderunt. ea viginti circiter domus easque malè habitatas complectitur.

Hic

Hic ut legentium animis cogitandum subjiciam, quàm æquis oculis eæ gentes nos intueantur, hîc rem, quæ mihi cum Indis quibusdam intervenit, lubens referam. Comajagua fortè comite uno Hispano egressus, ad modò dictam civitatem tendebam: jamque quadridui iter confeceramus, nullo humanæ habitationis aut cultus reperto vestigio: quum consumtis cibariis omnibus, quæ ferrebamus, ad exiguum quendam Indorum pagum pervenimus. Ibi quam amicissimè fieri potest, eos rogamus, ut commeatu aliquo nos juvarent: sed neque precibus, neque gratia, neque pecunia ab illis impetrari potuit, ut hospitaliter quidquam nobis facerent aut darent: sed diras imprecantes nobis, quum etiam velut conspectum nostrum abominati in terram despuerent, ut abiremus, denunciabant. Ita excepti discessimus, & eadem die sub vesperam in urbem pervenimus. Ubi quum nullum diversorium esset, in ipsius coloniae ingressu casam desertam nacti eò succedimus, & incœnati substratis pro cubili arundinibus ad capeffendam quietem vertimur.

Indi Christianos ut intestabiles, abominantur.

Mos habebatur in illis regionibus (quo tempore Hispani pro arbitrio, vel potius sine arbitrio & ratione viverent, priusquam Indis sua reddita edicto esset libertas) Hispanos colonos triumphantes atque exultantes gaudio, quum videlicet perpetuam eam temporum ac rerum felicitatem sibi desponderent, obviam ultrò egressos viatorum adventum opperiri: simulque ut peregrinum aliquem adventantem prospexerant, concurrere omnes ad eum certatim, & de eo excipiendo pugnare. Nemo erat, quin eum comiter salutatum, sexcentis benevolentiae signis editis, in domum suam deducere & hospitio accipere cuperet. Nunc verò, longè alia rerum & hominum facies, quoniam non is Indiæ status qui esse confueverat, Ubi aliquem peregrè venientem conspexerint, abdunt se in propinquas sylvas: aut certè jubent dici, Se domi non esse.

Hispani primum liberales, mox res cum fortuna mutant.

ENIMVERO Hispanos quidem etiam reperias, non tantum in ea urbe, sed & in plerisque aliis, qui quamquam clientes & vafalos sibi habeant subjectos, ad eas tamen angustias redacti sunt, ut vix vel panē ad vescendum habeant. Quum enim Indi nullum vectigal pendant patronis & senioribus suis, nisi ex earum rerum genere quas possident: si quis forrè Hispanus populum suum cogere vellet, ut aliud aliquit præter ea pendat, aut subditos duriter haberet, ilicò à Gubernatoribus, subditis illis suis & omni in eos jure privaretur.

1. Idem scribit Gomara Histor. lib. 1. cap. 54. nisi quod pro Alquinotep Alquimpechum vocat, & quidem ejus pagi Antistitem, in quem postea ab Hispanis Emerita colonia deducta est. Porro pestiferam eam luem, octoginta ante adventum Hispanorum annis, per eas terras in homines grassatam, tanta vi exundantibus lumbricis ut viscera ventremque ad exitum rumperent. Bella autem hæc quadraginta antè annis accidisse: atque ob id maximè leues illis eas calamitates visas præ Hispanorum imperio, quòd eos è finibus suis aliquando excessuros minime sperarent.



INDUS QVIDAM MORES

HISPANORUM DEPINGIT. CUR HISPANICUM

jugum Indi acceperint. Nicaraguensis provinciæ descriptio.

Ejus incolarum potus. Saltandi ratio,
Mons flammivomus.

C A P. XVI.

Indorum de
Hispanis sen-
tentia.

Indi ex Hispa-
norum ma is
exemplis, de
omnibus Chri-
stianis judi-
cant.

EGRESSUS è provincia Fondurensi, & ea via peragratiss Chiuluteccæ fo-
dinis, subit provincia Nicaraguæ, ad Australis Oceani oram versa. Eam
regionem cum primùm peregrinabundus obii, apud unum è primori-
ribus ejus oræ Regulis in hospitio fui. Gonzallus is vocabatur, annos jam septua-
ginta natus, & Hispanicam linguam apprimè callens. Is matutino quodam, cum
ipsi fortè assiderem, defixis in meum os oculis, his me verbis affatus est: **CHRIS-**
STIANE, quidnam rei sunt Christiani? Flagrant Maizium, mel, bombycem, pe-
nulam, Indicam mulierem ad concubitum: aurum, argentum petunt. Christiani
operari nolunt, ludificatores sunt, aleatores, pravi & blasphemii. Quum ad Mis-
sam audiendam templum ineunt, de absentibus detrahunt: & alii aliis plagas &
vulnera imponunt. Ad extremum eò evasit, ut concluderet Christianos minimè
esse bonos. Quumque excepissem, malos, non autem bonos, ea facere: tum ille,
UBINAM sunt illi boni? inquit. quippe ipse quidem nondum ullos, nisi malos,
cognovi.

TANDEM finito ea de re sermone, sciscitari cœpi ex eo, quomodo & quam-
obrem Christianos in suos fines ingredi passi essent. is mihi in hanc sententiam
respondit: **VIR** bone (inquit) de eo sic habeto: Quum sparsa de Christianorum
sævicia, per has provincias fama, qui quæcunque adiiissent loca cædibus, incendiis
& latrociniis infesta facerent, ad nos quoque pervenisset, & eos in fines nostros ir-
rumpere velle audivissemus: convocato omnium amicorum nostrorum & socio-
rum concilio, sociatisque consiliis omnes una voce decrevimus, potius mortem
strenuè pugnando oppetere, quàm pati nos à Christianis sub jugum mitti. Eo
constituto, hastas, lapides, sagittas, & quæcunque alia possumus, comparamus.
Quumque jam Christiani finium nostrorum limites pulsarent, ultro illis armati
obviam imus, & bonam diei partem fortiter pugnamus.

AD extremum tamen plerique nostrum impetu equorum perterriti, in fu-
gam vertuntur. Itaque legatos duos ad Christianorum ducem mittimus, veniam
& pacem orantes: neque id tamen alio consilio, nisi ut instaurandis viribus quies
&

& otium suppeteret. Ille nos in amicitiam accipit: nostrum inde complures, dissimulato vero animo, cum cantu & tripudiis, pro iure amicitiae Christianis familiariter assuescere, invisere, & multa auri aliarumque rerum munera illis ferre incipimus: Inde, iis ita inescatis, domos nostras regressi, intra triduum manufacta in Christianos de improvviso irruimus. Sed brevi, ut primo, nostri terga vertere.

ITA de integro, eadem mente & consilio, quo prius, pacem denuo petimus. Qua impetrata, gentium omniumstrarum indicto conventu, communi consilio decernimus, Prius occumbendum esse omnibus, quam ut Christianos dominos acciperemus: ejusque sine ulla veniae aut gratiae spe caput morti devovemus, qui ex acie fugeret. In hujus consilii effectum rursus arma & tela adversus Christianos comparamus & acuimus. Verum conjuges nostrae, hoc nostro proposito audito, lacrymis perfusae ad nos veniunt, supplicesque rogant, ut Christianis servire malleamus, quam ita foedè occumbere. Sin nobis sententia staret, consilia nostra in rem vertere, ut ipsas primum cum parvulis suis liberis interficeremus, ne orbatæ viris in barbarorum istorum & crudelium hominum potestatem inciderent. Hæ uxorumstrarum mixtæ lachrymis preces fregere omnium animos. Itaque victi ultrò arma ponimus, & rapacissimis Christianorum manibus nos nostraque permittimus.

MOX tamen propter injurias & indigna exempla, quæ in nos quotidie edebant, aliquot populi in eos rebellionem moliri ausi sunt: sed tam graves ejus penas Christiani ab ipsis expetiverunt, ut ne infantiam quidem ætati parcerent. Neque eo contenti, alios etiam quamquam infantes, captivos factos, pretextentes nimirum illos quoque adversus se rebellionem cœptare, cruciabant & pro mancipiis sub hasta vendebant.

NOS per ea tempora neque conjugumstrarum, neque liberorum, neque ullius rei nostræ domini ac possessores eramus. Itaque multi rerum tædio, filios ipsi necare, alii laqueis semet suffocare, alia abstinencia cibi ultrò vitam fugere. Donec edictum à Rege Castellæ factum, quo nos in libertatem restituti sumus, tot ac tam intolerandis miseriis ærumnisque finem tandem imponeret. Hic Cacus ille institutum sermonem clausit.

NICARAGUÆ regio non ita ampla, sed fertilis & amœna est: cæterum intolerabili æstu adeo flagrans, ut æstate fervido & fabuloso exurente vestigia solo, nemo nisi noctu iter facere possit. Sex ibi continui menses pluvii, à Majo pluviarum initio facti: reliqui sex menses planè sicci sunt, diesque æquales noctibus. Mellis, ceræ, balsami, gossipii, satis ferax tellus, & suorum fructuum: in quibus pomi quoddam genus ei regioni peculiare est, neque Hispaniolæ, neque ulli alteri Indiæ parti concessum. Pyri nostri specie fermè est: ligno interiore rotundo, nucis crassitudine, & dimidio amplius: optimi & jucundissimi saporis. Arbore ejus generis procera, exiguis foliis vestitur. Paucae vaccæ & suum copia est, ex iis quæ ex Hispania propagandæ stirpi transvectæ sunt. Multi ibi Indorum pagi sed exigui, casae arundineas stipula opertas, modicæ amplitudinis habent. Nullius illic metalli fodinæ sunt: quamquam sub primum adventum Hispanorum indigenæ auro, sed eo ignobilioris notæ & aliis è provinciis allato abundarent. Incredibilis ibi multitudo Psittacorum, seminibus infesta: ac ni Priapeia quædam terricula, quæ Indi ex arundinibus fabricantur, & excussi fundis lapides absterrent eas aves, multò plus detrimenti adferrent.

HISPAN.

HISPANI quum primum eam provinciam subegerunt, propter uberrimam omnium rerum ibi repertam copiam, eam Paradisum Mahumetis nuncuparunt. Duo inter cætera fert hæc tellus, nulli præterea Indiæ regioni concessa, exceptis Guattimalæ, Fondurensis provinciæ & Mexici finibus totóque novæ Hispaniæ tractu. Unum, Pavonum quoddam genus est, qui in Europam translati, vulgò Gallinæ Indicæ vocantur.

Cacavate fructus moneta Nicaraguensis.

Alterum, id quod *Cacavate* vulgò vocant, quod monetæ usum illis præbet. Id fert arbor modicæ magnitudinis, nec nisi calido loco & opaco vivit. Simulac sole tactum est, contabescit. itaq; ferè in sylvis umbroso & humido loco seritur: neque id satis, sed juxta ejus generis arborem, aliam editiorem plantant: quæ simulac adolefcere cœpit, ejus cacumen ita concinnant aptantque, ut adulta ea arbor *Cacavatum* in umbret defendatque ita ab æstu, ut solis radiis lædi non possit. Fructus amygdalorum speciem referens, siliquis quibusdam, velut cucurbitis, includitur, crassitudine & longitudine cucumeris: annuo spatio maturescit. Maturas eas ubi legere, excussum folliculis fructum super storeis expansum ad Solem exponunt, donec humorem exsudaverit.

Potio Nicaraguensis.

POTUM ex eo confecturi, in testa fictili ad focum exsiccant: mox lapidibus quibus pinsitur panis contusum & commolitum, fufumq; in pateras (quæ cucurbitæ specie è certis arboribus per omnem Indiam enascuntur) paulatim aqua temperant, atque interdum paululo pipere, quali vulgò utuntur, condiunt, eoque in potu utuntur.

Quum eam provinciam peragrarem, plusquam integrum annum ab tali lora abhorruì: & cum pagum aliquem prætereuntem Indus me fortè aliquis ad bibendum invitaret, ego verò aspernarer, multum mirans, ridensq; abibat. Sed cum mihi vini copia non esset, ne semper aquam bibere cogerer, alios imitari didici. Ea cœlia sapore aliquantum amaro, satiat & refrigerat corpus, minimè tamen inebriat. Hæc præcipua & carissima merx earum regionum est: neque quicquam aliud Indi majore in precio habent, ubi quidem in usu est.

Nicaraguensis mores.

HARUM gentium mores à Mexicanis nihil propemodum differunt: humana carne vescuntur: penulis & subuculis sine manicis vestiuntur: duorum lignorum mutuo attritu ignem accendunt, & hic mos per universam Indiam inolevit. Et si illis ceræ copia esset, nullius tamen ad rei ministerium ea uti noverant: & ad nocturnum lumen tedas è pinu agresti recisas urebant. Quatuor earum provinciarum sunt idiomata: sed Mexicanum in primis elegans, cujus usus amplius mille & quingentorum millium spatio patet, & facilimè omnium discitur. Regulos & principes (Tutruane) appellant, Panem (Tascal:) Gallinas (Totoli:) & (Ocomaja) valet, Expecta paulisper: Morbum (Mococova:) Saltate, Mitote.

Saltandi ritus apud Nicaraguenses.

SALTANDI porro hic illis ritus & ratio est. Confluunt in unum, ducenti, trecenti: nonnunquam etiam ter & quater mille homines, pro modo & amplitudine provinciæ, & pro indigenarum vel modico vel magno numero: tum ut convenire, campum in quo saltaturi sunt, verrunt & quam mundissimè perpurgant. Mox unus eorum progreditur & chorum ductare incipit, plerumque retrorsum corpus inflectens: interdum circum agens: cæteri omnes, inconditos illos metus imitantes, præfultorem ordine terni & quaterni sequuntur. Choraulæ quæ tympanorum fonitu interim ludum incendunt, carmina quædam & cantos patrios

trios ordiuntur: choragus primus respondet, mox exceptum ab aliis carmen per omnes in orbem decurrit.

Alium flabellum manu gestantem, alium cucurbitam lapillis plenam, alium caput cristis & pennis decorum, alium brachia cruraq; concharum lincis & corollis redimita cerneret. Illi hoc, alii alio modo corpus variè circumagunt: nonnulli crura attollunt, aliqui brachia: alius cœcum, alius surdum effingit: ridet alii, alii plangunt. Cum his aliisq; variis gestibus & motibus corporis, interea sese illo suo Cacavate largè irrigantes, totum diem & sæpe noctis partem tripudiantes, solennes illos choros exercent.

NAVES, quæ per mare Australe Nicaraguam petunt, angustum fluminis cuiusdam alveum in vectæ spatio viginti quinque millia passuum ad quendam pagum appellant (Reallegio ei nomen est.) Ibi duodecim circiter mapalia sunt, ex cannis contexta, & Hispanis habitata: eò autem divertunt naves, propter opportunam stationem & lignationem commodissimam. Ab eo loco in Orientem diei unius itinere abest civitas Legionensis, Episcopatus sedes, ad lacus ripam posita. 2, Franciscus Fernandes eam condidit, sicuti & Granatam, quæ L. ulterius millia ad ejusdem lacus ripam sita est, non procul ab illius emissario seu alveo, quo se lacus in Septentrionalem oceanum exonerat. Hæ duæ urbes simul octoginta domibus constant, quæ partim materia, partim laterculo coctili exstructæ sunt.

Legio & Græ-
nata colonia.

De hoc alveo
supra.

TRIGINTA quinque millia intervallo abest Legione 3, mons flammivomus, qui per ingentem craterem tantos sæpe flammarum globos eructat, ut noctu latissimè ultra centum millia passuum incendia reluceant. Nonnullis fuit opinio intus liquefactum aurum esse, perpetuam ignibus materiem. Itaque Dominicanus quidam monachus, quum ejus rei periculum facere vellet, ahenum & catenam ferream fabricari curat: moxque in montis jugum cum quatuor Hispanis ascendens, aheno in caminum demittit. ibi ignis fervore ahenum cum parte catenæ liquefactum est.

Mons flammivomus.

Empedocles
Dominicanus.

Monachus non leviter iratus Legionem recurrit, fabrum vehementer incutans, qui catenam tenuiorem multò, quàm jussisset ipse, esset fabricatus. Faber aliam multò crassiorē excudit: Monachus montem repetit: catenam & lebetem demittit, res priori incepto similem exitum habuit: nec tantum resolutus lebes evanuit, verum etiam flammæ globus repente è profundo exiliens, propemodum & Fratrem & socios absumsit.

Omnes quidem adeo perculsi, in urbem reversi sunt, ut de eo incepto exsequendo numquam deinceps cogitarent.

IN ea ipsa civitate cognovi Sacerdotem, qui Quæstoris Regii interventu à Rege Hispaniæ per literas petiit, ut sibi ducentos servos dari juberet pollicitus perfosso illorum opera aureo illo monte, ingentes se inde divitias eruturum.

Sacerdos mds
callarius.

Isti Rex rescripsit, montem, si vellet, suo sumtu aperiret. sibi enim non esse mancipia, quæ ad eas fodinas mitteret. Ita inceptum illud omissum est.

I. BALSAMUM (ut inquit Plinius lib. 12. cap. 25.) uni terræ Judææ concessum, pridem perisse creditur. Nunc verò, quod ex India Occidentali adfertur, primum in Hispaniola inventum est, Indicæ mulieris indicio. Arbor unde hic liquor elicitur, Goaconæ ab indigenis vocatur. Ovied. histor. natal. Indic. lib. 10. cap. 3.

Elicitur quoque hodie in nova Hispania ex arbore Punica malo majore, cujus folia

h

urticæ

urticae similia ferrata & tenuia sunt. Indi Xilo vocant. Elicitur autem duobus modis. Primum multis incisuris vulnerato arboris cortice.

Altero ramis & truncis ejus arboris assulatim & minutim concisis, & in lebeti amplissimo servatis: mox oleo supernatante collecto. Id priore ignobilius est. Monar. de simplic. medic. Indic.

2. Is est, qui Fucatanam primus aperuit. Suprà hujus lib. cap. 10. Quem postea Petrus Arias Abulensis, post Castellæ aureæ imperium abrogatū ob Valboæ mortem, Nicaraguæ Gubernator, capitali supplicio affecit, quod clandestino fœdere cum Ferdinando Cortesio inito, occupatam, sponte ipsius, provinciam armis retinere vellet, Sed oblato falso crimine insonem oppressisse visus est, sicuti & generum suum antea, ut sublato æmulo, vacua provincia solus potiretur.

3. Montis illius flammivomi nomen Gomara Masaia, Dominicanus F. Blasius de Ynvesta, edit: scribitq; novum istum Empedoclem & præterea duos Hispanos sciendæ ejus rei causa avidos semetipsos tribus corbibus in Vulcanium illum craterem demisisse, quoad ejus fieri potuit: atque inde lebetem catena ferrea revinctum, ad centum & quadraginta ulnas dejectum, tandem ubi ad flammam pervenit liquefactum esse cum aliquot catenæ annulis. Illos stupefactos tali naturæ miraculo, irrito labore inde profuissse. Ceterum anno MDLI.

Johanni Alvarez Doctori & Decano à Rege concessum esse, ut recluso eo monte metallum erueret. Gomar. histor. gen.

lib. 5. cap. 203.

PETRI





PETRI ALVARADI IN PERUANUM REGNUM EXPEDITIO. EJUS MORS,
& conscientiae in morte dolor. Uxor ejus Deum ipsum
increpans, miro ejus judicio absumitur.

C A P. XVI.

E NICARAGUA in occasum tendentibus, tercentum millia à Legionē, numquam longius ab ora maritima abscedendo, quàm ut ipsum mare conspici possit, pervenitur ad Guattimalam. Eam urbem Petrus Alvaradus, postquam eam provinciam subegerat, inter duos montes condidit, è quibus semper fumus evolvitur: ac duas præterea, San-Michaëlem videlicet & San-Salvatorem, quæ centum millia passuum inter se distant. Jamque hic Alvaradus, perdomita & divisa ea provincia, eaque urbe condita, cum magna pace ac tranquillitate in constituta à se ditione partis opibus fruebatur, quum nuncium accipit, Franciscum Pizarum & Didacum Almagrum, in Peruanum regnum transgressos, incredibiles ibi divitias reperiisse.

Petr. Alvarado jam patris opibus, per avaritiam & ambitionem frui non licet.

De his lib. 3. cap. 1.

Hic permotus, per amicos literas à Cæsare & potestatem transmittendi in illud Regnum, ac cujuscumque vellet ejus partis, quàm modò alii Hispani non infedissent, in ditionem redigendæ coloniisq; occupandæ, impetrat.

INDE anno MDXXXIV. septem navium armata classe è provincia sua solvens, septuagesimo quarto die ad oram Peruanam appellit. Mox in littus Mantæ egressus, ad eam oram, quæ ab Hispanis post Portus-vetus dicta est, ducibus Indis regionis peritis assumptis, ulterius in mediterranea progreditur. Tandem superatis montium quorundam frigidissimis jugis & perpetua nive obrutis (ubi multi Hispani frigore dirigerunt, alii penuria victus cæsis equis famem toleravere) in provinciam Quiton pervenit.

Id ubi Francisco Pizarro allatum, extemplo Didacum Almagrum cum CL. Hispanis adversus eum mittit: qui, si posset, vel eum aditu prohiberet, vel exercitum, quem ille adduceret, precio ab eo licitaretur. Almagrus Tombesium pervenerat: ibi audito Alvaradum numero militum multò se esse superiorem, hostiliter eum invadere non ausus est. Ambo ad Liribambam flumen conveniunt: ibi Licentiatus Caldera pacem inter eos & amicitiam concilians, iubet Alvaradum tradere, quas adduxisset copias Pizarro & Almagro: illos verò vicissim dare Alvarado centum millia aureorum ducatorum, ea lege ac conditione, ut ipse ex eo Regno excedens, numquam deinceps eò regrederetur. Hæc pactus Alvaradus cum quatuor famulis Peruo decedit, & successu lætus Guattimalam revertitur. Paulò

h 2 post

post perlustrandæ ejus oræ in Occidentem, & novas terras quærendi consilium capit: & eo decem liburnicas, myoparones quatuor, instruit.

*Fr. Marcus de
Nizza cum
alii an. 1539
eam peregrina-
tionem
abint.*

EODEM ipso tempore, quo Alvaradus classem adornabat, venerunt Mexicum Dominicanum quidam monachi, peragratis ad Occidentem terris mille amplius milliarius spatio: qui ut ex longinquo revererant, de illis regionibus mira narabant. Vulgarunt inter alia, Sibollam provinciam aliasque terras fertiles, divites, auro cyanis, vulgò Turquinis, gossipio, aliisque dotibus, abundare. Ea relatione moti Antonius Mendoza novæ Hispaniæ prorex, & Ferdinandus Cortesius eodem in regno summus Præfectus-militiæ, suscipiendæ per se aut per legatos ejus expeditionis consilia inter se agitant: sed discordibus invicem animis, quum neuter alteri satis fideret, diversi satis aliò abiere. Cortesius Hispaniam petiit: Prorex Petrum Alvaradum è Guattimala arcessens, quam celerrimè posset, cum suis copiis venire ad se jubet. Is brevi solvens ad Trinitatis portum appellit: & terrestri itinere Mexicum profectus, de suscipienda in Sibollam expeditione cum Prorege transigit. Inde, septingentis militibus conscriptis, armisque, equis, & aliis ad iter necessariis rebus provisis, Mexico ad naves tendit.

Didacum Lopez de Zuniga vocat Gomara.

IN itinere nuncius ei affertur, Indos Xalisci provinciæ incolas adversus Hispanos rebellasse: itaque inde cum maxima copiarum parte ad ferendam suis opem festinat. Ut venit Petrum Zunicam Hispanorum complurium cæde recenti confusum & tristem ibi nactus, ambo ad collem editum, Quem Indi munitum manu infederant, obsidendum properant. Munimentum id erat ejusmodi: totas arbores ramis invicem implicatis & coeuntibus cum ingentibus saxis colligatas, quodam veluti nexu continenti opere juncto, perpetuam sepem hosti objecerat. Simulque ut Hispani erigere agmen in collem & ferociter discurrere cæperunt, Indi horribili clamore sublato, cæsis arborum ramis, compagen operis solvunt. Tum verò prorutis arborum & lapidum cumulis, omnia ingenti cum fragore in præceps deferri, & ingentis magnitudinis saxa per montis prona devolvi tanto impetu, ut maximam subeuntium Hispanorum partem obtinerent. Alvaradus provoluto in eum equo præceps datus, duos intra dies viva concessit. Petentibus à decumbente quid ei maximè doleret, Anima, inquit, vehementer mihi dolet. Mediocri homo statura fuit loquax, perfidus, sævus adversum Indos, beneficiorum immemoratque ingratus, usque adeo, ut vulgò etiam de eo sui dicant, Eum nulli amicorum fidem unquam præstitisse. Postremò incestis nuptiis infamis, quum duas simul sorores in matrimonio habuerit.

*Ambitiosa
& avata ani-
ma cruciatus*

*Velasquez, in
ibollam ex-
ditio.
o thesauro
carbones re-
perit.*

ALVARADO mortuo, brevi, Proregis missu, Mexico ad eam expeditionem abiit Franciscus Velasquez Coronatus cum octingentis militibus iisque equitibus plerisque, cum navibus ad eam provinciam subigendam & habitandam ire abnueret. Ut eò pervenit, pro omnibus divitiis nivis copiam & commeatus penuriam reperit. Itaque multi equi, & Indicorum servitiorum plerique fame absumti sunt. Dux ipse, quum se majores opes inventurum speraret, progredi ulterius statuit. Jamque CL. millia passuum emensus, animalium genus quoddam mediocris magnitudinis, vaccæ forma reperit. Hispani in eorum animalium armenta irruentes, multa mactant & famem expellunt. Inde Velasquez multo frustra ejus oræ peragrato spatio, postquam levibus aliquot præliis indigenas expertus esset, libertatem suam acriter propugnantes, eorum aliquot incensis ac direptis pagis: tandem

tandem spe irrita fatigatus, probrâque ac diros in monachos illos jaciens, qui de ejus provinciæ opulentia tam lætam famam vulgassent, multis amissis Hispanis, pauper & nudus Mexicum regressus est.

Nunc, ut ad Alvaradum redeam, postquam ejus mortis nuncius Guattimalam allatus est, Beatrix de Cueva uxor ejus, fœmina equidem animi impotens, vana & superba, quum Dei Opt. Max. omnipotētiā cum gratiarum actione agnoscere, & immensam ejus bonitatem laudare deberet, in blasphemias voces erupit, dicens, Nihil pejus graviusq; à Deo mali inferri sibi potuisse, quàm quod viro orbata esset. Simul atrari edes & nigro pingi jubens, non cibum, non somnum capere, non solatia ulla admittere sustinuit. Ad hæc laceratis crinibus humi corpus abjicere, multaque alia dicere & facere, quæ mentis compotem non decerent. Inter hæc tamen magnificas & pompæ plenas exequias viro duxit: neq; luctu aut funebribus lamentis impedita est, quo minus primorum civitatis cœtu convocato, se eorum suffragiis Gubernatricem provinciæ designari curaret, omnesque sacramento in verba sua adigeret.

*Divini judicij
n. superbam
& blasphemiam
vana viduam
exemplum.*

*Ambitione
luctu quidem
minuitur.*

SED paulò postquam ea gesta erant, ecce die 8. Sept. quæ Virgini vulgò sacer est anno MDXLI. imber ingentibus procellis effundi incipit: adeo ut circiter secundam noctis horam, quæ alterū ab eo diem sequuta est, Indi quidā Episcopum provinciæ adeuntes (Franciscus Maroquinis vocabatur) ei significarent, se ad radicem eius montis, qui urbi proximè immineret, terribilem quendam sonum & insolitum fragorem auribus accepisse. Episcopus obiurgat eos, Non vos sæpe (inquit) monui, nec eiuscemodi rebus aures præberetis? Jam paulò ultra medium nox processerat, quum repente magna vis aquarum ex eo monte tanto impetu & violentia, torrentium instar erupit, ut saxa ingentis magnitudinis devolveret, quæ mox incussa subiacentibus petris, maiore vi, quicquid obvium esset, proterebant.

SIMUL audiebantur per aërem lugubres ululatus & stridores horrendi: & furvam quandam vaccam multa inferentem damna, & ea loca pervagantem, supersunt, qui viderunt.

Inter multas ædificiorum strages, quas ea eluvio aquarum dedit, primā Gubernatoris domum rapuit: & ea clade periit Beatrix ipsa Gubernatrix cum iis omnibus, quæ cum illa orandi causa (ut fertur) in abditum conclave seu sacrarium aliquod penetrale concesserant. Ad eum modum brevi submersa & concussa repentina vi tota propè illa civitas prostrata est.

Centum circiter ac viginti Hispani utriusq; sexus eo casu periere: nonnulli, qui sub initium ruentis tēpestatis urbe cesserant, perniciem effugerūt. Luce orta, postquam procella conquieverat, vicinis urbi campis Hispani nonnulli debilitati, pleriq; obtriti, alii brachiis, alii cruribus fractis, jacentes reperti sunt: inter ceteros puellula quædam illæsa & sine ulla noxa, sublata est, quam ex Indica muliere Alvaradus susceperat. Neque ex ea stirpe quisquam, præter istam, remansit. Post eam ruinam Guattimala in modica planicie, ubi nunc sita est, instauratur, trium mill. spatio à veteri dissita, ad Ortum: constatq; septuaginta quinque aut octoginta domibus laterculo coctili exstructis, quæ magnam partē tegulis contextæ sunt.

*Guattimala
instauratur.*

IN ea provincia frequentes existere terræmotus experiētia ipsa didici. Quum enim fortè aliquando essem in cœnobio, veteri Guattimalæ vicino (locus is vulgò Almolongadi Basso appellatur) & cum monacho colloquerer, super exiguo

quodam tumulo, terra adeo contremuit, ut campanæ sua sponte sonitum dederint: maceriæ quibus circumseptus erat cœnobii hortus maxima ex parte corruerint: subterranei tubi, per quos aqua ad fontem deducebatur effracti: facellum majus duobus locis fissum hiaret, & aliquot tegulæ in terram deciderent: terramque ipsam omnes hiatu profundo discessuram crederent. Duravit hic terror, quantum recitando Symbolo Apostolico temporis satis est.

CETERUM ea provincia, quia cœlo miti ac temperato subest, frumenti satis patiens est: sed omnium arborum, quæ eò ex Hispania translatae sunt, nulla coaluit præter ficos & Armeniacas malos: verum & ipsarum quoque fructus quum maturescere incipiunt, sub initium videlicet hyemis, tum insipidi existunt.

Duorum à Guattimala dierum itineris spatio, locum maritimo, quem vulgò Izalchi appellant, magna vis Cacavatarum colligitur. Et hæ hodie ferè, sunt Hispanorum, quæ eam provinciam incolunt, opes: earumque maximam partem per Novæ Hispaniæ provincias distribuunt, in quibus, quod id Regnum frigidioris quàm calidioris temperamenti sit, id genus fructus non sufficienti copia colligitur.

PORRO isti Guattimalenses Nicaraguensibus & Mexicanis moribus ex æquo ferè participant. Itaque negotiantur mercatusque & contractus invicem exercent. Ac plerique eorum artes etiam mechanicas didicere. Sunt enim inter eos fabri materiarii, carpentarii, pictores, aurifices, aliarumque opifices artium: & hos Hispani quondam in servitiis habebant, eosque ære emptos varia opificia docuerant: sed quum heri ipsi aliquod laboris sui præmium & fructum ex eorum operadecerpere vellent, tum in libertatem restituti sunt.

QUOTIDIE venalitia sua fora & mercatus exercere consueverunt. merces, ferè sunt esculenta & poculenta, qualia sal, pisces, fructus, cucurbitæ, battatæ, incocti cum ramis ficus indigenæ, & ex iis facta potio ita scitè & honestè mista, ut solus ejus conspectus nauseam mihi ciceret.

Præterea gossipio, penulis, interulis, cristis pennaceis aliisque ejuscemodi, commercia inter se agitant.

I. PETRUS Alvaradus, ut Francisci de los-Corvos, qui à secretis & intimis consiliorum Cæsari erat, gratiam & favorem quæreret, duarum simul sororum incesto matrimonio semet polluit, idque permissu & indulgentia Papæ. Gomara Histor. gen, lib. 5. cap. 109.



INDICARUM GENTIUM

COLOR: VINUM ET FERRUM IN PRECIO

habent. Legendi & scribendi in nostris peritiam mirantur.

Hispanicum jugum excutere cupiunt.

C A P. XVII.

QUOD ad colorem Indicarum gentium attinet, in universum ferè cæreo aut buxæo, & fusco seu ravo, quàm alteri propior est: omniumq; quoscumq; in amplissimis illis provinciis videre mihi licuit, pulcherri-
mi sunt Pariensis sinus accolæ & Valentiolæ provinciæ indigenæ: ii nempe qui in mediterraneis opaca montium incolunt. Cujus rei causam eam esse arbitror, quòd ea loca minus solis vapore torréantur quàm plana: siquidem maritime oræ accolæ subfusco, & velut carnis solè flagrantia ambustæ, colore sunt.

CETERUM omnium rerum, quas Hispani in Indiam transtulerunt, nulla ^{Vinum & ferrum apud Indos rara & cara.} Indis gratior acceptiorq; extitit quam vinum: & quamquam ipsi è Maizio atq; aliis rebus factitia vina & potus moliantur, uti suprà diximus, vulgò tamen dicunt non ita iis, quæ ipsi faciunt, villis ali vires vigoremq; animi, recreari spiritus, ventrem excalescere, nec somnos ita dulces suavesque conciliari, ut illo Castellæ. Ferrum præterea ad ipsos inlatum carum habuerunt: quum nihil ferè olim fabricarentur præter æneas secures, & cultellos è silice. Sed super omnia, noster legendi & scribendi ^{Indi legendi & scribendi usum mirantur.} usus, Indis miraculo fuit. Itaq; quum Hispani literas Indis ad aliquem perferendas dabant, nusquam cogitando assequi poterant, quâ ratione charta alba nigro distincta eloqui posset.

CETERUM omnium gentium ac provinciarum, in quas Hispani subactas hodie imperium obtinent, frequentissimæ & hominum multitudine abundantissimæ hæ sunt, Nova Hispania, & ab ea Jucatan, Guattimala, Nicaragua, & nonnulli Peruani regni tractus.

PORRO quum novum illum orbem quatuordecim annorum spatio, ut suprà dixi, perlustraverim, ac legerim historias, quas Hispani de rebus à se in illis regionibus gestis & suis adversus Indos victoriis scripserunt: plerisque in rebus illos laudibus suis enarrandis modum egressos fuisse exploratum ac compertum habeo. Atque in eo maximè, quum jactant se summa laude esse dignos, quod omnes à se subjectos in India populos converterint, & Christianos fecerint. quod quum dicunt, illos nempe populos à se factos esse Christianos, perinde esse videtur, ac si quis exempli gratia dicat, Panem à pistore bene esse coctum. Attamen cum Chri-
sti

^{Hispani latum searum immodici predicatori.}

^{Gom. lib. 5. hist. gen. c. 10. §.}

sti Domini nostri & Servatoris doctrinam attentè considero: equidem compario plurimum interesse inter nudum nomen & rem ipsam: id est, Christiani tantum nomen gerere, & Christianum re ipsa esse, latè inter se differre.

Peruani Hispanos pro Christianis & filii Dei agnoscere nolunt.

Quo magis id credamus, vel Barbaros ipsos ea de re sententiam ferentes audire operæ precium est. Namin Peruano Regno aliisque multis locis, quantumvis Hispani passim vulgarint se Christianos esse, Dei ipsius & parentis cœlestis filios: tamen ob intoleranda sævitæ exempla, quæ adversus Indos ediderunt, nulla ratione umquam effici aut extorqueri potuit, ut id nomen Hispanis tribuere & agnoscere vellent. Ea nimirum gens multo acriore ac solertiore iudicio, quàm quælibet aliæ Hispanis subiectæ dotata est.

Mexicani quidem & finitimi alii populi, ex quo Hispani primum in eas terras transgressi Christianos se esse dixerunt, eos quoque & ipsi semper ex eo hoc nomine nuncuparunt. Id verò ut faterentur & dicerent, numquam adduci potuere Peruani, sicut ante dictum, & suo loco fusius exponetur.

Indi Hispani cum jugum excutere cupiunt.

Quare, quum extra controversiam sit, quamlibet nationem peregrinæ gentis imperio subiectam, si semet in libertatem vindicare possit, id verò cupidissimè & sine ulla dubitatione facturam: ita Indi haud dubiè, Mexicani præsertim, assiduè dissimulantes excubant, sedulò semper aspectantes, an solitæ naves ex Hispania veniant.

Ac si quid casu Hispaniæ infortunii accideret, sicuti fieri potest (quippe Imperia omnia quantumvis magna & potentia, omnes gentes, populi, civitates & regna, humanorum casuum varietati atque inconstantia, quam vulgò Fortunam vocat, obnoxia esse in perspicuo est) si clades, inquam, aliqua memorabilis Hispaniam affligeret, nec naves commeare in Indiam possent, ut solent: universa quam latè patet India, iugo excusso, rebellaret, atque omnibus Hispanis mactatis solenne agitarete pulum: atque ut à quibusdam monachis accepi, illi ipsi Fratres primi omnium funebre istud convivium suo sanguine imbuerent, quòd perversis indigenarum moribus perpetuò adversentur.

Id verum esse unius rei exemplo probasse sufficiet. Anno MDLIII. quum Guattimalæ essem, eo ipso tempore, quo Galli cum Hispanis bellum gerebant: nec ob metum piratarum, per omnem eam oram spatio quatuordecim mensium appullissent ullæ naves, præter phaselos duos (Galeones vulgò vocitant) Alvari Bazani, quorum alter ad Nomen-Dei, alter ad Villam-riccam, Novæ Hispaniæ portum, applicuerat: jam Hispanorum animos vehemens formido incesseerat, ne Indi ad res novandas spectarent, quòd jam ex Mauris audivissent Gallos cum Hispanis bellum gerere, multaque jam illis damna intulisse.

Indi Gallorum in Indiam expeditionem peroptant, ut ab Hispanis liberentur.

Ipse quidem per eosdem hosce dies, quum in eo loco, quem Almolongam vocant, mulo infra Guattimalam, ubi quondam sita erat vetus Guattimala, cum quibusdam Indis colloquerer: sciscitari ex me unus cœpit, An Galli haberent equos, & ea, quæ faciunt Tau, Tau, quum vellet quærere, an Gallis essent bombardæ, nec posset.

Tum ego excipiens, Habent verò, inquam. Ibi ille suspirium ex imo pectore petiit ducere: & Deo notum est, quid tum haberet in votis. Certè, tametsi monachorum assiduis vocibus illorum aures circumsonent, monentium nequid novare aut movere aggrediantur, quia videlicet Cæsar è Castella innumeram vim Christia-

Christianorum adversus ipsos emissurus esset, à quibus multò inclementius, quàm antea unquam, haberentur: attamen ne his quidem toties iteratis & inculcatis minis impediatur, si idonea & opportuna occasio sese obtulerit, quo minus omnes Hispanos è suis finibus, si modo possint, exterminent.

1. IN DIS principio persuasio erat, epistolas, quas Hispani mutuò ad amicos mitterent, animatas esse & loqui. Cujus rei lepidam historiam narrat Gomara.

Mittebat Hispanus quidam ad amicum duodecim Hutias (id est, cuniculos Indie Occidentalis peculiare) assos, ne æstu corrumperentur. Indum, qui deferebat, quum vel obdormisset fessus de via, vel interquiesset, diutius morantem in itinere fames corripit: tres Hutias absu- mit. Revertitur, literas ab amico illo ad herum referens, quibus ille de novem Hutis ad se missis gratias amico agebat. Hispanus perlectis literis irascitur servo: ille duodecim reddidisse affirmat. Sed quum epistola indicio proderetur, rubore perfusus verum aperit, & suos ea de re populares commonescit, ut sibi à foliis & chartis ejusmodi loquacibus carerent.


Nec dispar est, quod de Brasiliensibus scribit Linius: Quum primò (inquit) in eas terras venissem, verba & sententias aliquas, ut sermoni eorum assuescerem, scribebam, easque mox coram ipsis legebam. Illi præstigias idesse rati, invicem his verbis alii alios alloquebantur: Non mirum istum, qui heri ne unum quidem verbum idiomatis nostri callebat, nunc vi & ope hujus chartæ, quæ illum nostra eloqui docet, ita peritè ea sonare, ut à nobis intelligantur? Navigat. Brasil. cap. 16.

Cæterum apud aliquos Indorum Occidentalium populos literarum usum esse, allati inde libri prodidere. Furis peritus quidam Corales, Darienensium prætor urbanus, ad Regem Catholicum scribens, inter alia retulit, Ad se adductum Indum quendam, qui ab hero fugerat ex interioribus Continentis terris versus occidentem. Is legentem aliquando literas Prætorem conspicatus, mirabundus accurrit, ut videret: dixitque Patronum suum & populares etiam libros habere, sed è foliis arborum simul consutis compactos, cujusmodi à Cortesio è Colluacana in Hispaniam missi sunt. Petr. Mart. Mediol.

Ocean. dec. 3. lib. 10.

INDI





INDI CHRISTIANORUM JUDICES. SACERDOTES ET MONACHI IN

India Occidentali avaritiæ dediti. Indi Hispanorum consuetudine
deteriores fiunt, & Christianam Religionem
ludibrio habent.

C A P. XIX.

QUANTUM ejus gentis rerum, quas maximè in India laboravi, ut scirem, id imprimis intelligere conatus sum, quid nimirum de Fide nostra illi sentiant. Itaque quæcumque ea de re tum ex publicis Monachorum & Sacerdotum quorundam sermonibus didici, tum ex iis, quæ ipse vidi & ab ipsis met Indis audivi, ea nunc exponere operæ precium duco: ut Lectores inde sibi subjiciant, quantum mala nostra opera exemplaque scandalorum apud illòs pariant. Prudentes verò ac sobrios Lectores ante omnia rogo, ut æquum huc & attentum animum afferant, sciântque se verè aurea dicta sententiâsque in primis memorabiles summaq; admiratione dignas hîc audituros.

*Barbavi sur-
gent in judicio
adversus
Christianos
multos, &
condemna-
bunt eos.*

INDORUM plerique ac potissimum Regulorum & principum filii, qui legere & scribere didicerunt, atque adeò Præcepta ipsa Dei, i, quæ bona esse fatentur, idcirco plurimùm mirantur, nos ipsos, à quibus hæc habent, ea non observare, & vulgò ita loquuntur: H E U S tu Christiane, Vetat Deus, ne quis per nomen suum in vanum juret: at tu omni & quidem levissima de causa, assidue juras & pejeras. Jubet Deus, ne falsum testimonium dicamus: vos verò Christiani nihil ferò aliud facitis, & alii aliis detrahitis & maledicitis. Jubet Deus, ut proximum tuum
» tanquam te ipsum diligas: ei que sua debita remittas, ut tua tibi metip si condona-
» ri vis: vos verò planè contra facitis. nam & à vobis malè tractantur, qui minus
» opibus valent, & si quis quid debeat vobis, vos eum in vincula trahendum & con-
» iiciendum curatis: ac quanquam facultatibus careat, tamen ut persolvat, urgetis,
» & rigidè æs vestrum exigitis. Si inter vos sit pauper aliquis Christianus, ne de ve-
» stris facultatibus illi erogetis, remittitis eum ad casas nostras, ut ei eleemosynam
» largiamur.

*Barbavi avaritiam Chri-
stianorum
gravissimè
perant.*

SUNT præterea etiam Indi, qui immodicam avaritiam nostram & furiosam cupiditatem pertæsi, aureum numisma aut bracteâ in manus capiant & dicant: E N Deum Christianorum: propter hoc è Castella in terras nostras venire: pro-
» pter hoc nos subegerunt, vexarunt, pro mancipiis vendiderunt, & multa alia in
» nos nefanda ediderunt: propter hoc bella & prælia inter se agitant, & alii alios
mutuò

mutuò interimunt: propter hoc perpetuò inquieti, alea ludunt, blasphemant, di-
ris se devovent, litigant, furantur, alii aliorum uxores rapiunt. denique hujus gra-
tia nullum sceleris aut libidinis genus prætermittunt.

I P S E Sacerdotem cognovi, Guattimalensi Episcopò inprimis acceptum, qui per illos Indiæ pagos venale vinum circumferens (quamquam id Præsidum & Gubernatorum edictis prohibitum esset) breviorè quàm sex mensium spatio viginti quinque millia Regalium lucratus esset. Sunt præterea monachi, qui pa-
lam & interdum ea flagitia committunt, quæ alios vel noctu perpetrare puduerit. *Monachorum nefanda libidines in India.*
De vitiosis, non de probis hîc loquor: quamquam etiam Franciscanus quidam publicè clamaret, nec Sacerdotem, nec Monachum, neque Episcopum in tota India ullum existere viri boni nomine dignum. Quippe omnes se dedere avaritiæ, atque ubi Indos divitiis abundare intelligerent, eò omnes confluere certatim. ubi verò inopes essent, ea loca omnes fugere. Monachus ille, quum San-Petri esset, Ca-
pitris Fondurenſis urbe, proximum navium trajectum exspectans, ut in Hispaniam transmitteret: propter hæc verba, Superioris sui mandato, captus & Guattimalam abductus est. Ipse quoque Sacerdotes inter se confabulantes & profitentes audivisse me memini, Sed ad quæstum faciendum, non aliam ob causam ex Hispania in Indiam trajecisse. *Veritas odium parit.*

N U N C quod ex Monacho quodam, quum Comajaguæ essem, auditum habeo, referam. Is mihi retulit cognitum à se Indum Reguli cujusdam filium, acutissimi ingenii hominem, qui quum adolescens in ludum itaret, ibiq; legere ac scribere disceret, nemo erat, qui non existimaret eum ita virtute ac doctrina præstantem inde evasurum, ut cæteris vitæ exemplo præiret. Sed ut trigessimum ætatis annum attigit, contra quàm omnes espectarent, inde impurus, nequam & sceleratus rediit. Interrogatus, cur è bono improbus evasisset: Ex quo (inquit) Christianus sum factus, per Dei nomen jurare, & per Crucem & per verba sancti Evangelii: ac per Dei vitam blasphemare didici: eumq; abnego, nec credo. Aleari præterea didici, & verum nunquam eloqui: ensen insuper mihi comparavi ad ciendas rixas: denique, ut planè ritu Christianorum vivam, nihil jam mihi præter concubinam deest, quam brevi me domum ducturum spero. *Indi Hispanorum consuetudine corrumpuntur.*

Q U O D mihi ipsi usu venit, côm memorabo. Reprehenderam fortè Indum aleæ & blasphemii deditum. Ille mihi confestim: Nos, inquit, ex vobis ipsis hæc exempla didicimus. Ac certè qui ita flagitiosè vivunt Indi, ex iis ferè sunt, qui apud nonnullos Hispanos educati, quibus nullum studium est, præterquam alea ludere, blasphemare, & ejuscemodi alia facere, domestica consuetudine eorum moribus facilimè assueverunt. Atque hæc fere sunt miracula & prodigia, quæ Hispani apud Indos edidere.

M U L T I præterea Indi alii reperiuntur, quos si interroges, An Christiani sint? Respondent, se esse: quippe Episcopum signaculo Crucis eorum faciem signasse, & benedictionem suam ipsis impertivisse: se templum ædificasse, atque intus Beatae Mariæ imaginem collocasse, postremò campanam comparasse. Fortè aliquando ipse quum ab Indo sciscitatus essem, An Christianus esset: tum ille: Num tu vis me, inquit, per decem aut duodecim annos servum esse Episcopi, & curare suam mulam? *Christianissimum in frigidis ceremoniis, situm etiam Barbari irrisident.*

A L I I eadem de re interrogati dicunt, Sibi quater aut quinquies caput aqua à

Sacerdote conspersum. Isti tales, simul ut Sacerdotem aliquem aut Monachum venientem conspiciunt, tum confestim obviam accurrentes, Pater, inquit, irrorate mihi caput aqua, quia volo esse Christianus, etiamsi jam aliàs baptizatus fuero. Ita initio ab uno facto, cætera plebs, quo pergat ignara, universa concurrat. Id ferè usu venit iis locis, ubi Indi pauci & pauperes sunt, & inter quos nulli nec Sacerdotes nec Fratres resident. Cæterum inter monachos nonnulli etiam reperti sunt, qui istos baptizare nollent, quum dicerent, Perinde esse Indum baptizare, ut brutum aliquod animal. Alii è Castella in Indiam transgressi, ibique moribus & exemplis tum Hispanorum tum Indorum inspectis, utrosque pariter miserantes, retro in Hispaniam ad sua cœnobìa reversi sunt.

Navig. Bras.
lib. cap. 61.

QVOD facile inter omnes constat, omnium propè Indorum Occidentalium maximè ab humanitate alieni sunt Brasilienses barbari. Quæ tamen sit eorum de Deo notio, quæ laudum & præceptorum Dei admiratio, ex Lelio nostro cognoscere opera precium est. Is ergo de Tovoupi-
namboultnis America gente agens, ita scribit: INTER cætera (inquit) dicebamus illis nos credere in unum Deum creatorem cœli & terræ, qui, ut orbem & quacunque in eo sunt, condidit, ita omnia pro arbitrio gubernat. Illi, ubi hæc audierant, alii alios intuentes, & in hanc vocem (quæ admirationis nota ipsis familiaris est) erumpentes, The, defixi & stupefacti hærebant. Et paulò post: Quum fortè aliquando, inquit, cum aliis Gallis aliquot in quodam barbarorum pago essem, (Ocarentin ipsi appellant) & in aperto & propatulo cœnaremus: confluentes Barbari ejus vici incolæ, majores natu præsertim, cum multis benevolentia signis, circumfusi, neque vel minimo verbo dicentes interfati, nos attentè & tacitè intuebantur, donec peracto convivio, magno natu quidam, quum observasset nos ab hymno cibum auspicatos, hymno quoque cœnam clausisse, accedens, ita inquit: Quid sibi vult hic ritus, quo vos modò usi estis, quum sublati pileis omnes, præter unum, qui loqueretur, silentium tenuissetis? Ad quem pertinebat ea oratio, quam ille habuit? Vestrumne præsentium ad aliquem: an ad absentium? IBI ego opportunè oblatam eam occasionem arripiens, ut apud eos de vero Dei cultu loquerer: quum præter ejus pagi amplitudinem & frequentiam, Barbaros etiam solito attentiores animadverterem: rogare interpretem nostrum, ut suis verbis meum illis sermonem, quoad capere ipsi possent, explicaret. Tum à quæstione senis exorsus, Preces nostras ad Deum dirigi respondi: eumque, et si sub ipsius conspectum non caderet, non tantum liquide audivisse nos, sed etiam quicquid pectore occultum haberemus, id perspicue cognoscere. Inde ad creationem mundi delapsus, in primis laboravi, ut docerem, hominem nobilissimum inter creaturas à Deo esse conditum, ut eò magis celebrandæ opificis sui gloriæ studeat. Ac nos quidem, quod ipsum coleremus, ejus manu infinitis periculis longissimæ navigationis in tam vasto mari eripi: ejusdemque ope fretos, ab omni prorsus Aignan metu (Daemonem ita appellant, à quo subinde vexantur) tum in hac tum in Ventura vita esse liberos. Quare si Caraibum suorum imposturas, & barbarum mandandæ humanæ carnis morem, abjicere vellent, eadem prorsus Dei dona consequuturos, quæ nos habere cererent. Multa præterea de humani generis labe ac ruina, ut eorum animos ad Christum præparemus, subjiciemus: quoad ejus fieri potuit accommodatis ad eorum captum rationibus & exemplis, quæ in præsens fusiùs exsequi supersedeo. Illi cum nos ingenti cum admiratione duas amplius horas per attentè auscultassent: tum unus ex iis autoritate & ætate gravis, in hunc modum disseruit: MIRA equidem, optima & nobis non ante audita, hæc dixistis. Ac vestra quidem oratio mihi in memoriam redigit, quæ nobis sæpe avos nostros narrantes audivimus: nempe jam inde à priscis temporibus & tam multis abhinc Lunis, quot jam meminisse non possumus (quippe illi

illi Lunarum numero aut vicibus, non mensibus atque annis, temporum spatia definiunt) venisse in has terras quendam Mair (id est, Gallum, seu qualibet alia è gente advenam) vestro more vestitum & barbaturum. Atque cum, ut ipsos sub Dei vestri obsequium duceret, eadem oratione apud eos esse usum, qua nos hodie affamini. Sed ut nobis quoque à Patribus per manus traditum est, eos illius verbis fidem adhibere noluisse. Itaque mox successisse alium, qui Ensem, symbolum maledictionis illis traderet. Inde sequuta inter nos bella, neque ex eo mutuis cædibus ali in alios servire desuimus. Nunc vero, postquam diuturno usu his assuevimus, si nunc repente avitum morem exueremus, apud vicinas gentes ludibrio & derisui essemus.

Hic nos summa contentione ac vehementia testari, tantum abesse ut finitimorum ludibriis moveri eos oporteret, ut contra, si summum illum cæli & terræ opificem serio colerent, de omnibus qui ob id ultro molesti essent, victoriam referrent. Postremò eam verbis efficaciam addidit Dominus, ut non multi tantum Barbarorum, ad eam quam ex nobis didicissent legem deinceps vitam composituros, nec caesorum hostium carnes ultra esturos se promitterent: sed secundum hoc Colloquium, positis humi genibus, nobiscum Deo gratias agerent. Ea oratio, quæ ab uno è nostris clara voce in medio eorum cœtu ad Deum concepta fuerat, mox illis per interpretem exposita est: nos ab illis in pensilia è bombyce cubilia, dormitum deducimur. Sed nondum nos somnus corripuerat, quum ecce istos cantantes & conclamantes audimus, Sumendam de hostibus ultionem, & plures quàm antea esse mādendos. En inconstantia miseri hujus populi, & humanæ naturæ triste exemplar. Mihi tamen equidem persuadeo, si Villagagno nunquam à vera Religione descivisset, & nos diutius in illis terris morati essemus, fore, ut aliqui tandem Christo lucrifacerent. Hactenus ille. Unde perspicue apparet, semen aliquod Religionis inesse illis gentibus, sed eas à Principiis illis naturalibus ad absurdissima commenta & scædos mores partim insita Vanitate, partim malis Christianorum exemplis, facilius deficere.





INDORUM PERTINAX

IDOLOLATRIA. DIDACI LOPEZ EPISTOLA,
Ecclesiasticorum & Juridicorum Hispanorum in India
Occidentali mores ac vitia graphicè
depingens.

C A P. XX.



*Indorum per-
tinax Idolola-
tria malis Hi-
spanorum ex-
emplis alitur.*

QUUM Guattimalæ essem, ac sæpe in S. Francisci monasterium com-
mearem, amicitiam cum quodam Monacho contraxi (Franciscus
Betanzus is vocabatur, experiens homo, & multo omnium earum
provinciarum usu, tum Guattimalæ tum Novæ Hispaniæ, peritissimus, qui etiam
duo Indica idiomata apprimè calleret & loqueretur. Quum ab eo aliquando
suam ea de gente opinionem percontarer, præsertim in iis, quæ ad vitam nostram
spectarent: mihi respondit, Eorum ferè tum natu grandes, veteri suæ idololatriæ
pertinacissimè esse affixos, tum maximè Sacerdotes: ac sæpenumero se suosque
collegas supervenisse illis victimas & sacrificia diis suis facientibus. Itaque neces-
sariò eorum filios, ut temporis spatio religionem nostram imbiberent, à parenti-
bus atque avis suis segregandos esse, & ab eorum consuetudine quam diutissimè
removendos: ne illos postquam ex ephebis excesserint, præposteris moribus suis
imbuant. Postremò addidit, eos quoque qui baptizati essent, nihil ferè habere Chri-
stiani præter nudum nomen.

*Hispanus Hi-
spanorum
præfer im Ec-
clesiasticorum
in India mo-
res depingit.*

EX INDE quum inter commentandum (ut fit in penitiores de specialibus re-
bus sermones paulatim delapsi essemus, & ex eo multa tum de moribus Hispano-
rum, tum de earum provinciarum regimine percontarer: atque ille me in rebus
Indicis investigandis curiosum animadverteret: epistolæ cujusdam exemplar, le-
gendum mihi tradidit. Eam Baccalaureus quidem ipsius familiaris, Didacus Lo-
pez de Zunega, ad Episcopum, Præsidentem & assessores Guattimalæ conscripserat,
durius nimirum ab istis coercitus & malè habitus, quod eorum vitia & flagitiosos
mores verbis liberius perstrinxisset. Quum verò eam apertam misisset, descripse-
rat ex autographo Monachus, à quo & exemplum infrà scriptum desumpsi. Ejus
autem sententia hæcerat: Ex quo me fortuna per orbem terrarum agitare cœpit,
Regna aliquot & provincias peragrandò emensus sum, & nusquam non novi ali-
quid & inusitati conspexi. Verum ex quo fors mea permisit, ut in has Indiæ regio-
nes, quæ Auræ appellantur, & virtutis omnis expertes sunt, trajicerem: tot tan-
tæque nequitie exempla vidi, ut neque eis enarrandis lingua mea, nec cogitatio-
ne com-

ne complectendis animus meus, par esse possit. In iis ferè pessimum hoc animad-
ti, quòd inter vos nulla iustitia, nulla virtus, nulla bonitas, nulla castitas superest:
quin omne ævum vestrum studiis partium, simultatibus, perfidia, vanitate, rapi-
nis, diffidiis, invidentia, odiis, aleis, lustris, blasphemis, intestinis bellis, luxu, ava-
ritia aliisque pessimis libidinibus, miserè consumitis. denique qui vestrū opti-
mus habetur, quanto se is cæteris præstare putat, tanto est omnium deterrimus.
Summa quidem cura notavi ac comperi maximam partem vestrum, quotcunque
in Indiam venistis, tales esse, ut non dico cælum atque Angeli, sed terra & Dæmo-
nes ipsi vos exosos invisosque habeant. Ac pro certo habete, quemadmodum tyr-
rannica multa facta per vim perpetrastis, ita Christum permissurum, ut servi o-
mnium per jus evadatis.

Ejus rei exempla & clara documenta si quæritis, historias Græcas Latinasq;
evolvite, Romam caput & decus orbis considerate, Athenas & Spartam, bona-
rum omnium legum ac morum lumina, intuemini, multasq; alias civitates & re-
gna, quorum vix hodie vestigium ullum, ac ne memoria quidem ulla superest. Si
tantæ civitates periere, tot opibus dotibusque florentes, ac tantorum Principum
mentibus viribusque administratæ vobis scilicet talibus, velut eximiis, Deus pe-
percerit? An putatis Dei bonitatem ac patientiam passuram, ut per omne ævi
tempus tantis induti vitiis, & tot sceleribus demersi permaneat? Nonne iudiciis
admodum obtusis & obcæcati estis? Scilicet creditis Indos Christianos futuros,
si vos ipsi non estis, nisi fortè nomine ac titulo tenus? Frustra id quidem. Nam
multò efficacior (mihi credite Domini mei) ad brutas illas gentes fuerit vel unius
diei honesta vita & bonum exemplum, quàm continuæ integri anni lectiones &
doctrinæ. Quid enim refert odoriferas rosas ad plebem ore & lingua spargere, si
mox spinosis malorum operum aculeis illam pungitis & vexatis?

*Barbari bonū
exēplis quā
commodis
verbis magis
moventur.*

NONNULLI dicunt, quod Vestra Sanctitas Dñe Episcopo, satis boni facit: sed
videte, ut bene etiam illud faciat. quippe reperiuntur, qui, & quod alioqui bo-
num est, malè faciant: & Vestra Sanctitas ex eo grege est. Nam quos vestire deb-
batis, eos spoliatis: quod amarum est dulce, quod dulce est, amarum dicitis: men-
daces & falsos diligitis: eos, qui vera loquuntur, odio habetis. aspernamini bonos,
& turpes probrososque honore afficitis: vitiosis favetis, & vexatis honestos. De-
nique de alieno valde liberales estis, de vestro verò parcissimi. Quid dicam am-
plius? Nempe hoc, vos multò ad remigandum intriremi aliqua, quam ad id mu-
nus gerendum, apriores esse: idq; affirmare ausim, Vestræ Sanctitati plus esse: vi-
rium ad tractandum remum, quam virtutis ad gubernandum Episcopatum.

ALII dicunt, quòd Vestra Dominatio multo honore decorata atque hone-
stata est. Sed mementote Senecam dicere, Stultorum laudem à sapientibus haberi
pro argumento infamiæ: quia quicquid stulti cogitant, vanum est: quicquid lo-
quuntur, falsum: quicquid damnant, laudabile: quicquid approbant, malum: &
quicquid laudant, infame. deniq; quicquid agunt & moliuntur, nihil nisi amen-
tia est. Sed laudari & honestari ab iis, qui ipsi honore digni sunt, is demum verus
honus est: summum verò & præcipuum decus, placere Jesu Christo.


CÆTERUM accepi à nonnullis, patientiam, quam in tolerandis ærumnis
meis adhibui, Vestræ Dominationi plurimum admirabilem fuisse: sed, ut inge-
nuè dicam, Vestra admiratio mihi plurimum admirationi fuit. Nam rerum per-

Episcopi hodie
in Papatu
quidvis aliud
sciunt & a-
gent, quam
quod sui mu-
neris est.
2. Tim. 3. 12.

„ peram gestarum pœnitentia & dolore sapientia oritur: sed bene & honestè facto-
rum immodica admiratio, non aliunde manat, quàm ab exiguo iudicio & mino-
re usu: Quippe vos id fugit, Nos cum Christo crucifigi oportere, quantum ad
hunc mundum attinet, si velimus in futuro unâ cum eo æterna gloria perfrui. Vos
ignoratis luculentam illam Pauli Apostoli sententiam in posteriore ad Timo-
theum epistola, Omnes, qui piè vivere volunt in Christo Jesu, in hoc seculo per-
sequutionem passuros. Nescitis, quod corpori damnosum est, id animæ esse utile:
nescitis regnum cœlorum non acquiri cursu taurorum, non lusu arundinum, non
arca inclusorum nummum & auri copia, non servorum fodinas exercentium in-
gentibus familiis (quales Vestra Dominatio multos adhuc habet) non dolis, non
astu, non mendaciis: verum persecutione, infirmitate, carcere, vinculis, pauper-
tate, fame, siti, infamia, ingratiis, exiliis, tormentis, variisque ærumnis, quæ assidue
vitam mortalium obsident & exercent, eò perveniri. Eas verò res, si Vestra Domi-
natio ignorat, quod facile equidem credo, annumerare vosmet potius bestiis,
quàm hominibus potestis.
Multa præterea sunt, quæ à me dici possent, tum de Vestra dominatione,
tum de ipsiſetiam Præsidibus. Sed ejuscemodi rerum tanta est copia, ut verear, ne
me de iis scribere aggressum tempus ipsum & charta deficerent. Quare verbum
non amplius addam. Data Trugilli, 20. die Maji. Anno M D L I I.

Didacus Lopez de Zunegua.

CERA:





CERATUM, INTEGRUM

JUDICEM. HISPANORUM FLAGITIIS

obviam ire studentem, mors intercipit. Judicium
onerosum munus.

CAP. XXI.

QUUM primò ivi Guattimalam, ibi tum præses erat licentiatus Ceratus. Is ille erat Ceratus, qui in Dominicâ edictum Regium de libertate Indorum tulerat, uti superiùs diximus. Eum tunc Cæsar amotû Insulare-gendæ in provinciâ imposuerat: de quo verè hoc possum testificari, numquam in universa India eo meliorem nec sanctiorem fuisse Judicem: nec qui justa edicta mandataque Regia rectius observaret, semper procurando, ne Indi à quoquam Hispano injuria ulla violarentur, aut haberentur duriùs.

SÆPENUMERO suorum contumaciam arrogantiamque expertus, quòd indigenarum salutem procuraret, pertæsusque, optare solebat, ut Deus eum à tam perverso hominum genere liberaret. Dicebatque si Deus trajicere in Hispaniam ipsi concederet, se Regem monere velle, ne deinceps Sacerdotem ullum transmittere in Indiam pateretur, propter flagitia eorum & intemperatissimas libidines. Sed morte præventus, quod in animo habebat præstare non potuit.

ITAQUE successor ei alter Mexico missus est, Doctor Chesada: qui duobus post mensibus, quàm Guattimalam venerat, vita concessit. Quùmque ægrotantem Monachi aliquot consolarentur, dicendo, Domine Præsidens, esto bono & hilari animo, aliâque ejuscemodi pro tempore subjicerent: ille excipiens, Ah qui fieri potest, inquit, ut is hilari animo sit, cui tot rerum ratio ipsi Deo reddenda est?

Hoc dictum memorabile, huic loco inferere operæ pretium visum est, ut inde sibi exemplum sumant Judices & Magistratus: id est, ut perinde judicent de aliis, qualiter à Deo de se judicium ferri volent: atque ita bene subductis sui muneris rationibus ex hac vita exeant, i, ut in futura æternum non plangent,


I. *INSIGNE Ludovici, cognomento Divi, Gallie Regis exemplum in eam sententiam extat. Is enim cum fortè aliquando ex Psalmis Davidis preces ad Deum conciperet, intervenit aliquis, qui pro reo quodam capitalis criminis gratiam peteret. Rex, quasi aliud agens, annuit. Mox verò, quum incidisset in versiculum Psal. 106. ibi: Beati, qui colunt iustitiam in omni tempore: tum protinus revocari jussit eum, cui gratiam concesserat, eamque irritam fecit: memorabili edita sententia, Principem, qui punire potest crimen, nec punit, non minus co-*


ram


ram Deo reum esse, quam si id ipse perpetrasset. Pietatis esse opus non seditia, iustitiam facere. *Annal. Gall.* Sed imprimis memorabilis Olivarii Galliae Cancellarii casus & exitus, Iudicibus documento esse debet. Is quum tristem in pios viros, qui Cabrerius & Merindolii Provinciae oppidis puram religionem exercerent, sententiam latam suffragio suo contra conscientiae iudicium, approbasset: ac postea veritatis cognitione imbutus saepenumero fassus esset cum lacrymis se merito ob id à Deo rejectum: tamen in tumultu Ambosiano praecipuus inter eos Iudices sedit, qui multos pios ac strenuos viros, tyrannico peregrinorum iugo & Regem ipsum & populum Galliae liberare fortius quam felicius molitos, velut perduelles, reluctante conscientia, damnarunt. In iis, quum Petrus Campagnacus, literatus adolescens, ad causam dicendam productus esset: Cancellarius, eo neque audito neque interrogato, Suspendite hunc hominem, suspendite hunc hominem. Quid? suspendite, ait Campagnacus. Facile tibi quidem dictum est. At si tu, ex quo id factus es promeritus, suspensus esses, jam ante triginta annos parvisse corpus, nec tot scelerum minister fuisses. Recordare mecum, quid admiseris, quum Pictavii furi civili operam dares. Num te eo tempore unum è contubernalibus tuis sceleratè interfecisse meministi? atque inde in tantum patris odium venisse, ut ex eo in conspectum suum venire vetuerit? Ac reipsa quidem Arquiuillerius quidam, Olivarii tum socius, perditus nebulo, propter hoc facinus Lutetiae suspensus fuerat. Ad haec verba adeo perculsum memoria facinoris Olivarium fuisse constat, ut obruto mœrore & insania animo, & inde gravi morbo implicitus, horribiliter adversus Deum ipsum fremeret. Tanta interea aegritudinis & horroris vehementia, ut quanquam defecto corpore & assiduus morbis debilitato: phrenetici tamen instar aut robusti alicujus adolescentis totum cubile concuteret. Ita aegrotantem in visit Cardinalis Lotharingius: sed Olivarius, quum suos ejus adventu cruciatus augeri sentiret, facessere properè cubiculò jubens, ne ipsius quidem conspectum pati potuit. Ut verò paulò longius semotum animadvertit, tum altiùs ingemescens in has voces erupit, Ah, ah, Cardinalis, tu nos omnes in aeternum exitium trahis. Tum accedere ad aegrum Cardinalis, & consolando ultrò spiritus ejus mitigare: Eum videlicet tentari, inquit, ab immundo spiritu, sed in fide perstandum esse. Egregiè, inquit, Cancellarius, egregiè, scilicet quasi hac tu credas. Inde aspectum ejus aversatus, & nihilo loquutus ultra, paulò post vita concessit. Inter lentos cruciatus, Annae Burgii senatoris integerrimi (cujus iudicio, Cardinalis praecipiti jussu rogatuque victus, subscripserat) mortem praecipue deslebat. Hac est merces Iudicum, quibus Aulicae gratiae fumus, sua conscientia potior est.

F I N I S.









AMERICÆ
PARS QVINTA.

Nobilis & admiratione plena
Hieronymi Bezoni Mediolanensis
secundæ sectionis Hispanorum, tum in
Nigritas servos suos, tum in Indos crudelita-
tem, Gallorumq; piratarū de Hispanis toties
reportata spolia; Aduentū item Hispanorū
in Nouam Indiæ continentis Hispaniam,
eorumq; contra incolas eius regionis
sæuitiam explicans.
Addita ad singula fere Capita scholia, in quibus
res Indiæ luculenter exponuntur.
Accessit præterea Tabula Chorographica Nouæ
Hispaniæ in India Occidentali.

AD
INVICTIS RVDOLPH. II. ROM. IMP. AVG.
Omniæ elegantibus figuris in aes incisus expressa à
Theodoro de Bry Leod. ciue Franc. A. ch. L. xcv.

RPJCE

210

NIGRITÆ IN SCRUTANDIS VENIS METALLICIS
ab Hispanis in Insulas ablegantur.



A Tritis & penè absumptis continuo labore Hispaniolæ Insulæ incolis, Hispani ali-
unde mancipia conquirere cœperunt, quorum ministerio in perfodiendis monti-
bus, venisque metallicis perscrutandis uterentur. Itaque redemptis sua pecunia, &
accitis ex Guinea Quartæ Africæ partis Provincia mancipiis Æthiopibus sive Nigritis, illo-
rum porro opera usi sunt, donec temporis successu quicquid in ea Insula metallicarum vena-
rum inesset, exhaurirent. Nam ut Lusitani eam Africæ partem, quam ipsi Guineam (incolæ
Genni aut Genna appellant) sibi subiectam reddiderant; singulis annis aliquot incolarum
centurias exteris nationibus divendebant, quæ mancipiorum vicem supplerent.

A 2

Nigritæ

RFJCB

NIGRITÆ EXHAUSTIS VENIS METALLICIS
conficiendo saccharo operam dare debent.


2



Nigritarum ergo opera usi sunt Hispani initio in scrutandis venis metallicis: verum postquam illæ fuerunt exhaustæ, horum ministerio uti cœperunt ad molas trusatiles, quæ sacchariferas cannas comminuunt, ad saccharum coquendum & cogen- dum: in quo ministerio etiamnum hodie magna ex parte occupantur. Nam cum ea Insula humida sit, & calida, minimo negotio saccharifera canna sive arundines succrescunt; ex quibus contusis, deinde in lebetes coniectis, & decoctis, postremum ritè expurgatis & in saccharum concretis, magnum quæstum facere solent. Utuntur præterea istorum Nigritarum opera in pascendis armentis, & reliquis rebus administrandis, quæ necessariae sunt ad suos usus.

A 3

Nigritæ





SED ut extrema quorundam Hispanorum crudelitas est, contigit plerunque ut volentes castigare mancipiorum suorum vel negligentiam in absolvendo penso, aut delictum admissum, aliãve ob causam: cum noctu domum redibant, non præberetur illis cœna, sed indusium (si quod habebant) detraheretur, in humum abjicerentur, & colligatis pedibus manibûsq; nudi cæderentur, vel loris aut funiculis, donec universum corpus sanguine perfunderetur. Hoc peracto, picis libram, vel alioqui ferventis olei olivarum sensim inspergebant in vulnera, denique capsici sive brasiliæ piperis pollinem aqua maceratum illinebant, atque in mensam substratam sive asserem extendebant super injecta mantica aut levitegumento, atque ita relinquebant, donec hero suo satis validi viderentur, ad opus persequendum.

Non desunt tamen, qui alia ratione in sua mancipia animadvertant: nam in hunc modum cæsa, in terram scrobe facta defodiunt, ut præter caput nihil extet, prædicantes se id in mancipiorum commodum facere, ut scilicet humus sanguinem concretum & corruptum dissolvat corpusque integrum conservet. Cæterum si quis pereat (ut sæpe evenit propter doloris vehementiam) liber est herus (secundum Hispanicas leges) si alterum, defuncti loco, Regi donet.

Nigritæ

NIGRITÆ OB HISPANORUM CRUELITATEM
fugiunt, aliquot Hispanos cædunt, sed tandem ab Hispanis
variis suppliciis adficiuntur.

4



Is crudelitibus Hispanorum, irritati Nigritæ nonnulli, secessionem à suis heris faciunt & diffugiunt, atque tanquam desperabundi per Insulam vagantur, ergastula confringunt, suæ nationis mancipia cogunt, quotquot comprehendere Hispanos possunt, cædunt, & in talem numerum excrescunt, ut plurimum negotii Hispanis facessant. Qua re considerata Admiralius Ludovicus Columbus re cum Præside & Auditoribus consilii (quod apud S. Dominicum est) communicata, militem cogit, mancipia persequitur, eorum nonnulla spe libertatis propositâ, ad se allicit & corrumpit, illorum opera, reliquorum diverticula agnoscit; noctu quædam somno sepulta, ut pecudes occupat, cædit, & quædam ad exemplum de arborum ramis suspendi jubet. Ea res initio Hispanis satis commodè quidem cessit, sed mancipia suo malo edocta, diligentiores in posterum adhibuerunt operam in excubiis faciendis, & subinde fuerunt superiora Hispanis.

B

Hispani

RPJCH

HISPANI OCCUPANT GALLICAM NAVEM
pusillanimitate Præfecti navis Gallicæ.

5



PRÆSIDES Regii Consilii in urbe S. Dominici, intelligentes binas naves Gallicas prædamegisse in mari, non procul ab ea urbe, quinque naves instruunt (quarum duæ majores) ad Gallos persequendum. Conspicis tot navibus, Cantabri, qui in altera Gallica erant, metuentes, ne capti supplicio afficerentur tanquam proditores, cum essent subditi Regis Hispaniæ, vela expandunt & fugam capessunt. Præfectus alterius Gallicæ navis, diffidens se solum cum iis, qui in nave erant, tot hostibus posse resistere: auctor est omnibus suis, depositis armis, se in manus dent Hispanorum, contra fremente maxima suorum parte, præsertim eo, qui æneis tormentis præfectus erat, affirmante se quaternis ictibus hostium prætoriam navem depressurum, nec mora, igne injecto tormentum in hostes explodit, eoque ictu hostium prætoriam valde affligit, denique tormentum explodere volenti, navis Præfectus ignem adimit: atque sola ejus pusillanimitate Galli in hostium potestatem veniunt, & ad S. Dominici urbem captivi ducuntur tantâ pompâ ac incolarum lætitiâ, ac si tota Gallia sub jugum Hispanorum venisset. Navis, anchoris, rudentibus, velis reliquoque nautico apparatu exarmata, in altum ducitur & crematur.

B 2 Galli

THE UNIVERSITY OF CHICAGO
LIBRARY

RPJL

2nd

6

GALLI HISPANOS FUGANT, ET URBEM HANAVA
magnâ pecuniâ summa mulctant.



ANNO M D XXXVI. Navis Gallica in Havanæ portum ingreditur: qui in navi erant Galli urbem occupant, eam, ne incendio fœdetur, Hispani septingentorum ducatorum precio redimunt. Galli pecunia accepta, abeunt. Sed cum dolore afficerentur Hispani, unicam Gallicam navem, leges illis imposuisse: postridie, tres onorarias magnas naves, quæ eo appulerant, jubet urbis Præfectus, auro, argento, aliisque mercibus exonerare, & Gallicam navem persequi. Exoneratæ naves portu egrediuntur, singulæ cymbam suam de puppi religatam trahentes. Qui erant in Prætoria Hispanorum navi, quæ reliquas præcedebat, Gallcam assequuti, soli non audent eam aggredi: sed reliquos expectandos censent. Galli animadvertentes hostes nec satis firmo neque confidenti esse animo, primi sua tormenta in Hispanos explodunt. Qua re adeo perturbati fuerunt Hispani, ut abjecta omni sese defendendi cura, in scapham suæ navi alligatam transilirent & fugerent: & scapha pondere depressa quidem fuit, qui verò inerant, natando in terram pervenerunt. Qui in secunda vehebantur navi, videntes prætoriam à suis militibus desertam, similiter fugerunt, & qui etiam in tertia erant: Ista ratione Galli, qui initio sibi metuebant à periculo lætitiâ perfusi, tres eas naves occupant, & cum eo apparatu Hanavam regrediuntur, atque totidem, quæ & prius, aureos à civibus extorquent: deinde abeunt.

GALLI CHIORERAM URBEM OCCUPANT, PRÆDANTUR, 7
& tandem, ob incolarum perfidiam, igne absumunt.



HORERA, quæ in Insula Cuba est, à Gallis occupatur, in qua exiguam prædam inve-
niunt, quia Hispani, aliquoties ante à Gallis spoliati, omnem ferè suppellectilem in
suis prædiis repositam adservabant. Occupatis tamen in conquirendâ prædâ Gal-
lis, bini Hispani mittuntur, qui observarent, quantus esset Gallorum numerus: eo tamen præ-
textu, ut cum illis agerent de captivorum lytro, & oppido ab incendio redimendo, Gallorum
Tribunus sex aureorum ducatorum millia poscit: excusare illi paupertatem, atque si omnes
omnium incolarum facultates in unum conflentur, non posse tantam summam efficere: se
tamen ad Concilium ea, quæ intellexerunt relatu-ros, & postridie responsum datu-ros. Inter-
ea tamen Hispani, perter quorundam sanioris judicii mentem, arma parare, & adjunctis sibi Æ-
thiopibus mancipiis, intempesta nocte in Gallos impetum facere, existimantes illos somno
obrutos oppressuros, quatuor Gallos occidunt, inter quos Tribuni nepotem. Galli tamen
tam inopinato casu non consternati, arma sumunt, tormenta magna picis navalis quàm istie
Præfectus reperit, copiâ, postes ædium, januas, tabulata illinerè atque ignem injicere jubet.
Grassante per urbem incendio, ipse Tribunus templum etiam incendit: tum Hispanus qui-
dam, qui hæc omnia spectabat, Ejâ verò Tribune, annon satis iram expleveras igne in urbem
injecto, nisi etiam Dei templum incenderes? Tribunus torvum intuens, quid ais, inquit, scele-
lestè? an ignoras homines, qui nullam servant fidem, nullo templo egere? Tribunus ergo na-
vem in portum inducens, eam spoliis oneravit, deinde discessit.

Galli

244

GALLI CARTHAGINEM INDIAE CONTINENTIS URBEM
duce Hispano quodam nauta occupant: & idem Judicem ejus urbis
 (à quo verberibus cæsus) pugione transfodit.



EODEM ferè tempore, accidit, ut Carthagine urbe continentis Indiae occidentalis, Judex quidam Hispanus nautam flagris cædi juberet, ob levem quandam causam, deinde illum dimitteret. Nauta regressus in Hispaniam, in Galliam transit, atque inde quinque naves deducit in Indiam usque, quæ ad ostia portus Carthaginensis anchoras fixerunt. Ille admissos in cimbas & scaphas centum viros in terra exponit, cum quibus urbem petit, qui vnâ hora ante lucem adhuc somno oppressos Hispanos aggrediuntur, januâs effringunt, & ædes occupant magna ex parte ligneas, aut ex arunbinibus concinnatas, frondibusq; palmarum tectas. Hispanus nauta comitibus aliquot Gallis ædes Judicis, qui illum flagris cædi curaverat, ingreditur, ipsumq; repetitis vulneribus pugione confodit, interea dum reliqui per urbem vagantur & prædantur. Maxima pars Hispanorum fugâ salutis suæ consuluit, aliqui cæsi, reliqui capti: eaq; ratione capta fuit urbs Carthago, spoliata, & tandem incendio absumpta. Ferunt ex præda & eorum, qui capti fuerunt redemptione, plura quàm centena quinquaginta ducatorum millia, eos, qui urbem occupant, reportasse.

C Hispani

RECE

HISPANI STRATAGEMATE QVODAM INDOS IN
Infula Cubagua adversus Gallos incitant.

9



SED ut finem tandem faciam in recitandis prædis quas Galli de Hispanis retulerunt, aliud exemplum adhuc addam. Cum unionum piscatio ferueret in Cubagua infula, fortè eò appulit navis Gallica: Hispani illico ea conspecta, bynas cymbas illius regionis Indis implent arcubus & sagittis egregiè armatis, eosq; ablegant ad Gallicam navem, illis persuadentes hos qui navi veherentur, impuros esse Sodomitas, quos nisi perdere studerent, brevi excensionem facturos, atque iis perinde atque mulieribus abusuros. Indi nulla alià disquisitione facta, cymbas versus navem remis impellunt. Galii conspicientes eos ad se venire, nudos istos viros contemplabantur, æstimantes fortè eos vel spectandorum ipsorum causa, vel commutandarum, cum aliis mercibus, margaritarum gratiâ advenire. Sed Indi viciniôres facti, sagittis illos petere cœperunt atque aliquos vulnerarunt. Galli animadvertentes vulnera quæ acceperant lethalia esse, quod sagittorum spicula toxico fuissent illita: sine mora subductis anchoris & sublatis velis inde recesserunt, Nec, ut fertur, unquam in posterum ulla navis Gallica ad istam insulam accessit. Hoc stratagemate Hispani, qui in magno metu erant, Gallos à se pepulerunt.

C 2

Qua

QVA RATIONE INDI SUA COMMERCIA
& negotiationes exercere soleant.

10



PROVINCIAE Carthaginis incolæ abundant fructibus, piscibus atque aliis rebus ad vitam traducendam necessariis. Arma sunt sagittæ toxico illitæ. Merces quas commutare solent, sunt sal, pisces, piper quod in alias continentis oras eo carentes deferunt, & cum aliis rebus commutant. Olim cum illa regio pace frueretur, magnæ erant & frequentes nundinæ frumenti, fructuum, Xyli, pennarum, chlamidum ex pennis confectarum, monilium aureorum, varii generis gemmarum, smaragdorum, mancipiorum, & aliarum rerum istic nascentium: & in istis commerciis singuli duntaxat quæ ipsis erant necessaria, pro commutatione suarum mercium, sine ulla avaritiæ aut cupidinis nota sumebant: alter alteri dicentes, cape tu hoc, illud verò mihi da. Nihil porro apud illos majore est in præciò, quàm cibus & potus. Verum quidem est, nunc magnam istarum nationum partem nostro exemplo edoctam, opes magni facere occupasse: sed tamen in plerisque remisit & deferbuit istud desiderium:

C 3

Quara-

THE HISTORY OF THE
CITY OF LONDON

The City of London is one of the most ancient and most populous cities in the world. It is situated on the River Thames, and is bounded by the River to the south, and by the River to the east. The City is divided into four wards, and is governed by a Mayor and a Court of Aldermen. The City is famous for its many churches, and for its many famous men. The City is also famous for its many famous buildings, and for its many famous streets. The City is a very important city, and is one of the most important cities in the world.

MS. A. 10. 1. 1.

The City of London is one of the most ancient and most populous cities in the world. It is situated on the River Thames, and is bounded by the River to the south, and by the River to the east. The City is divided into four wards, and is governed by a Mayor and a Court of Aldermen. The City is famous for its many churches, and for its many famous men. The City is also famous for its many famous buildings, and for its many famous streets. The City is a very important city, and is one of the most important cities in the world.

QVA RATIONE INDI IN BELLVM
progrediantur.

11



VALLIS Tunix, vicinorumq; locorum incolæ, Solem pro summo numine habent, & eum adorant. Proficiscentes in bellum, illustrium quorundam strenuorumq; virorum, qui apud eos olim vixerunt, ossa & sceleta de porticis vel arundinibus suspendunt, atque pro signis militaribus circumferunt, ut eorum aspectu incitati, majore animo cum hostibus congrediantur. Arma sunt lanceæ ex palma, & enses lapidei. Defunctos regulos suos sepelire solebant adjectis monilibus aureis, smaragdīs, panē & vino: & Hispani sanē dītes & opulentas sepulturas istic repererunt.

MAGNI autem illius fluminis quod inter Carthaginem & S. Martham labitur, accolæ, ut etiam San-Marthani, Caribes sunt, & sagittarum cuspides lethifera quadam herba illinunt. Strenui sunt, arrogantes, feri, & vindictæ cupidi. Ad bellum profecturi gestabant suum idolum Chiappam, tanquam propugnatorem & auctorem victoriarum, cui ante prælium mancipiorum liberos, vel quos cepérant hostes immolabant, totumq; sanguine cæforum inficiebant, ipsorum verò carne torrefacta vescebantur. Victoria potiti, alacres recubant atque crapulæ indulgebant, hostium sanguine suum idolum illinentes. Victi verò, tristes redibant, novisque sacrificiis idolum placare studebant, victoriam ab eo postulantēs.

Merca-

THE HISTORY OF THE
LIFE OF

[Faint, illegible handwriting, likely bleed-through from the reverse side of the page.]

RFJCB

[Faint, illegible handwriting, likely bleed-through from the reverse side of the page.]

214

MERCATORES QUIDAM CUM DEESSENT ILLIS CIBI,
quibus vescerentur in regione vasta, noctu ex insperato quorundam
Indorum mapalia ingredi coguntur:

12



ACHLA in sinu Uraba sito oppidulo Hieronymus Benzo cum mercatoribus quibusdam mulas ad Panamam perducētib, terrestri itinere proficiscitur, adscito sibi itineris indice, & mancipiis, quæ mularum curam agerent, atq; com meatu ad taleiter (quantum æstimabant) necessario. Sed cum obviarum difficultatem diutius opinione in itinere hærent, & absumptis cibariis multum itineris adhuc restaret, nec in desertis illis, cultis tamen aliquando, locis, quidquam invenirent, atque mercatores mulam unam mactare constituisent, cujus carnibus in reliquo itinere vescerentur: fortè è vertice montis fumum in convalle conspiciunt. Quàm exhilarati fuerint ea re, quilibet cogitare potest: sed nocte intempesta, tuguria demum accedere visum est, ubi fumus fuerat conspectus, ne Indi ipsis animadversis diffugerent, metuentes, ne in servitutem traherentur. Descendunt itaque ad medium montem & istic magnam noctis partem hærent, deinde ad tuguria perveniunt. Indistrepitū expergefacti atque eos videntes magna voce Guacci Guacci in clamant (animal, id est, quadrupes noctu oberrans & prædam quærens) illo nomine Christianos appellantes, & reliquum noctis ejulatu & ululatu complent. Christiani quacunq; ratione eos placare student, atque significant, Regio edicto sancitum, ne amplius in servitutem traherentur: atque ita panem, pisces, fructus, aprugnas carnes nacti sunt ad reliquum iter conficiendum.

D

Benzo

204

BENZO CVM COMITIBVS, PREMENTE FAME TESTUDI-
 nes venatur secundum littus, quæ in ea regione prægrandes sunt.



DI EGO Gottierrez præficitur à Carolo V. Cæsare Carthagini provinciæ continentis opulentissimæ: eò appellens, Cacicos, munera adferentes æstimata circiter septingentos aureos impuriore auri, comiter excipit, & unde id aurum accipiant, quærît, Procul inde peti & erui ex asperissimis montibus referût, deinde domum abeunt, aliquos ex suis subditis interdum ad Præfectum Hispanum ablegantes cum ferina carne, piscibus & fructibus. Sed cum rarò id fieret, & milites videret quotidie commeatum imminui, eum deferunt, solum cum nepote quatuor famulis, & nauta, reliquentes. Rebus suis diffidenti Præfecto, Tribunus Bariento cum navi militibus & cõmeatu onusta advenit. Eum cum militibus & commeatu recipit: navem verò ad nomen Dei remittit, cui nepotem Alphonsum de Pisa suum nepotem præficit, subsidii majoris adducendi gratia. Alphonsus de Pisa subsidium militum, inter quos Benzo erat, adducens, magnis tempestatibus excipitur, ita ut cogeretur navem ex iis locis deducere, atq; ad littus aliquot appellere, in quo reperirent Indos & aliquem commeatum. Excendunt igitur & octo dierum emenso itinere, cum nihil nisi sylvas, paludes & asperissimos montes invenerint, regredi coguntur terrestri itinere, littus maris legentes, in quo nihil, quod ederent, repererunt, præter agrestes quosdam fructus & cochleas: tandem tamen ad Præfectum Gottierrez pervenerunt: sed navis, qua vecti fuerunt, vicesimo demum post die apparuit, quam illico Præfectus ad nomen Dei remisit, ut plures milites devehèret. Dum istic herent navis reditum expectantes, testudines, quas istic repererunt, prodigiôsæ magnitudinis venati sunt, quadrimestri enim spatio magna quantitate in littore reperiuntur, quia istic in arena ova ponunt instar Crocodillorû, quæ deinde solis tepore excluduntur. Earum testudinum partem dum recentes erant, absolvebant, partem in dolis ad conservandum, sale condierunt, sed eæ brevi corruptæ: pinguedinem tamen earum liquefactam fictilibus adservarunt.

D 2 Diego

THE NEW YORK PUBLIC LIBRARY
ASTOR LENOX TILDEN FOUNDATION
1900

RPJ

274 -

DIEGO GOTTIERREZ PRÆFECTUS HISPANUS CACIQVOS 14
 seu Regulos Sueré, Chiuppa atque alios, qui salutandi gratia advenerant,
 ad prandium invitat.



PRÆFECTUS Gottierrez cum omnibus militibus a Iverso flumine navigat circiter tri-
 ginta milibus passuum à portu, & regionem Suerensium ingreditur: excensione facta,
 divertit in ædes Reguli ejus provinciae, quæ erant ovali figura constructæ quadragin-
 ta quinque passus in longitudinem, & paulò pluribus novem in latitudinem, patètes circumse-
 ptæ arundinibus, & palmarum frondibus satis artificiosè contextis. Istic hærentem, Dominus
 Sueré, & Chiuppa, aliiq; Cicaci, salutatum adveniunt, & fructibus quibusdam duntaxat illum
 donant. Ille miratus auri nihil esse allatum per interpretem Hispanum, qui mediocriter Indo-
 rum idioma callebat & intelligebat actiones eorum, significari jubet, hanc ob causam se eò ve-
 nisse, ut res magni momenti cum ipsis conferret, quæ magnopere illos consolarentur, atq; ut se-
 cum pranderent, retinuit, mensæq; admovit cum Sacerdote & interprete: sed Indi toto eo pran-
 dio vix cibum gustarunt, quia nihil adpositum erat præter gallinaceos pullos, & firillam sale con-
 ditam, cibum illis insuetum: atq; quando illis quidpiam adponebatut, dabant id suis ministris
 penes eos humi sedentes atq; illi porro, ridentes, canibus objiciebant. Sumpto prandio, Præfe-
 ctus hujusmodi orationem ad eos habuit. Veni in has regiones, amici carissimi, ad extirpandam
 idololatriam, in qua hætenus vos Satan destinavit, & docendum veram salutis animarum ve-
 ritatum viam. Jesus enim Christus Dei filius & noster Salvator è cælo in terram descendit, ut
 genus humanum redimeret, quemadmodum intelligetis ab hoc Sacerdote, qui nullam aliam
 ob causam ex Hispaniis venit, quam ut vos instrueret in fide & religione Christiana. Itaq; præ-
 parate vestra corda ad excipiendam legem Divinam, & vos subjiciendum Imperatori Carolo
 Regi Hispaniæ & orbis Monarchæ. Illi taciti attentè hæc audierunt & caput inclinarunt, quasi
 annuerent, deinde domum reversi sunt.

RP 2

212

15

PRÆFECTUS HISPANUS CACIQVOS VINCULIS
adstringit, & succenso igne se eos crematurum minitatur,
nisi corbem propositam sexies auro expleant.



DOSTRIDIE Præfectus Hispanum militem comitibus duobus Indis ablegat ad binos Cacicos ex altera fluminis parte habitantes, iisque significari jubet, ad se illico veniant, fide data, nihil sinistri illis eventurum: parent, licet inviti (erant verò ii ipsi, qui Præfecto in eam regionem primum adveniēti, septingentos aureos doharant) Præfectus eos in penit deduci jubet, atque eorum cervicibus cathenas injici, deinde in suum cubiculum productos ad spondæ postem religari, substratis noctu foliis supra quæ recubarent. Quærit ab illis, quid sale & melle factum, quæ vicino loco defoderat: negant se scire, Præfectus irascens, ait sibi restitui velle minacibus verbis utens: junior illorum, cui nomen Camachiré, perterritus, aurea vasa donat, in suum, tygridum, piscium, avium, alteriusque generis animalium formam conflata, & pendentia plures quam bis mille aureos: Sed id exiguum præ eo, quod præfectus cupiebat: magnam igitur lignorum struem incendi jubet, atque illum ipsum Camachiré ad se adduci: magnum deinde corbem inferri, quem nisi intra quatrimum sexies auro expleat, vivum flammis injecturum minitatur. Ille metuens pollicetur se, quæ Præfectus imperaret, facturum: verum nocte quadam perfractis vinculis effugit. Propter eam fugam, tanto dolore affectus est præfectus, ut in morbum incideret: sed nondum rectè à morbo recreatus, alteri Cacico appellato Corori, minitatus est, nisi aurum petiitum adferri iuberet se illum mactaturum. Id cum sæpius minitaretur, & semper constanter negaret Cacicus sibi aurum esse, Præfectus ira exardescens, tu me ludibrio habes, ait, at nisi curaveris aurum, quod peto, te canibus lacerandum obiciam. Ille imperterritus, tute me, inquit, ludibrio habes & mendaces, qui toties mortem minitatus, non me tamen necas. Sed illud intelligere nequeo, quod genus hominum sunt Christiani, qui quacunq; iter faciunt, tot scelera perpetrant, seque mirari ait, terram tales pestes sustinere.

Moli

THE UNIVERSITY OF CHICAGO
LIBRARY
540 EAST 57TH STREET
CHICAGO, ILL. 60637

RPJG

The following is a list of the names of the persons who have been
admitted to the University of Chicago since the year 1892. The
names are arranged in alphabetical order, and the year of admission
is given in parentheses after each name. The names of the persons
who have been admitted to the University of Chicago since the year
1892 are as follows: (The following names are arranged in
alphabetical order, and the year of admission is given in
parentheses after each name.)

eorum cædunt : tandem tamen fugantur. Sed à recentibus Indis
oppressi denuo vincuntur, accepto tamen subsidio, qui ex
prælio incolumes evaserant, discedunt.



NON in Hispanos annonæ inopia per desertaloca iter facientes, è sylva impetum faciunt, Præfectum eorum cædunt, atque Hispanos etiam nonnullos. Commissa tamen per quadrantem penè horæ partem pugna, in qua etiam multi Indi ceciderunt, reliqui fugæ suæ salutem consuluerunt: Advenientibus tamen novis subsidiis Hispani jam defessi præliando, partim cæduntur, partim fugæ præcipiti periculum evadunt, donec in Alphonsum Pisanum viginti quatuor Hispanos adducentem, ut Præfectum quærent, inciderent. Simul juncti ad mare iter instituunt, ut ex his periculis se subducerent: interea magna hostium turba fit illis obviam, armatorum gladiis, scutis, balistis, quas Hispani cæsis ademerant. Illi autem saltantes, ut acclamabant Hispanica lingua, cujus eorum nonnulli erant periti, Accipe aurum Christiane, accipe aurum. Animadvertentes tamen Christianos non contemnendo esse numero, terga verterunt. Christiani tandem non sine maximis difficultatibus ad mare pervenerunt. Ceciderunt in iis congressibus triginta quatuor Hispani & duo Nigritæ, atque soli sex evaserunt. Ex Indis verò qui quater milleni fuisset æstimabantur, longè plures cæsi sunt.

E Ferdinand-



FERDINANDUS Sotto Floridæ præfecturam adipiscitur, in qua perveniens, vagari cœpit nunc in hanc, modo in aliam ejus Provinciæ regionem, magnas opes sibi pollicens. Dum ita vagatur, in quosdam forte fortuna Indos incidit torquibus & aliis aureis monilibus è collo suspensis ornatos. Interrogati unde aurum illud peterent: responderunt ex aliis regionibus procul inde dissitis. Ille existimans Indos id responsum dedisse, ut eum è sua provincia pellerent (sciebat enim Indos quid Hispani perquirerent non ignorare) nonnullos ex iis comprehendi & torqueri jubet, ut dicerent, unde illud aurum haberent: Sed inter reliqua crudelitatis exempla, quæ vir ille in miseros istos homines exercuit, id silentio minimè præmendum duxi. Quindecim Cacicos semel comprehendi jussit, minitatur se vivos crematurum, nisi ipsum docerent, unde aurum, quod gestabant, haberent. Illi tam durâ sententiâ exterriti, pollicentur se intra octidui tempus eum deducturum ad locum quendam, unde quantum vellet sumere posset, ignari tamen, vel quid dicerent, vel quid promitterent. Sotto illos circumducit, ad quærendam hanc auri venam. Duodecim dierum itinere confecto, cum nulla vena, nullum auri vestigium appareret: Sotto delusus, adeo excanduit adversus miseros istos Cacicos, ut manus illis præscindi mandaret, deinde abigeret.

THE HISTORY OF THE
CITY OF LONDON



RPJC

The first of these is the fact that the city of London was founded by the Romans in the year 43 AD. The second is the fact that the city was the capital of the Anglo-Saxon kingdom of Mercia in the 7th century. The third is the fact that the city was the capital of the Anglo-Norman kingdom of England in the 11th century. The fourth is the fact that the city was the capital of the Plantagenet kingdom of England in the 12th century. The fifth is the fact that the city was the capital of the Tudor kingdom of England in the 16th century. The sixth is the fact that the city was the capital of the Stuart kingdom of England in the 17th century. The seventh is the fact that the city was the capital of the Hanoverian kingdom of Great Britain in the 18th century. The eighth is the fact that the city was the capital of the United Kingdom in the 19th century. The ninth is the fact that the city was the capital of the British Empire in the 20th century. The tenth is the fact that the city is the capital of the United Kingdom in the 21st century.

2nd

PETRUS ALVARADUS, ABSENTE CORTESIO MEXI- 18
canos sua festa celebrantes strictis gladiis cædit, atque monilia,
quibus erant ornati, detrahit.



ERDINANDUS Cortesius in Mexico admissus à Rege Montezuma, intelligit Pamphilum Narvaez cum nongentis Hispanis missum, ut ipsum inde expelleret. Sed adversus Narvaez proficiscitur, relicto Petro Alvarado suo Tribuno cum ducentis quinquaginta militibus in Mexico, præsidii causa. Profecto Cortesio, accidit, ut magnus Indorum Nobilium numerus cum aliquot ex promiscua plebe festum quodpiam celebrarent, per urbem discurrentes, saltantes & canentes. Milites Hispani egressi, ut hanc pompam spectarent, animadverterunt Indos egregiè ornatos monilibus & divite alio apparatu, itaque detestanda avaritia capti, nulla honesti ratione habita, ipse Alvaradus cum maxima Hispanorum parte, strictis gladiis, saltatores istos nihil simile metuentes, adgre-
diuntur, plerosq; cædunt, & suis ornamentis spoliant. Mexicani autem arma corripientes, magnam Hispanorum partem occiderunt.

E 3 Franciscus

THE HISTORY OF THE
LIFE OF THE
LORD OF THE

RPJ

The first of these is the
Lambertine. The second is the
Lambertine. The third is the
Lambertine. The fourth is the
Lambertine. The fifth is the
Lambertine. The sixth is the
Lambertine. The seventh is the
Lambertine. The eighth is the
Lambertine. The ninth is the
Lambertine. The tenth is the
Lambertine. The eleventh is the
Lambertine. The twelfth is the
Lambertine. The thirteenth is the
Lambertine. The fourteenth is the
Lambertine. The fifteenth is the
Lambertine. The sixteenth is the
Lambertine. The seventeenth is the
Lambertine. The eighteenth is the
Lambertine. The nineteenth is the
Lambertine. The twentieth is the
Lambertine. The twenty-first is the
Lambertine. The twenty-second is the
Lambertine. The twenty-third is the
Lambertine. The twenty-fourth is the
Lambertine. The twenty-fifth is the
Lambertine. The twenty-sixth is the
Lambertine. The twenty-seventh is the
Lambertine. The twenty-eighth is the
Lambertine. The twenty-ninth is the
Lambertine. The thirtieth is the
Lambertine. The thirty-first is the
Lambertine. The thirty-second is the
Lambertine. The thirty-third is the
Lambertine. The thirty-fourth is the
Lambertine. The thirty-fifth is the
Lambertine. The thirty-sixth is the
Lambertine. The thirty-seventh is the
Lambertine. The thirty-eighth is the
Lambertine. The thirty-ninth is the
Lambertine. The fortieth is the
Lambertine. The forty-first is the
Lambertine. The forty-second is the
Lambertine. The forty-third is the
Lambertine. The forty-fourth is the
Lambertine. The forty-fifth is the
Lambertine. The forty-sixth is the
Lambertine. The forty-seventh is the
Lambertine. The forty-eighth is the
Lambertine. The forty-ninth is the
Lambertine. The fiftieth is the
Lambertine. The fifty-first is the
Lambertine. The fifty-second is the
Lambertine. The fifty-third is the
Lambertine. The fifty-fourth is the
Lambertine. The fifty-fifth is the
Lambertine. The fifty-sixth is the
Lambertine. The fifty-seventh is the
Lambertine. The fifty-eighth is the
Lambertine. The fifty-ninth is the
Lambertine. The sixtieth is the
Lambertine. The sixty-first is the
Lambertine. The sixty-second is the
Lambertine. The sixty-third is the
Lambertine. The sixty-fourth is the
Lambertine. The sixty-fifth is the
Lambertine. The sixty-sixth is the
Lambertine. The sixty-seventh is the
Lambertine. The sixty-eighth is the
Lambertine. The sixty-ninth is the
Lambertine. The seventieth is the
Lambertine. The seventy-first is the
Lambertine. The seventy-second is the
Lambertine. The seventy-third is the
Lambertine. The seventy-fourth is the
Lambertine. The seventy-fifth is the
Lambertine. The seventy-sixth is the
Lambertine. The seventy-seventh is the
Lambertine. The seventy-eighth is the
Lambertine. The seventy-ninth is the
Lambertine. The eightieth is the
Lambertine. The eighty-first is the
Lambertine. The eighty-second is the
Lambertine. The eighty-third is the
Lambertine. The eighty-fourth is the
Lambertine. The eighty-fifth is the
Lambertine. The eighty-sixth is the
Lambertine. The eighty-seventh is the
Lambertine. The eighty-eighth is the
Lambertine. The eighty-ninth is the
Lambertine. The ninetieth is the
Lambertine. The ninety-first is the
Lambertine. The ninety-second is the
Lambertine. The ninety-third is the
Lambertine. The ninety-fourth is the
Lambertine. The ninety-fifth is the
Lambertine. The ninety-sixth is the
Lambertine. The ninety-seventh is the
Lambertine. The ninety-eighth is the
Lambertine. The ninety-ninth is the
Lambertine. The hundredth is the
Lambertine.



NNO MDXXVII. Tribunus quidam Hispanus, cui nomen Franciscus de Montejo, intelligens Provinciam Lucatan valde esse opulentam, discessit è nova Hispania ornatus titulo Præfecti ejus provinciæ; cum quingentis Hispanis, non contemnendo equorum numero, & commeatu necessario. Advenientem quidam Cacici ejus regionis salutatum venerunt, simulantes se fœdus & amicitiam cum eo contrahere velle: utq; id illi facilius persuaderent, satis longo tempore in ejus comitatu hæserunt, donec unus illorum captata occasione, Præfectum acinace, quem Nigritæ cuidam ademerat, ferire tentaret, ut occideret. Præfectus, fortè conjiciens quid Indus demoliretur, stricto gladio sese defendit. Indi autem cum viderent irritos fuisse suos conatus, sese in fugam conjecerunt nullo illato, aut accepto alio incommodo. Sed Præfectus milites suos in ordinem cogens, diversis locis regionem illam invadit; omnia cæde & incendio complens: Nec animum despondent Indi, sed strenuè Hispanis resistunt, donec novennali bello attriti, & amissis panè omnibus suis Cacicis & belli Ducibus; sub iugum Hispanorum venirent.

Collo-

MANUSCRIPTS
LIBRARY
UNIVERSITY OF CHICAGO

RPJCB



BENZO per Provinciam Nicaragua faciens iter, à primario quodam ejus regionis Cacico accipitur hospitio, viro septuagesimum annum agente, & Hispanicam linguam probè callente, cui nomen Dum. Gonsalvus. Postridie mane sedentem illi proximè fixis oculis intuetur, atque his verbis affatur. Christiane, inquit, quod genus hominum sunt Christiani? simulatque ingressi sunt nostras ædes, petunt maizum, mel, xy- lum, stragulum, & Indam qua abutantur: aurum & argentum sibi dari postulant, labores fugiunt, mendaces sunt, aleæ dediti, perversi & blasphemii: templum ingressi ad audiendam Missam, nihil aliud quàm garriunt & absentes calumniantur, inter se digladiantur, breviter scelesti sunt. Respondens scelestos quidem ea facere, non probos. At ille, ubinam sunt isti probi? Quod ad me (inquit) attinet, nullos hactenus conspexi, nisi improbos. Ego sermone commutans, interrogo: cur initio Hispanos in suam regionem recepissent. Ille, restitimus, inquit, quantum potuimus: verum sæpius ab eis victi operâ equorum, existimavimus tan- dem, præstare, jugum illorum subire, quàm nostrum genus continuis bellis prorsus extingui.

F Nicaragua

COLLEGIUM MICHIGANENSE
LIBRARY



RPJCS

THE UNIVERSITY OF MICHIGAN
LIBRARY
ANN ARBOR, MICHIGAN
48106-1000
This book is loaned to you by the University of Michigan Library
and is to be returned to the library when you are finished with it.
If you are a student of the University of Michigan, you may
borrow this book for a period of four weeks. If you are not a
student, you may borrow it for a period of two weeks. The book
may be renewed for another period of the same length if it is
not needed by the library. If you are a student, you may
borrow the book for a period of eight weeks. If you are not a
student, you may borrow it for a period of four weeks. The book
may be renewed for another period of the same length if it is
not needed by the library. If you are a student, you may
borrow the book for a period of eight weeks. If you are not a
student, you may borrow it for a period of four weeks. The book
may be renewed for another period of the same length if it is
not needed by the library.

2nd

21

NICARAGENSIVM IN SVIS saltationibus ritus.



NICARAGUA incolæ hac consuetudine in suis saltationibus uti solent. Conveniunt ducenti, trecenti, interdum ter aut quater milleni in unum locum, prout regio populosa est. Loco in quo saltare debent bene repurgato, unus ex iis reliquos præcedit, qui saltationis dux erit, magna ex parte in posteriorem partem gradiens & interdum sese convertens, reliqui eum sequuntur terni simul, aut quaterni, servato commodo ordine. Interea tympanista cantilenam aliquam modulatur: saltationis dux primus respondet, deinde reliqui repetunt ejus verba, miros gestus facientes. Unus enim flabellum manu tenet, alter cucurbitam vacuum lapillis impositis crepitantem, tertius caput pennis ornatum habet, quartus nolas è conchis paratas filo trajectas, & cruribus aut brachiis alligatas, alii convertunt se in unam partem, alii in alteram, alii crus sublevant, alii brachia expandunt, alter luscum se fingit, alter surdum, alter ejulat, alter ridet: denique mille alios mirabiles gestus faciunt. Durante autem saltatione propinatur Cacavate, potitionis genus apud eos familiare, & sese mutuò ad bibendum invitant, atque ita saltationem in totum diem producunt, & sæpenumero in totam etiam noctem.

NICOLAUS GEMELLIUS IN CHURCH

[Faint, illegible handwritten text, likely bleed-through from the reverse side of the page.]

RPJL

[Faint, illegible handwritten text, likely bleed-through from the reverse side of the page.]


[Faint, illegible handwritten text.]


PETRUS ALVARADUS MISSUS AB ANTONIO
de Mendoza in Sibollæ provinciam, cum plerisque suis
à Xaliscanis occiditur.

22



ANTONIUS de Mendoza Novæ Hispaniæ Prorex, Petrum Alvaradum in Sibollam Provinciam (quam prædivitem esse intellexerat) cum septingentis militibus mittit. Ille comparatis equis & multis aliis rebus ad profectum necessariis, in itinere audit Indos Xalisco incolas rebellionem molitos adversus Hispanos: in quorum auxilium cum maxima exercitus parte proficiscitur. Invenit in via Petrum de Zuinga valde tristem ob multorum Hispanorum ab Indis cæsum mortem: eum ad se receptum adversus Xaliscanos ducit, atque collem, in quem confugerant & sese munierant, cingunt. Cæsas enim integras arbores simul colligant, insertis inter eas magnis saxis, post quas latebant tanquam in propugnaculo Indi, atque alia ingentia saxa similiter congerierant. Postquam eò pervenerunt Hispani, statim concitatis equis in collem adversum contendunt. Indi sublato magno & horrendo clamore, vincula, quibus arbores cæsæ ligatæ, secant, atque ipsas arbores cum saxis, magno impetu in subeuntes collem Hispanos provolvunt, atque insuper ingentia illa saxa. illa cum arboribus in hunc modum provoluta, quotquot obvios habuerunt Hispanos prosternunt & proterunt. Ipse Alvaradus ab equo cum reliquis deturbato dejectus, similiter in præceps ruit, & altero post die moritur. Interrogatus ubi dolorem sentiret, Extremum, inquit, in anima.





J
De Bry
GV
pt. 5
1617
Lat





